



Broj: 02-04-4301-2/26
Sarajevo, 12.02.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **115.** sjednici održanoj **12.02.2026.** godine, donijela je

Z A K L J U Č A K

1. Utvrđuje se prijedlog Zakona o izmjenama i dopunama Zakona o turizmu.
2. Prijedlog Zakona iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo privrede Kantona Sarajevo,
6. Turistička zajednica Kantona Sarajevo (putem Ministarstva privrede Kantona Sarajevo),
7. Evidencija,
8. A r h i v a.

Na osnovu člana 12. stav (1) tačka k), člana 13. stav (1) tačka h) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana _____ 2026. godine, donijela je

ZAKON O IZMJENAMA I DOPUNAMA ZAKONA O TURIZMU

Član 1.

(Dopune člana 2.)

U Zakonu o turizmu ("Službene novine Kantona Sarajevo", br. 19/16, 31/17, 34/17 – Ispravka i 13/21) u članu 2. iza tačke n) dodaju se nove tač. o) i p) koje glase:

“o) Destinacijski menadžment je strateško i integrirano upravljanje turističkom destinacijom, marketing turističke destinacije i zastupanje interesa turističke destinacije.

p) Turistički proizvod je skup turističkih atrakcija, prirodnih, antropogenih, materijalnih i nematerijalnih elemenata koji čine turističku ponudu, a u službi su razvoja turističke destinacije i zadovoljavanja potreba korisnika turističke usluge.”.

Član 2.

(Izmjena člana 5.)

U članu 5. u stavu (3) iza riječi: “prioritetne pravce razvoja” riječ: “pan” zamjenjuje se riječju: “plan”.

Član 3.

(Dopune člana 8.)

(1) U članu 8. u stavu (3) iza riječi: “razvoja” dodaju se riječi: “turizma jedinice lokalne samouprave”.

(2) Iza stava (3) dodaje se novi stav (4) koji glasi:

“(4) Izuzetno od stava (3) ovog člana, Strategiju razvoja turizma jedinice lokalne samouprave nije potrebno donositi, ukoliko je na nivou jedinice lokalne samouprave usvojen strateški dokument u kojem je planski tretiran turizam.”.

Član 4.

(Novi član 11a.)

Iza člana 11. dodaje se novi član 11a. koji glasi:

“Član 11a.

(Kategorizacija turističkih mjesta)

(1) Osnov za razvrstavanje u kategorije turističkih mjesta po ovom zakonu čine općine, shodno svom značaju za turizam.

(2) Osnovni kriteriji za kategorizaciju turističkih mjesta su:

a) trogodišnji prosjek ostvarenog broja turističkih noćenja u turističkom mjestu (broj noćenja),

b) broj noćenja iz tačke a) ovog stava po stanovniku turističkog mjesta (koeficijent intenziteta turističkog prometa),

c) ukupna vrijednost prometa u turističkoj i ugostiteljskoj djelatnosti po stanovniku mjesta (koeficijent specifičnog turističkog prometa).

(3) Shodno kriterijima iz stava (2) ovog člana, turistička mjesta se razvrstavaju u kategorije A, B, C i D.

(4) Bliže kriterije, način vrednovanja kriterija za kategorizaciju turističkih mjesta i način određivanja kategorije turističkih mjesta na području Kantona propisuje ministar.”.

Član 5. (Izmjene člana 24.)

(1) U članu 24. u stavu (3) tač. i) i j) mijenjaju se i glase:

“i) dokaz izdat od Porezne uprave Federacije Bosne i Hercegovine da organizator putovanja, prema poreznoj evidenciji, nema obaveza po osnovu javnih prihoda,

j) opće uslove putovanja, ovjerene od strane organizatora putovanja.”.

(2) U tački 1) na kraju rečenice interpunkcijski znak ”zarez” zamjenjuje se interpunkcijskim znakom “tačka”.

(3) Tačka m) se briše.

Član 6. (Izmjene člana 25.)

(1) U članu 25. st. (1) i (2) mijenjaju se i glase:

“(1) Ministarstvo donosi rješenje kojim se izdaje licenca, najkasnije u roku od 30 dana od dana podnošenja urednog i potpunog zahtjeva organizatora turističkog putovanja.

(2) Licenca iz stava (1) ovog člana prestaje da važi nakon proteka perioda od pet godina od dana donošenja rješenja iz stava (1) ovog člana.”.

(2) Stav (3) se briše.

Član 7. (Izmjene člana 27.)

(1) U članu 27. u stavu (1) riječi: “u postupku revizije ili inspekcijskog pregleda” zamjenjuju se riječima: “se u postupku inspekcijskog pregleda”.

(2) U tački f) na kraju rečenice veznik “i” zamjenjuje se interpunkcijskim znakom “tačka”.

(3) Tačka g) se briše.

Član 8. (Izmjene člana 60.)

U članu 60. st. (1) i (2) mijenjaju se i glase:

“(1) Turistička zajednica Kantona Sarajevo (u daljem tekstu: Turistička zajednica) djeluje na principima destinacijskog menadžmenta, a osniva se radi promocije i razvoja održivog turizma u Kantonu i privrednih interesa pravnih i fizičkih lica koja pružaju ugostiteljske usluge i usluge u turizmu ili koji obavljaju registrovanu poslovnu djelatnost neposredno ili posredno povezanu sa turizmom, a koja se utvrđuje pravilnikom iz člana 63. stav (3) ovog zakona.

(2) Ciljevi osnivanja Turističke zajednice su:

a) razvoj i marketing destinacije kroz koordinaciju ključnih aktivnosti turističkog razvoja (planiranje, razvoj turističkih proizvoda, finansiranje, donošenje i provedba odluka) u skladu sa strateškim razvojnim dokumentima,

b) osiguranje zastupljenosti specifičnih lokalnih interesa kroz jačanje lokalne i regionalne inicijative i povezivanje učesnika na lokalnom i regionalnom nivou radi stvaranja konkurentnih turističkih proizvoda, c) poboljšanje općih uslova boravka turista u destinaciji kroz formiranje cjelovite turističke ponude, podizanje kvaliteta turističkih i drugih komplementarnih usluga, očuvanje i stvaranje prepoznatljivog i privlačnog turističkog ambijenta Kantona,

d) razvijanje svijesti o važnosti turizma, kao i privrednim, društvenim i drugim efektima turizma, o potrebi i važnosti očuvanja i unapređenja svih elemenata turističke resursne osnove, a posebno zaštite životne sredine, kao i prirodne i kulturne baštine na principima održivog razvoja, e) podsticanje razvoja turističke infrastrukture i pružanje informacija turistima.”.

Član 9. **(Izmjena člana 61.)**

Član 61. mijenja se i glasi:

“Član 61.

(Djelatnost i zadaci Turističke zajednice)

(1) Djelatnost Turističke zajednice zasniva se na načelu ostvarivanja javnog interesa u oblasti razvoja turizma i upravljanja turističkom destinacijom, bez ostvarivanja neposredne dobiti.

(2) Izuzetno od stava (1) ovog člana, Turistička zajednica:

- a) upravlja javnom turističkom infrastrukturom datom na upravljanje odlukom osnivača, u skladu sa pravilnikom kojeg donosi ministar, uz saglasnost Vlade,
- b) organizuje manifestacije i priredbe koje doprinose turističkom identitetu destinacije,
- c) objavljuje turističke komercijalne oglase u tradicionalnim i digitalnim medijima,
- d) organizuje edukacije i stručne skupove u cilju podizanja konkurentnosti destinacije i kapaciteta ponuđača turističkih proizvoda i usluga,
- e) prodaje suvenire, ulaznice, turističke karte i brošure, osim sopstvenog promotivnog materijala,
- f) obavlja i druge poslove od javnog interesa koji su u funkciji razvoja turizma i destinacije i koji nisu u suprotnosti sa ovim zakonom i drugim propisima.

(3) Osnovni zadaci Turističke zajednice su:

- a) strateško planiranje i razvoj destinacije na principima održivog turizma,
- b) koordinacija aktivnosti i komunikacija sa učesnicima iz privatnog i javnog sektora u Kantonu,
- c) saradnja sa ključnim partnerima, drugim turističkim zajednicama i drugim kantonima i entitetima u cilju razvoju turizma,
- d) pokretanje i upravljanje inicijativama razvoja, inoviranja i unapređenja turističke ponude, te objedinjavanje i tržišno pozicioniranje turističke ponude Kantona,
- e) učešće i partnerstvo u projektima koji se finansiraju iz domaćih i inostranih izvora finansiranja, te pružanje podrške implementaciji turističkih razvojnih projekata finansiranih iz domaćih i inostranih izvora finansiranja,
- f) upravljanje kvalitetom - utvrđivanje standarda, kriterija i oznaka kvalitete turističkih proizvoda, usluga i objekata,
- g) razvoj, upravljanje i pozicioniranje turističkog brenda Kantona,
- h) kontinuirano inoviranje turističkog proizvoda i aktiviranje novih turističkih prostora,
- i) planiranje, implementacija i kontrola efekata strateških i operativnih marketinških aktivnosti destinacije u zemlji i inostranstvu (odnosi s javnošću, tradicionalne i digitalne marketinške aktivnosti, manifestacije, događaji, sajmovi, prezentacije, partnerstva, sponzorstva, studijska putovanja i slično),
- j) provođenje javnih poziva za dodjelu podrške manifestacijama i podrške projektima turističkih razvojnih inicijativa i razvoja turističkih proizvoda,
- k) organizovanje jedinstvenog turističkog informacionog sistema, sistema prijave i odjave turista i statistička obrada i prezentacija podataka,
- l) provođenje kontinuiranih aktivnosti u oblasti istraživanja turističkog tržišta i istraživanja potreba i zadovoljstva turista,
- m) obavljanje informativnih poslova u vezi sa turističkom ponudom,
- n) obavljanje drugih poslova propisanih ovim zakonom ili drugim propisima.”.

Član 10.
(Izmjene člana 63.)

U članu 63. st. (1), (2), (3) i (6) mijenjaju se i glase:

“(1) Turistička zajednica ima obavezne članove, predstavnike privatnog i javnog sektora sa područja Kantona.

(2) Obavezni članovi Turističke zajednice su sva pravna lica i fizička lica koja obavljaju registrovanu poslovnu djelatnost (u daljem tekstu: fizičko lice), koja na području Kantona imaju sjedište ili organizacioni dio i koja shodno obavještenju o razvrstavanju prema klasifikaciji djelatnosti izdatom od nadležne službe za statistiku obavljaju djelatnost posredno ili neposredno povezanu sa turizmom.

(3) Djelatnosti iz stava (2) ovog člana po grupama, kao i pripadajući koeficijenti za obračun obaveze plaćanja članarine Turističkoj zajednici propisuju se pravilnikom kojeg donosi ministar, uz saglasnost Vlade, u skladu sa Odlukom o klasifikaciji djelatnosti Bosne i Hercegovine 2010 (“Službeni glasnik BiH”, broj 47/10) u roku od 120 dana od dana stupanja na snagu ovog zakona.

(6) Obavezno članstvo u Turističkoj zajednici prestaje u sljedećim slučajevima:

- a) prestankom rada Turističke zajednice,
- b) prestankom pravnog lica,
- c) smrću fizičkog lica,
- d) djelimičnim ili potpunim gubitkom poslovne sposobnosti fizičkog lica,
- e) prestankom poslovne jedinice,
- f) promjenom sjedišta,
- g) prestankom obavljanja djelatnosti iz stava (2) ovog člana.”.

Član 11.
(Izmjena člana 66.)

Član 66. mijenja se i glasi:

“Član 66.
(Organi Turističke zajednice)

(1) Organi Turističke zajednice su:

- a) skupština,
- b) nadzorni odbor,
- c) turističko vijeće i
- d) predsjednik.

(2) Članovi organa iz stava (1) tač. a), b) i c) ovog člana i organ iz stava (1) tačke d) ovog člana, odgovorni su za zakonito i savjesno obavljanje svojih dužnosti.

(3) Imenovanje na mandat i imenovanje na kraći period članova organa iz stava (1) tač. a), b) i c) ovog člana i organa iz stava (1) tačke (d) ovog člana vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine (“Službene novine Federacije BiH”, br. 12/03, 34/03 i 65/13).

(4) Mandat članova organa iz stava (1) tač. a), b) i c) ovog člana i organa iz stava (1) tačke d) ovog člana je četiri godine, a mogu biti ponovno imenovani na još jedan mandat.

(5) Ukoliko član organa iz stava (1) tač. a), b) i c) ovog člana bude razriješen u toku trajanja mandata, novi član se imenuje na period do isteka mandata na koji je bio imenovan prethodni član.

(6) Članu organa iz stava (1) tač. a), b) i c) ovog člana i organu iz stava (1) tačke d) ovog člana prestaje mandat u sljedećim slučajevima:

- a) istekom mandata na koji je imenovan,
- b) na lični zahtjev,
- c) razrješenjem prije isteka mandata na koji je imenovan,
- d) izborom na neku drugu poziciju ili funkciju nespojivu sa pozicijom člana organa iz stava (1) tač. a), b) i c) ovog člana ili sa pozicijom organa iz stava (1) tačke d) ovog člana,
- e) ukoliko je pravosnažno osuđen za krivično djelo zbog kojeg po zakonu ne može vršiti dužnost člana organa iz stava (1) tač. a), b) i c) ovog člana ili dužnost organa iz stava (1) tačke d) ovog člana,
- f) u slučaju gubitka poslovne sposobnosti.”.

Član 12. **(Izmjena člana 67.)**

Član 67. mijenja se i glasi:

“Član 67.

(Skupština Turističke zajednice)

- (1) Skupština Turističke zajednice (u daljem tekstu: skupština) je najviši organ upravljanja u Turističkoj zajednici.
- (2) Skupštinu imenuje i razrješava Vlada.
- (3) Skupštinu čine tri člana, od kojih su dva člana predstavnici osnivača, a jedan član predstavnik članova Turističke zajednice.
- (4) Predsjednika skupštine biraju članovi skupštine većinom glasova iz reda svojih članova.
- (5) Sjednice skupštine se održavaju najmanje dva puta godišnje.
- (6) Predsjednik skupštine saziva i predsjedava sjednicama skupštine.
- (7) Nadležnosti skupštine su da:
 - a) donosi statut,
 - b) donosi poslovnik o radu skupštine,
 - c) imenuje i razrješava predsjednika skupštine iz reda članova skupštine,
 - d) imenuje i razrješava članove nadzornog odbora,
 - e) imenuje i razrješava članove turističkog vijeća,
 - f) donosi godišnji program rada i finansijski plan Turističke zajednice,
 - g) usvaja godišnji izvještaj o radu i finansijski izvještaj Turističke zajednice,
 - h) podnosi Skupštini Kantona Sarajevo godišnji izvještaj o radu i finansijski izvještaj Turističke zajednice,
 - i) utvrđuje vrijednost rezerve, te namjenu i način trošenja iste,
 - j) rješava i donosi akte o pravima i obavezama iz radnog odnosa predsjednika,
 - k) donosi odluku o prijemu u dobrovoljno članstvo u Turističkoj zajednici,
 - l) sačinjava izvještaj o svom radu za prethodnu godinu do kraja aprila tekuće godine, a koji čini sastavni dio godišnjeg izvještaja o radu i finansijskog izvještaja Turističke zajednice,
 - m) obavlja i druge poslove utvrđene ovim zakonom i statutom.
- (8) Skupština može pravovaljano odlučivati ukoliko sjednici prisustvuje većina članova skupštine, a odlučuje većinom glasova od ukupnog broja članova skupštine.
- (9) Vlada može razriješiti skupštinu i prije isteka mandata u slučaju da:
 - a) u svom radu ne postupa u skladu sa ovim zakonom, statutom ili drugim propisima,
 - b) ne izvršava zadatke iz stava (7) ovog člana ili ih izvršava neblagovremeno i neuredno,
 - c) Turistička zajednica ne ispunjava zadatke zbog kojih je osnovana,
 - d) Skupština Kantona Sarajevo ne usvoji godišnji izvještaj o radu i finansijski izvještaj Turističke zajednice,

- e) ne postupi po zahtjevu Ministarstva u provedbi nadzora u skladu sa odredbama ovog zakona.”.

Član 13. (Izmjena člana 68.)

Član 68. mijenja se i glasi:

“Član 68.

(Nadzorni odbor Turističke zajednice)

(1) Nadzorni odbor Turističke zajednice (u daljem tekstu: nadzorni odbor) je organ koji vrši nadzor nad radom Turističke zajednice.

(2) Nadzorni odbor imenuje i razrješava skupština.

(3) Nadzorni odbor čine tri člana, od kojih je jedan član predstavnik osnivača.

(4) Predsjednika nadzornog odbora biraju članovi nadzornog odbora većinom glasova iz reda svojih članova.

(5) Sjednice nadzornog odbora se održavaju najmanje četiri puta godišnje.

(6) Predsjednik nadzornog odbora saziva i predsjedava sjednicama nadzornog odbora.

(7) Nadležnosti nadzornog odbora su da:

a) donosi poslovnik o radu nadzornog odbora,
b) nadzire vođenje poslova Turističke zajednice,
c) nadzire materijalno i finansijsko poslovanje i raspolaganje sredstvima u Turističkoj zajednici,

d) podnosi turističkom vijeću prijedlog godišnjeg programa rada i finansijskog plana Turističke zajednice za narednu godinu,

e) nadzire izvršenje i provedbu godišnjeg programa rada i finansijskog plana Turističke zajednice,

f) razmatra i podnosi turističkom vijeću prijedlog godišnjeg izvještaja o radu i finansijskog izvještaja Turističke zajednice,

g) obavlja poslove drugostepenog organa u postupcima žalbi i prigovora na sve akte Turističke zajednice iz radnih odnosa,

h) razmatra i usvaja provedbeni propis za postupak javne nabavke u smislu njegove usaglašenosti sa važećim propisima o javnoj nabavci, te isti dostavlja turističkom vijeću na upoznavanje,

i) vrši nadzor nad radom organa Turističke zajednice u pogledu primjene provedbenog propisa o postupku javne nabavke, te važećih propisa o javnoj nabavci,

j) informiše turističko vijeće o provedbi propisa iz tačke h) ovog stava,

k) razmatra izvještaje o javnoj nabavci i prijavljuje nadležnim organima sve eventualne prevare ili zloupotrebe,

l) prati realizaciju preporuka eksterne revizije,

m) daje upute predsjedniku Turističke zajednice za provođenje preporuka u vezi sa uočenim nepravilnostima,

n) podnosi skupštini izvještaj o svom radu za prethodnu godinu do kraja aprila tekuće godine,

o) obavlja i druge poslove utvrđene ovim zakonom i statutom.

(8) Nadzorni odbor ne može svoja ovlaštenja za obavljanje nadležnosti iz stava (7) ovog člana prenositi na drugi organ Turističke zajednice.

(9) Nadzorni odbor može pravovaljano odlučivati ukoliko sjednici prisustvuje većina članova nadzornog odbora, a odlučuje većinom glasova od ukupnog broja članova nadzornog odbora.

(10) Skupština može razriješiti nadzorni odbor i prije isteka mandata u slučaju da:

a) u svom radu ne postupi u skladu sa ovim zakonom, statutom ili drugim propisima,

- b) ne izvršava zadatke iz stava (7) ovog člana ili ih izvršava neblagovremeno i neuredno,
- c) ne postupi po zahtjevu Ministarstva u provedbi nadzora u skladu sa odredbama ovog zakona.”.

Član 14.
(Brisanje člana 69.)

Član 69. se briše.

Član 15.
(Izmjena člana 70.)

Član 70. mijenja se i glasi:

“Član 70.

(Turističko vijeće Turističke zajednice)

- (1) Turističko vijeće Turističke zajednice (u daljem tekstu: turističko vijeće) je izvršni organ Turističke zajednice.
- (2) Turističko vijeće imenuje i razrješava skupština.
- (3) Turističko vijeće ima tri člana, od koji su dva člana iz reda članova Turističke zajednice, a jedan član je predstavnik osnivača.
- (4) Predsjednika turističkog vijeća biraju članovi turističkog vijeća većinom glasova iz reda svojih članova.
- (5) Sjednice turističkog vijeća se održavaju najmanje jednom u tri mjeseca.
- (6) Predsjednik turističkog vijeća saziva i predsjedava sjednicama turističkog vijeća.
- (7) Nadležnosti turističkog vijeća su da:
 - a) donosi poslovnik o radu turističkog vijeća,
 - b) izvršava odluke i zaključke skupštine,
 - c) donosi opće akte Turističke zajednice na prijedlog predsjednika Turističke zajednice,
 - d) utvrđuje i podnosi skupštini prijedlog godišnjeg programa rada i finansijskog plana Turističke zajednice,
 - e) utvrđuje i podnosi skupštini prijedlog godišnjeg izvještaja o radu i finansijskog izvještaja Turističke zajednice,
 - f) podnosi skupštini izvještaj o izvršenju godišnjeg programa rada,
 - g) podnosi skupštini izvještaj o svom radu za prethodnu godinu do kraja aprila tekuće godine,
 - h) upravlja imovinom Turističke zajednice, u skladu sa ovim zakonom i statutom, te u skladu sa godišnjim programom rada i finansijskim planom Turističke zajednice,
 - i) donosi odluku o osnivanju turističkih informativnih centara i turističkih informativnih punktova, na osnovu statističkih parametara i strateških opredjeljenja,
 - j) utvrđuje granice ovlaštenja za zastupanje i raspolaganje finansijskim sredstvima Turističke zajednice,
 - k) obavlja i druge poslove utvrđene ovim zakonom i statutom.
- (8) Turističko vijeće može pravovaljano odlučivati ukoliko sjednici prisustvuje većina članova turističkog vijeća, a odlučuje većinom glasova od ukupnog broja članova turističkog vijeća.
- (9) Skupština može razriješiti turističko vijeće i prije isteka mandata u slučaju da:
 - a) u svom radu ne postupa u skladu sa ovim zakonom, statutom ili drugim propisima,
 - b) ne izvršava zadatke iz stava (7) ovog člana ili ih izvršava neblagovremeno i neuredno,
 - c) ne postupi po zahtjevu Ministarstva u provedbi nadzora u skladu sa odredbama ovog zakona.”.

Član 16.
(Izmjena člana 71.)

Član 71. mijenja se i glasi:

“Član 71.

(Predsjednik Turističke zajednice)

(1) Predsjednik Turističke zajednice (u daljem tekstu: predsjednik) predstavlja i zastupa Turističku zajednicu.

(2) Predsjednika imenuje i razrješava Vlada.

(3) Nadležnosti predsjednika su da:

a) organizuje, koordinira i usklađuje rad i aktivnosti Turističke zajednice u skladu sa ovim zakonom, statutom i godišnjim programom rada i finansijskim planom Turističke zajednice,

b) odgovara za zakonitost i blagovremenost izvršavanja zadataka Turističke zajednice,

c) izvršava i organizuje sprovođenje odluka Vlade i organa Turističke zajednice,

d) predlaže i podnosi nadzornom odboru prijedlog godišnjeg program rada i finansijskog plana Turističke zajednice,

e) predlaže i podnosi nadzornom odboru prijedlog godišnjeg izvještaja o radu i finansijskog izvještaja Turističke zajednice,

f) predlaže turističkom vijeću opće akte Turističke zajednice,

g) donosi pojedinačne akte u skladu sa zakonom, statutom i općim aktima Turističke zajednice,

h) predlaže nadzornom odboru provedbeni propis za postupak javnih nabavki i provodi zakon koji reguliše oblast javnih nabavki,

i) uspostavlja i organizuje saradnju Turističke zajednice sa drugim turističkim zajednicama i drugim tijelima sa zajedničkim interesom,

j) predstavlja i zastupa Turističku zajednicu i poduzima sve pravne radnje u ime i za račun Turističke zajednice u postupcima pred sudovima, upravnim i drugim državnim tijelima, te drugim pravnim osobama,

k) odgovara za namjensko korištenje sredstava Turističke zajednice,

l) usklađuje materijalne i druge uslove rada Turističke zajednice, kako bi poslovi i zadaci bili blagovremeno i kvalitetno obavljeni u skladu sa odlukama, zaključcima i godišnjim programom rada i finansijskim planom Turističke zajednice,

m) odlučuje o pravima i obavezama zaposlenika Turističke zajednice,

n) obavlja i druge poslove utvrđene ovim zakonom i statutom.

(4) Vlada može razriješiti predsjednika i prije isteka mandata u slučaju da:

a) u svom radu ne postupa u skladu sa ovim zakonom, statutom ili drugim propisima,

b) ne izvršava zadatke iz stava (3) ovog člana ili ih izvršava neblagovremeno i neuredno,

c) prekorači svoja ovlaštenja i time nanese štetu za Turističku zajednicu,

d) Skupština Kantona Sarajevo ne usvoji godišnji izvještaj o radu i finansijski izvještaj Turističke zajednice,

e) ne postupi po zahtjevu Ministarstva u provedbi nadzora u skladu sa odredbama ovog zakona,

f) zbog odsutnosti ili spriječenosti u neprekidnom periodu dužem od tri mjeseca ne obavlja dužnost predsjednika.”.

Član 17.
(Brisanje čl. 72., 73., 74. i 75.)

Čl. 72., 73., 74. i 75. se brišu.

Član 18.
(Izmjena člana 77.)

U članu 77. stav (4) mijenja se i glasi:

“(4) Dnevnu boravišnu taksu plaća organizator grupnog putovanja - putnička agencija, po svakom grupnom dolasku turista u Kanton bez noćenja. Način naplate dnevne boravišne takse propisuje ministar posebnim aktom.”.

Član 19.
(Izmjena člana 82a.)

Član 82a. mijenja se i glasi:

“Član 82a.
(Članarina)

(1) Članarinu Turističkoj zajednici dužni su plaćati obavezni i dobrovoljni članovi Turističke zajednice iz člana 63. st. (2) i (8) ovog zakona.

(2) Turistička zajednica dužna je najmanje 20% prikupljenih sredstava od članarine iz stava (1) ovog člana utrošiti za razvoj turističkog proizvoda Kantona, a što direktno utiče na unapređenje turističke ponude Kantona.

(3) Turistička zajednica dužna je uspostaviti Registar obveznika obračuna i plaćanja članarine iz stava (1) ovog člana u roku od 90 dana od dana donošenja akta iz stava (4) ovog člana.

(4) Turističko vijeće, na prijedlog predsjednika i uz saglasnost Ministarstva, donosi akt o uspostavi, sadržaju i načinu vođenja Registra iz stava (3) ovog člana u roku od 30 dana od dana stupanja na snagu pravilnika iz člana 63. stav (3) ovog zakona.”.

Član 20.
(Izmjena člana 82b.)

Član 82b. mijenja se i glasi:

“Član 82b.
(Visina članarine)

Visina članarine koju plaćaju članovi Turističke zajednice iz člana 63. st. (2) i (8) ovog zakona je proizvod pripadajućeg koeficijenta utvrđenog pravilnikom iz člana 63. stav (3) ovog zakona i osnove za obračun članarine iz člana 82c. ovog zakona.”.

Član 21.
(Izmjena člana 82c.)

Član 82c. mijenja se i glasi:

“Član 82c.
(Osnovica za obračun članarine)

(1) Osnovica za obračun članarine pravnom licu je ukupan prihod sjedišta i/ili poslovnih jedinica na području Kantona koji, shodno obavještenju o razvrstavanju prema klasifikaciji djelatnosti nadležnog organa za statistiku, obavljaju djelatnosti utvrđene pravilnikom iz člana 63. stav (3) ovog zakona.

(2) Za pravna lica ukupan prihod iz stava (1) ovog člana, u smislu ovog zakona, čine svi prihodi koje je pravno lice dužno prezentovati u svojim računovodstvenim iskazima, u skladu sa pozitivnim propisima o računovodstvu.

(3) Osnovica za obračun članarine fizičkom licu je ukupan prihod koji fizičko lice ostvari obavljanjem samostalne registrovane djelatnosti na području Kantona.

(4) Za fizička lica ukupan prihod, u smislu ovog zakona, čine svi prihodi koje je fizičko lice dužno prezentovati u specifikaciji za utvrđivanje dohotka od samostalne djelatnosti (Obrazac SPR – 1053).”.

Član 22.
(Novi član 82e.)

Iza člana 82d. dodaje se novi član 82e. koji glasi:

“Član 82e.

(Način utroška sredstava za razvoj i unapređenje turističkog proizvoda)

(1) Način utroška sredstava iz člana 82. stav (3) i člana 82a. stav (2) ovog zakona uređuje se uredbom koju, na prijedlog Ministarstva, donosi Vlada u roku od 120 dana od dana stupanja na snagu ovog zakona.

(2) Uredbu iz stava (1) ovog člana priprema stručno radno tijelo koje rješenjem imenuje ministar i koje čini sedam članova, od čega tri predstavnika Ministarstva, dva predstavnika Turističke zajednice i dva lica iz reda istaknutih stručnjaka iz oblasti turizma.”.

Član 23.
(Izmjene člana 85.)

U članu 85. st. (3) i (4) mijenjaju se i glase:

“(3) Godišnji izvještaj o radu i finansijski izvještaj Turističke zajednice za prethodnu godinu, Turistička zajednica dužna je, putem Ministarstva, dostaviti Vladi najkasnije do 10. juna tekuće godine, koja potom isti dostavlja Skupštini Kantona Sarajevo na nadležno odlučivanje.

(4) Godišnji finansijski izvještaj iz stava (3) ovog člana obavezno sadrži sljedeće: set finansijskih izvještaja ovjeren od nadležne agencije, ostvarene prihode i rashode u odnosu na planirane sa analizom odstupanja, finansijsku analizu novčanih tokova raspodjele ostvarenih prihoda, godišnji izvještaj o poslovanju, izvještaj eksterne revizije i procjenu učinka realizovanih aktivnosti na razvoj i unapređenje turizma.”.

Član 24.
(Brisanje čl. 87., 88., 89., 90. i 91.)

Čl. 87., 88., 89., 90. i 91. se brišu.

Član 25.
(Izmjena člana 93.)

U članu 93. stav (1) mijenja se i glasi:

“(1) Nadzor nad primjenom ovog zakona vrši Ministarstvo.”.

Član 26.
(Izmjena člana 99.)

U članu 99. u stavu (1) tač. c) i f) se brišu.

Član 27.
(Novi član 99a.)

Iza člana 99. dodaje se novi član 99a. koji glasi:

“Član 99a.

(1) Novčanom kaznom u iznosu od 3.000,00 KM do 20.000,00 KM kaznit će se za prekršaj pravno lice ako:

- a) pruža usluge protivno članu 17. ovog zakona,
 - b) organizira turističko putovanje prije nego što je pribavilo licencu (član 24.).
- (2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 500,00 KM do 5.000,00 KM.
- (3) Za prekršaje iz stava (1) ovog člana kaznit će se i voditelj poslovnice novčanom kaznom od 1.500,00 KM do 3.000,00 KM.”.

Član 28.
(Izmjena člana 100.)

U članu 100. stav (1) tač. d), e), f), g), h) i i) se brišu.

Član 29.
(Novi član 100a.)

Iza člana 100. dodaje se novi član 100a. koji glasi:

“Član 100a.

(1) Novčanom kaznom od 1.500,00 KM do 10.000,00 KM kaznit će se za prekršaj pravno lice ako:

a) pruža usluge u kongresnom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 52. stav (1));

b) pruža usluge u zdravstvenom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 55. stav (1));

c) pruža usluge u avanturističkom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga izdatog od strane nadležnog organa (član 59. stav (1));

d) za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.), organizator i/ili lica koja ih izvođe ne izvrše procjenu rizika i nemaju donesen elaborat spašavanja (član 57. stav (4));

e) pruža usluge u avanturističkom turizmu, a ne ispunjava propisane obaveze (član 58. stav (1));

f) pruža usluge u avanturističkom turizmu licima mlađim od 18 godina bez pismene saglasnosti roditelja odnosno staratelja, ukoliko roditelj, odnosno staratelj nije prisutan (član 58. stav (2)).

(2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 500,00 KM do 3.000,00 KM.

(3) Za prekršaje iz stava (1) ovog člana kaznit će se i voditelj poslovnice novčanom kaznom od 700,00 KM do 2.000,00 KM.”.

Član 30.
(Izmjena člana 101.)

U članu 101. tač. f) i g) se brišu.

Član 31.
(Novi član 101a.)

Iza člana 101. dodaje se novi član 101a. koji glasi:

“Član 101a.

Novčanom kaznom u iznosu od 500,00 KM do 3.000,00 KM kaznit će se za prekršaj fizičko lice ako:

- a) pruža usluge protivno članu 17. ovog zakona,
- b) pruža usluge u zdravstvenom turizmu iz člana 53. ovog zakona, bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 55. stav (1));
- c) pruža usluge iz člana 57. stav (1) ovog zakona (treneri, instruktori, učitelji, vođači, vođačice i sl.), bez odgovarajuće licence/dozvole nadležnih institucija ili udruženja, kojim se utvrđuje sposobnost i nivo vještine obavljanja aktivnosti (član 57. stav (3)).”.

Član 32. (Izmjene člana 102.)

- (1) U članu 102. u tački a) broj: “500,00” zamjenjuje se brojem: “1.500,00”, a broj: “1.500,00” zamjenjuje se brojem: “3.000,00”.
- (2) U tački b) broj: “200,00” zamjenjuje se brojem: “1.000,00”, a broj: “500,00” zamjenjuje se brojem: “2.000,00”.
- (3) U tački c) broj: “300,00” zamjenjuje se brojem: “800,00”, a broj: “500,00” zamjenjuje se brojem: “1.000,00”.

Član 33. (Izmjene člana 104.)

- (1) U članu 104. u stavu (1) broj: “2.000,00” zamjenjuje se brojem: “5.000,00”, a broj: “5.000,00” zamjenjuje se brojem: “10.000,00”.
- (2) Dosadašnja tačka j) mijenja se i glasi:
“j) ne omogući Ministarstvu provedbu nadzora (član 93. stav (1)).”
- (3) Tač. e) i k) se brišu.
- (4) Dosadašnje tač. f), g), h), i) i j) postaju tač. e), f), g), h) i i).
- (5) U stavu (2) broj: “500,00” zamjenjuje se brojem: “1.000,00”, a broj: “2.500,00” zamjenjuje se brojem: “5.000,00”.

Član 34. (Izmjene člana 105.)

- (1) U članu 105. u stavu (1) broj: “3.000,00” zamjenjuje se brojem: “6.000,00”, a broj: “10.000,00” zamjenjuje se brojem: “15.000,00”.
- (2) U stavu (2) broj: “500,00” zamjenjuje se brojem: “1.500,00”, a broj: “2.500,00” zamjenjuje se brojem: “5.000,00”.
- (3) U stavu (3) broj: “2.000,00” zamjenjuje se brojem: “5.000,00”, a broj: “5.000,00” zamjenjuje se brojem: “10.000,00”.

Član 35. (Izmjene i dopuna člana 105a.)

- (1) U članu 105a. u stavu (1) broj: “700,00” zamjenjuje se brojem: “2.000,00”, a broj: “7.000,00” zamjenjuje se brojem: “15.000,00”.
- (2) U tački a) na kraju rečenice interpunkcijski znak ”tačka” zamjenjuje se interpunkcijskim znakom “tačka-zarez”.
- (3) Iza tačke a) dodaje se nova tačka b) koja glasi:
“b) ne dostavi dokaz o obračunu i uplati članarine (član 82d. stav (4)).”

(4) U stavu (2) broj: "200,00" zamjenjuje se brojem: "1.000,00", a broj: "2.000,00" zamjenjuje se brojem: "5.000,00".

(5) U stavu (3) broj: "100,00" zamjenjuje se brojem: "800,00", a broj: "1.000,00" zamjenjuje se brojem: "5.000,00".

Član 36.
(Utvrdjivanje prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o turizmu u roku od šest mjeseci od dana stupanja na snagu ovog zakona.

Član 37.
(Pokrenuti postupci)

Svi postupci koji su pokrenuti prije stupanja na snagu ovog zakona završit će se po odredbama zakona koji je važio u trenutku pokretanja postupka.

Član 38.
(Prelazne odredbe)

(1) Odluka o osnivanju Turističke zajednice uskladit će se sa odredbama ovog zakona, u roku od 90 dana od dana stupanja na snagu ovog zakona.

(2) Skupština će donijeti statut, u skladu sa odredbama ovog zakona, u roku od 60 dana od dana stupanja na snagu odluke iz stava (1) ovog člana.

(3) Imenovanje organa Turističke zajednice, u skladu sa odredbama ovog zakona i statuta, izvršit će se najkasnije u roku od 60 dana od dana stupanja na snagu statuta iz stava (2) ovog člana do kada će organi, koji su imenovani do dana stupanja na snagu ovog zakona, obavljati sve poslove iz svoje nadležnosti.

(4) Odredbe čl. 82a., 82b. i 82c. ovog zakona kojima se uređuje članarina, visina članarine i osnovica za obračun članarine primjenjivat će se danom stupanja na snagu pravilnika iz člana 63. stav (3) ovog zakona.

Član 39.
(Ograničavajuća primjena)

Do stupanja na snagu pravilnika iz člana 63. stav (3) ovog zakona primjenjivat će se Pravilnik o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", br. 44/16, 2/18, 12/18 i 16/21).

Član 40.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Broj: _____/26
Sarajevo, _____ 2026. godine

O B R A Z L O Ž E N J E

I - PRAVNI OSNOV

Pravni osnov za donošenje Zakona o izmjenama i dopunama Zakona o turizmu sadržan je u članu 12. stav (1) tačka k), članu 13. stav (1) tačka h) i članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17).

U članu 12. stav (1) tačka k) Ustava Kantona Sarajevo propisano je da je u okviru svojih nadležnosti Kanton nadležan za stvaranje i primjenu politike turizma i razvoja turističkih resursa. U članu 13. stav (1) tačka h) Ustava Kantona Sarajevo propisano je da Kanton zajedno sa Federacijom, samostalno ili u koordinaciji sa federalnim vlastima vrši nadležnost u turizmu. U članu 18. stav (1) tačka b) Ustava Kantona Sarajevo propisano je da Skupština Kantona donosi zakone i druge propise u okviru izvršavanja nadležnosti Kantona.

II - RAZLOZI ZA DONOŠENJE

Skupština Kantona Sarajevo, na 23. Radnoj sjednici održanoj dana 16.06.2025. godine, Zaključkom broj: 01-02-34356/25, utvrdila je Nacrt zakona o izmjenama i dopunama Zakona o turizmu. U tački 3. navedenog Zaključka utvrđeno je da će se javna rasprava održati u kantonalnim organima, jedinicama lokalne samouprave, naučnim i stručnim ustanovama, u trajanju od 30 dana. Za organizovanje i provođenje javne rasprave Skupština Kantona Sarajevo je zadužila Vladu Kantona Sarajevo (u daljem tekstu: Vlada), koja je nakon provedene javne rasprave obavezna da Skupštini Kantona Sarajevo podnese Izvještaj o rezultatima javne rasprave. Izvještaj treba da sadrži primjedbe, prijedloge i mišljenja, kao i obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o turizmu.

Nakon provedene javne rasprave o Nacrtu zakona o izmjenama i dopunama Zakona o turizmu razmotrene su pristigle primjedbe, prijedlozi i mišljenja, te je pripremljen Izvještaj o rezultatima javne rasprave o Nacrtu zakona o izmjenama i dopunama Zakona o turizmu. Izvještaj sadrži primjedbe, prijedloge i mišljenja, kao i obrazloženje razloga zbog kojih pojedine primjedbe, prijedlozi i mišljenja nisu prihvaćeni. Ministarstvo privrede Kantona Sarajevo (u daljem tekstu: Ministarstvo), kao resorno ministarstvo i nosilac izrade ovog zakona, intervenisalo je u toku javne rasprave i uočilo potrebe za određenim korekcijama u cilju poboljšanja teksta Prijedloga zakona o izmjenama i dopunama Zakona o turizmu.

Ministarstvo je pripremio Prijedlog zakona o izmjenama i dopunama Zakona o turizmu (u daljem tekstu: Prijedlog zakona) prema prihvaćenim primjedbama i prijedlozima sa javne rasprave o Nacrtu zakona o izmjenama i dopunama Zakona o turizmu (u daljem tekstu: Nacrt zakona). Shodno tome, određene izmjene su ugrađene u Prijedlog zakona, a te izmjene u odnosu na Nacrt zakona su sljedeće:

1. U članu 10. Nacrta zakona (Izmjene člana 63.) u stavu (3) riječi: "navode se" zamjenjuju se riječima: "propisuju se".

Također, u članu 10. Nacrta zakona dodaje se i izmjena stava (6) koji glasi:

“(6) Obavezno članstvo u Turističkoj zajednici prestaje:

- a) prestankom rada Turističke zajednice,
- b) prestankom pravnog lica,
- c) smrću fizičkog lica,
- d) djelimičnim ili potpunim gubitkom poslovne sposobnosti fizičkog lica,
- e) prestankom organizacionog dijela, odnosno poslovne jedinice,
- f) promjenom sjedišta,
- g) prestankom obavljanja djelatnosti iz stava (2) ovog člana.”.

2. U članu 13. Nacrta zakona kojim se mijenja član 68. Zakona o turizmu (Nadzorni odbor Turističke zajednice) u stavu (7) iza tačke l) dodaje se nova tačka m) koja glasi: “m) daje upute

predsjedniku Turističke zajednice za provođenje preporuka u vezi sa uočenim nepravilnostima,” a dosadašnje tač. m) i n) postaju tač. n) i o).

3. U članu 19. Nacrta zakona, kojim se mijenja član 82a. (Članarina), mijenja se stav (4) koji je u Nacrtu zakona glasio: “(4) Turističko vijeće, na prijedlog predsjednika, donosi akt o uspostavi, sadržaju i načinu vođenja Registra iz stava (3) ovog člana, uz saglasnost Ministarstva, u roku od 30 dana od dana stupanja na snagu ovog zakona.”, a sada u Prijedlogu zakona glasi: “(4) Turističko vijeće, na prijedlog predsjednika i uz saglasnost Ministarstva, donosi akt o uspostavi, sadržaju i načinu vođenja Registra iz stava (3) ovog člana u roku od 30 dana od dana stupanja na snagu pravilnika iz člana 63. stav (3) ovog zakona.”. Naime, u ovom članu u stavu (4) riječi: “ovog zakona” zamjenjuju se riječima: “pravilnika iz člana 63. stav (3) ovog zakona.”. Navedena izmjena je neophodna jer je regulisanje uspostave, sadržaja i načina vođenja Registra iz stava (3) ovog člana vezano za sadržaj pravilnika iz člana 63. stav (3) ovog zakona.

4. U članu 22. Nacrta zakona, kojim se dodaje novi član 82e. (Način utroška sredstava za razvoj i unapređenje turističkog proizvoda), briše se stav (3) koji glasi “(3) Rok za donošenje uredbe iz stava (1) ovog člana je 90 dana od dana stupanja na snagu ovog zakona.”. Dosadašnji tekst stava (3) premješten je u stav (1) ovog člana s tim što se broj: “90” zamjenjuje brojem: “120”, odnosno rok za donošenje uredbe povećava se sa 90 na 120 dana od dana stupanja na snagu ovog zakona. Navedena izmjena je potrebna radi kompleksnosti sadržaja ove uredbe, jer je intencija da se što detaljnije reguliše način utroška sredstava za razvoj i unapređenje turističkog proizvoda, a to su sredstva iz člana 82. stav (3) i člana 82a. stav (2) ovog zakona odnosno najmanje 70% ostvarenih sredstava od boravišne takse i najmanje 20% prikupljenih sredstava od članarine.

5. Nakon dodatnih analiza i konsultacija Ministarstvo je stava da se koriguju članovi Nacrta zakona na način da se ne propisuje povećanje iznosa novčanih kazni za prekršaje koji su već propisani Zakonom o turističkoj djelatnosti (“Službene novine Federacije BiH”, broj 32/09), nego će se ostaviti povećanje iznosa novčanih kazni samo za prekršaje koji su propisani Zakonom o turizmu (“Službene novine Kantona Sarajevo”, br. 19/16, 31/17, 34/17 - Ispravka i 13/21). Korigovanjem članova Nacrta zakona i to člana 26. (Izmjene člana 90.), člana 27. (Izmjene člana 100.) i člana 28. (Izmjene i dopuna člana 101.), koji se odnose na prekršajne odredbe mijenjaju se čl. 99., 100. i 101. ovog zakona, a u Prijedlogu zakona se dodaju nova tri člana i to član 27. (Novi član 99a.), član 29. (Novi član 100a.) i član 31. (Novi član 101a.), te se tako broj članova sa 36 članova u Nacrtu zakona povećava na 40 članova u Prijedlogu zakona. Naime, odredbe koje se brišu u čl. 26., 27. i 28. Nacrta zakona (čl. 99., 100. i 101.), u Prijedlogu zakona se premještaju odnosno propisuju u novim članovima i to u članu 27. (Novi član 99a.), članu 29. (Novi član 100a.) i članu 31. (Novi član 101a.). Navedene korekcije su izvršene kako ne bi došlo do neusklađenosti Zakona o turizmu sa Zakonom o turističkoj djelatnosti (“Službene novine Federacije BiH”, broj 32/09).

6. U članu 32. Nacrta zakona (Izmjene i dopuna člana 105a.), koji je sada član 35. u Prijedlogu zakon, u stavu (3) tačka b) riječi: “(član 82d. st. (4) i (5))” zamjenjuju se riječima: “(član 82d. stav (4))”, odnosno radi se o ispravci tehničke greške.

7. Član 34. Nacrt zakona (Rješavanje ranijih zahtjeva) je sada član 37. u Prijedlogu zakona (Pokrenuti postupci). Naziv člana “(Rješavanje ranijih zahtjeva)” zamjenjuje se nazivom “(Pokrenuti postupci)” koji je prikladniji, te je shodno tome tekst ovog člana samo preformulisan i u Prijedlogu zakona glasi: “Svi postupci koji su pokrenuti prije stupanja na snagu ovog zakona završit će se po odredbama zakona koji je važio u trenutku pokretanja postupka.”.

8. U članu 35. Nacrta zakona (Rokovi) koji je sada član 38. izmjenjen je naziv člana u naziv “(Prelazne odredbe)”, te je pored toga u Prijedlogu zakona u ovom članu dodat novi stav (4) koji glasi: “(4) Odredbe čl. 82a., 82b. i 82c. ovog zakona kojima se uređuje članarina, visina članarine i osnovica za obračun članarine primjenjivat će se danom stupanja na snagu pravilnika iz člana 63. stav (3) ovog zakona.”.

9. Iza člana 38. u Prijedlogu zakona dodat je novi član 39. (Ograničavajuća primjena) kojim se, da ne bi došlo do pravnog vakuma odnosno pravne praznine, propisuje da će se do stupanja na snagu pravilnika iz člana 63. stav (3) ovog zakona primjenjivati Pravilnik o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", br. 44/16, 2/18, 12/18 i 16/21).

Izmjenama i dopunama Zakona o turizmu izvršeno je poboljšanje odredbi Zakona o turizmu ("Službene novine Kantona Sarajevo", br. 19/16, 31/17, 34/17 - Ispravka i 13/21), u sljedećim segmentima:

1. Podnosioci zahtjeva za izdavanje licence za organiziranje turističkog putovanja uz zahtjev nisu obavezni da opće uslove putovanja ovjere kod strukovnog Udruženja/Udruga turističkih agencija u Bosni i Hercegovini (u daljem tekstu: UTA BIH), a niti da prilože dokaz o članstvu u strukovnom udruženju UTA BIH, jer u pravilu članstvo u bilo kojem udruženju treba da bude dobrovoljno. UTA BIH je dobrovoljno sektorsko udruženje turističkih agencija organizirano na nacionalnom nivou Bosne i Hercegovine. Pojedininim putničkim agencijama organizatorima putovanja, koje nisu članovi strukovnog udruženja UTA BIH jer to ne žele, onemogućeno je prema Zakonu o turizmu izdavanje licence, te su navedene agencije Ministarstvu konstantno iskazivale nezadovoljstvo odredbom Zakona o turizmu u kojoj je ovo propisano, smatrajući to neopravdanim.

2. Produžava se rok za izdavanje licenci putničkim agencijama organizatorima putovanja sa 15 na 30 dana, a rok važenja izdate licence produžava se sa tri na pet godina.

3. Ciljevi, djelatnost i zadaci Turističke zajednice su redefinisani u smislu preciznijeg uređenja materije i usklađivanja sa praksom drugih zemalja.

4. Urađene su korekcije člana koji propisuje članove Turističke zajednice, u smislu preciznijeg definisanja.

5. Smanjen je broj organa Turističke zajednice sa pet na četiri organa, jer prema Zakonu o turizmu Turistička zajednica ima pet organa i to: skupštinu, nadzorni odbor, turističko vijeće, predsjednika i ured za podršku turizmu, a pored toga je propisana i mogućnost da se statutom Turističke zajednice može predvidjeti osnivanje i drugih organa, što se do sada u praksi pokazalo bespotrebnim, te se izmjenama Zakona o turizmu ukida ova mogućnost. Ovim izmjenama ukida se i jedan organ Turističke zajednice, a to je ured za podršku turizmu koji nikada nije ni osnovan, tako da prema izmjenama i dopunama Zakona o turizmu Turistička zajednica ima četiri organa i to: skupštinu, nadzorni odbor, turističko vijeće i predsjednika. Također, smanjen je broj članova skupštine sa pet na tri člana i broj članova turističkog vijeća sa sedam na tri člana. Navedeno smanjenje broja organa Turističke zajednice i smanjenje broja članova skupštine i turističkog vijeća će doprinijeti znatnim uštedama i smanjenju izdataka Turističke zajednice za rad njenih organa.

6. Konkretnije i preciznije je definisan način imenovanja i razrješenja organa Turističke zajednice, njihove nadležnosti, način rada, odgovornost za zakonito i savjesno obavljanje dužnosti i razrješenje prije isteka mandata. Imenovanje na mandat i imenovanje na kraći period članova skupštine, nadzornog odbora i turističkog vijeća, kao i predsjednika vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13).

7. Ukida se turistički ured koji, prema Zakonu o turizmu, osniva skupština Turističke zajednice, radi obavljanja stručnih i administrativnih poslova vezanih za potrebe Turističke zajednice. Shodno navedenom ukida se i pozicija direktora turističkog ureda. Turistički ured nikada do sada nije ni osnovan a nije ni postojala potreba za istim, jer su stručni i administrativni poslovi koje bi obavljao ovaj ured u stvari poslovi koje obavljaju zaposlenici Turističke zajednice, te se kao takvi ovi poslovi uređuju pravilnikom o unutrašnjoj organizaciji i sistematizaciji radnih mjesta i čine opis poslova zaposlenika Turističke zajednice.

8. Nadzornom odboru Turističke zajednice se dodaju i preciziraju nove nadležnosti kojima se povećava nadzor nad radom Turističke zajednice. Između ostalog, u nadležnosti nadzornog odbora dodaje se nadzor nad postupcima koji se tiču radnih odnosa zaposlenika Turističke

zajednice, gdje će nadzorni odbor biti drugostepeni organ. Također, u nadležnosti nadzornog odbora dodaje se i nadzor nad provođenjem javnih nabavki u Turističkoj zajednici i davanje uputa predsjedniku za provođenje preporuka u vezi sa uočenim nepravilnostima. Propisuje se da nadzorni odbor ne može svoja ovlaštenja prenijeti na drugi organ Turističke zajednice.

9. Ukida se povjerenstvo Turističke zajednice, koje se kroz dosadašnju primjenu Zakona o turizmu pokazalo neracionalno i neefikasno, jer se imenovanjem povjerenstva odugovlačilo sa imenovanjem regularnih organa Turističke zajednice. Povjerenstvo je od osnivanja Turističke zajednice pa do sada imenovano nekoliko puta i umjesto da bude privremeni organ period djelovanja povjerenstva je trajao mnogo duže nego period rada redovnih organa Turističke zajednice, koji su shodno navedenom po nekoliko puta do sada razrješavani, te zbog toga nikada nisu djelovali ni godinu dana od četiri godine punog mandata na koji su bili imenovani. Sve navedeno je usporavalo ili stvaralo prekide u procesima rada i rukovođenja Turističkom zajednicom. Također, povjerenstvo se pokazalo kao neefikasan organ, jer su se u periodu djelovanja povjerenstva mnogi poslovi, koji su u nadležnosti organa Turističke zajednice, upućivali na saglasnost Vladi, zbog zakonom ograničenih ovlasti povjerenstva.

10. Propisuje se da je Turistička zajednica dužna godišnji izvještaj o radu i finansijski izvještaj Turističke zajednice za prethodnu godinu, putem Ministarstva, dostaviti Vladi najkasnije do 10. juna tekuće godine, koja potom isti dostavlja Skupštini Kantona Sarajevo na nadležno odlučivanje. Također je propisan i sadržaj godišnjeg finansijskog izvještaja koji obavezno sadrži sljedeće: set finansijskih izvještaja ovjeren od nadležne agencije, ostvarene prihode i rashode u odnosu na planirane sa analizom odstupanja, finansijsku analizu novčanih tokova raspodjele ostvarenih prihoda, godišnji izvještaj o poslovanju, izvještaj eksterne revizije i procjenu učinka realizovanih aktivnosti na razvoj i unapređenje turizma.

11. Propisuje se da je Turistička zajednica dužna najmanje 20% prikupljenih sredstava od članarine utrošiti za razvoj turističkog proizvoda Kantona, a što direktno utiče na unapređenje turističke ponude Kantona.

12. Reguliše se način utroška sredstava iz člana 82. stav (3) i člana 82a. stav (2) ovog zakona, a to je najmanje 70% ostvarenih sredstava od boravišne takse i najmanje 20% prikupljenih sredstava od članarine, odnosno propisano je da će način utroška navedenih sredstava detaljnije regulisati uredbom koju, na prijedlog Ministarstva, donosi Vlada u roku od 120 dana od dana stupanja na snagu ovog zakona, a priprema je stručno radno tijelo formirano rješenjem ministra. Stručno tijelo čini sedam članova, od čega tri predstavnika Ministarstva, dva predstavnika Turističke zajednice i dva lica iz reda istaknutih stručnjaka iz oblasti turizma. Navedena regulativa predstavlja značajan doprinos detaljnije uređenom i transparentnom utrošku sredstava od strane Turističke zajednice.

13. Uvodi se Registar obveznika obračuna i plaćanja članarine kojeg će uspostaviti i voditi Turistička zajednica. Turistička zajednica je dužna uspostaviti Registar obveznika obračuna i plaćanja članarine u roku od 90 dana od dana donošenja posebnog akta o uspostavi, sadržaju i načinu vođenja ovog Registra. Ovaj posebni akt donosi turističko vijeće Turističke zajednice, na prijedlog predsjednika Turističke zajednice i uz saglasnost Ministarstva, u roku od 30 dana od dana stupanja na snagu pravilnika kojim se utvrđuju djelatnosti kao i pripadajući koeficijenti za obračun obaveze plaćanja članarine Turističkoj zajednici, u skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10), odnosno pravilnika iz člana 63. stav (3) ovog zakona.

14. Propisuje se novčana kazna i za fizičko lice ukoliko počinji prekršaj, odnosno ako pruža usluge protivno članu 17. Zakona o turizmu, u kojem je propisana zabrana oglašavanja i reklamiranja pružaocima usluga u turizmu ako ne ispunjavaju uslove propisane zakonom. U važećem Zakonu o turizmu novčana kazna za navedeni prekršaj propisana je samo za pravno lice, ali ne i za fizičko lice.

15. Povećani su iznosi novčanih kazni u kaznenim odredbama Zakona o turizmu, ali samo za prekršaje propisane Zakonom o turizmu, jer se od 2016. godine odnosno od donošenja Zakona o

turizmu pa do sada iste se nisu mijenjale. Napominjemo da se propisuje povećanje novčanih kazni samo za prekršaje propisane u Zakonu o turizmu, a ne i za prekršaje propisane u Zakonu o turističkoj djelatnosti ("Službene novine Federacije BiH", broj 32/09) kojim su, također, propisani i iznosi novčanih kazni za te prekršaje. Navedeno povećanje novčanih kazni se propisuje na ovaj način kako ne bi došlo do neusklađenosti Zakona o turizmu sa Zakonom o turističkoj djelatnosti ("Službene novine Federacije BiH", broj 32/09). Shodno navedenom, korigovani su članovi Nacrta zakona i to član 26. (Izmjene člana 99.), član 27. (Izmjene člana 100.) i član 28. (Izmjene i dopuna člana 101.) koji se odnose na kaznene odredbe i dodati su novi članovi u Prijedlogu zakona i to član 27. (Novi član 99a.), član 29. (Novi član 100a.) i član 31. (Novi član 101a.).

16. Propisuju se rokovi za usklađivanje podzakonskih akata sa ovim zakonom, za donošenje novih podzakonskih akata i za imenovanje organa Turističke zajednice, do kada će organi koji su imenovani do dana stupanja na snagu ovog zakona obavljati sve poslove iz svoje nadležnosti.

Donošenje Zakona o izmjenama i dopunama Zakona o turizmu nije planirano u Nacrtu programa rada Ministarstva privrede Kantona Sarajevo za 2025. godinu.

Prijedlog zakona o izmjenama i dopunama Zakona o turizmu pripremljen je u skladu sa Pravilima i postupcima za izradu zakona i drugih propisa Federacije Bosne i Hercegovine ("Službene novine Federacije BiH", broj 71/14).

Ministarstvo je, u skladu sa odredbama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 - Drugi novi prečišćeni tekst, 2/18 - Ispravka i 32/22), Prijedlog zakona o izmjenama i dopunama Zakona o turizmu, sa obrazloženjem i Izvještajem o rezultatima javne rasprave o Nacrtu zakona o izmjenama i dopunama Zakona o turizmu uputilo na mišljenje Ministarstvu pravde i uprave Kantona Sarajevo, Ministarstvu finansija Kantona Sarajevo, Uredu za zakonodavstvo Vlade Kantona Sarajevo, Pravobranilaštvu Kantona Sarajevo i Ekonomsko socijalnom vijeću Kantona Sarajevo.

Svi navedeni organi dostavili su pozitivno mišljenje na predmetni Prijedlog strategije, s tim da je Ekonomsko-socijalno vijeće za područje Kantona Sarajevo dostavilo Zaključak broj 13-04-54746-5.1/25 od 29.01.2026. godine, u kojoj tački 1. je navedeno da se istim podržavaju aktivnosti na donošenju Zakona o izmjenama i dopunama Zakona o turizmu. U tački 2. predmetnog Zaključka navedeno je da se ostavlja dodatni rok od 15 dana za dostavljanje primjedbi predlagачu od strane socijalnih partnera unutar Ekonomsko-socijalnog vijeća. U vezi navedene tačke ovo Ministarstvo je stava da je Zaključkom Skupštine Kantona Sarajevo broj 01-02-34356/25 od 16.06.2025. godine, u tački 3. navedeno da će se javna rasprava održati u kantonalnim organima, jedinicama lokalne samouprave, naučnim i stručnim ustanovama, u trajanju od 30 dana, te zbog istog, tačka 2. predmetnog Zaključka neće biti uzeta u razmatranje.

III – PRAVNA RJEŠENJA

Prijedlog zakona o izmjenama i dopunama Zakona o turizmu sadrži ukupno 40 članova.

Član 1. - (Dopune člana 2.) Dodaju se nove tačke kojima se definiše pojam destinacijskog menadžmenta i pojam turističkog proizvoda.

Član 2. - (Izmjena člana 5.) Vršiti se ispravka tehničke greške u riječi "pan", odnosno riječ "pan" zamjenjuje se sa riječju "plan".

Član 3. - (Dopune člana 8.) Propisan je izuzetak u kojem jedinice lokalne samouprave nisu obavezne da imaju Strategiju razvoja turizma, ukoliko već imaju turizam definisan u strategiji razvoja jedinica lokalne samouprave.

Član 4. - (Novi član 11a.) Dodaje se novi član koji reguliše kategorizaciju turističkih mjesta, a koja je već bila regulisana u članu 75. Zakona o turizmu, ali zbog povezanosti materije koja je regulisana članom 11. (Turističko mjesto) kategorizacija turističkih mjesta sada je propisana u novom članu 11a.

Član 5. - (Izmjene člana 24.) Propisano je da podnosioci zahtjeva za izdavanje licence moraju imati opće uslove putovanja, ali ne moraju kao do sada biti ovjereni od strane strukovnog udruženja (UTA

BIH), već iste ovjerava podnosilac zahtjeva. Također je propisano da podnosioci zahtjeva za izdavanje licence nisu obavezni uz zahtjev da prilože dokaz o članstvu u strukovnom udruženju UTA BiH, jer u pravilu članstvo u bilo kojem udruženju treba da bude dobrovoljno. Preciznije je definisan dokaz koji izdaje Porezna uprava Federacije Bosne i Hercegovine, a koji je jedan od dokumenata potrebnih za izdavanje licence.

Član 6. - (Izmjene člana 25.) Propisano je da je rok za izdavanje rješenja - licence 30 dana od dana podnošenja urednog i potpunog zahtjeva putničke agencije organizatora turističkog putovanja, a trajanje licence je produženo sa tri na pet godina.

Član 7. - (Izmjene člana 27.) Propisano je da ministar donosi rješenje o oduzimanju licence organizatoru turističkog putovanja ako se u postupku inspeksijskog pregleda kod organizatora putovanja utvrdi jedan od razloga navedenih u tač. a) do f) ovog člana, a dosadašnja tačka g) se briše, odnosno briše se razlog zbog kojeg je do sada ministar donosio rješenje o oduzimanju licence a to je da organizator nije u toku godine prodao nijedan turistički paket aranžman posrednicima u organizaciji putovanja (subagentima).

Član 8. - (Izmjene člana 60.) Propisano je da Turistička zajednica djeluje na principima destinacijskog menadžmenta, a osniva se radi promocije i razvoja održivog turizma u Kantonu i privrednih interesa pravnih i fizičkih lica koja pružaju ugostiteljske i usluge u turizmu ili obavljaju drugu djelatnost neposredno povezanu s turizmom. Propisani su i konkretnije precizirani ciljevi osnivanja Turističke zajednice.

Član 9. - (Izmjena člana 61.) Propisana je djelatnost i zadaci Turističke zajednice.

Član 10. - (Izmjene člana 63.) Propisano je da su obavezni članovi Turističke zajednice sva pravna lica i fizička lica koja obavljaju registrovanu poslovnu djelatnost (u daljem tekstu: fizičko lice), a koja na području Kantona imaju sjedište ili organizacioni dio i prema obavještenju o razvrstanju prema klasifikaciji djelatnosti izdatom od nadležne službe za statistiku obavljaju djelatnost neposredno ili posredno povezanu sa turizmom, a koja se u skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10)."KD BiH 2010 ("Službeni glasnik BiH", broj 47/10), propisuju pravilnikom kojeg donosi ministar, uz saglasnost Vlade u roku od 120 dana od dana stupanja na snagu ovog zakona. Propisani su i slučajevi kada prestaje obavezno članstvo u Turističkoj zajednici.

Član 11. - (Izmjena člana 66.) Propisano je da su organi Turističke zajednice skupština, nadzorni odbor, turističko vijeće i predsjednik. Članovi organa odgovorni su za zakonito i savjesno obavljanje svojih dužnosti. Imenovanje na mandat i imenovanje na kraći period članova skupštine, nadzornog odbora i turističkog vijeća, kao i predsjednika vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13). Mandat članova organa Turističke zajednice je četiri godine, a članovi mogu biti ponovno imenovani na još jedan mandat. U slučaju prestanka mandata člana organa Turističke zajednice prije isteka vremena na koje je imenovan, novi član se imenuje na vrijeme do isteka mandata na koji je bio imenovan prethodni član. Propisani su slučajevi u kojima prestaje mandat organima Turističke zajednice, kao i njihovo razrješenje prije isteka mandata.

Član 12. - (Izmjena člana 67.) Propisano je da je skupština Turističke zajednice najviši organ upravljanja u Turističkoj zajednici, njen sastav, način imenovanja i razrješenja, zatim njene nadležnosti, način rada i razrješenje prije isteka mandata.

Član 13. - (Izmjena člana 68.) Propisano je da je nadzorni odbor Turističke zajednice organ koji vrši nadzor nad radom Turističke zajednice, njegov sastav, način imenovanja i razrješenja, zatim njegove nadležnosti, način rada i razrješenje prije isteka mandata.

Član 14. - (Brisanje člana 69.) Propisano je brisanje člana 69., jer se odredbe ovog člana odnose na nadzorni odbor i u ovom Nacrtu zakona iste su objedinjene u članu 68.

Član 15. - (Izmjena člana 70.) Propisano je da je turističko vijeće Turističke zajednice izvršni organ Turističke zajednice, njegov sastav, način imenovanja i razrješenja, zatim njegove nadležnosti, način rada i razrješenje prije isteka mandata.

Član 16. - (Izmjena člana 71.) Propisano je da Turistička zajednica ima predsjednika koji predstavlja i zastupa Turističku zajednicu. Propisan je način imenovanja i razrješenja predsjednika, njegove nadležnosti, način rada i razrješenje prije isteka mandata.

Član 17. - (Brisanje čl. 72., 73., 74. i 75.) Brišu se čl. 72., 73. i 74. koji se odnose na turistički ured i ured za podršku turizmu, kao i član 75. koji je u ovom Nacrtu zakona novi član 11a).

Član 18. - (Izmjena člana 77.) Propisano je da način naplate dnevne boravišne takse propisuje ministar posebnim aktom.

Član 19. - (Izmjena člana 82a.) Propisano je da je Turistička zajednica dužna najmanje 20% prikupljenih sredstava od članarine utrošiti za razvoj turističkog proizvoda Kantona, a što direktno utiče na unapređenje turističke ponude Kantona. Turistička zajednica dužna je uspostaviti Registar obveznika obračuna i plaćanja članarine u roku od 90 dana od dana donošenja akta o uspostavi, sadržaju i načinu vođenja ovog Registra. Turističko vijeće, na prijedlog predsjednika i uz saglasnost Ministarstva, donosi akt o uspostavi, sadržaju i načinu vođenja Registra iz stava (3) ovog člana u roku od 30 dana od dana stupanja na snagu pravilnika iz člana 63. stav (3) ovog zakona.

Član 20. - (Izmjena člana 82b.) Propisano se da je visina članarine koju plaćaju članovi Turističke zajednice proizvod pripadajućeg koeficijenta utvrđenog pravilnikom iz člana 63. stav (3) ovog zakona i osnovice za obračun članarine iz člana 82c. ovog zakona.

Član 21. - (Izmjena člana 82c.) Propisani su načini obračuna osnovice i ukupnih prihoda za plaćanje članarine Turističkoj zajednici.

Član 22. - (Dodavanje novog člana 82e.) Propisan je način utroška sredstava iz člana 82. stav (3) i člana 82a. stav (2) ovog zakona, odnosno da se isto uređuje uredbom koju, na prijedlog Ministarstva, donosi Vlada u roku od 120 dana od dana stupanja na snagu ovog zakona. Uredbu priprema stručno radno tijelo koje rješenjem imenuje ministar i koje čini sedam članova, od čega tri predstavnika Ministarstva, dva predstavnika Turističke zajednice i dva lica iz reda istaknutih stručnjaka iz oblasti turizma.

Član 23. - (Izmjene člana 85.) Propisano je da je godišnji izvještaj o radu i finansijski izvještaj za prethodnu godinu, Turistička zajednica dužna dostaviti Vladi najkasnije do 10. juna tekuće godine, koja potom isti dostavlja Skupštini Kantona Sarajevo na nadležno odlučivanje. Propisan je i sadržaj finansijskog izvještaja.

Član 24. - (Brisanje čl. 87., 88., 89., 90. i 91.) Brišu se čl. 87., 88. i 89., koji se odnose na nadzor nad zakonitošću rada Turističke zajednice od strane Ministarstva, jer je nadzor Ministarstva nad primjenom ovog zakona propisan u članu 93, a nadzor nad radom Turističke zajednice vrši nadzorni odbor, kojem su ovim Nacrtom zakona povećane nadležnosti. Također, brišu se čl. 90. i 91. koji se odnose na raspuštanje skupštine Turističke zajednice, imenovanje povjerenstva Turističke zajednice i njegove nadležnosti.

Član 25. - (Izmjena člana 93.) Propisano je da nadzor nad primjenom ovog zakona vrši Ministarstvo.

Član 26. - (Izmjena člana 99.) Propisano je u stavu (1) brisanje tač. c) i f).

Član 27. - (Novi član 99a.) Prekršaji koji su u važećem Zakonom o turizmu propisani u članu 99. u stavu (1) tač. c) i f) sada su propisani u ovom novom članu 99a. i povećane su novčane kazne za pravno lice, odgovorno lice u pravnom licu i za voditelja poslovnice.

Član 28. - (Izmjena člana 100.) Propisano je u stavu (1) brisanje tač. d), e), f), g), h) i i).

Član 29. - (Novi član 100a.) Prekršaji koji su u važećem Zakonom o turizmu propisani u članu 100. u stavu (1) u tač. d), e), f), g), h) i i) sada su propisani u ovom novom članu 100a. i povećane su novčane kazne za pravno lice, odgovorno lice u pravnom licu i za voditelja poslovnice, za prekršaje koji su regulisani isključivo kantonalnim propisom, odnosno za kazne koje nisu kao takve propisane u Zakonu o turističkoj djelatnosti ("Službene novine Federacije BiH", broj 32/09).

Član 30. - (Izmjena člana 101.) Propisano je brisanje tač. f) i g) kojima su propisani prekršaji koja su sada propisani u ovom novom članu 101a.

Član 31. - (Novi član 101a.) Prekršaji koji su u važećem Zakonom o turizmu propisani u članu 101. u tač. f) i g) sada su propisani u ovom novom članu 101a. Propisan je prekršaj i novčana kazna za fizičko lice, koja do sada nije bila propisana, a to je prekršaj ukoliko fizičko lice pruža usluge protivno članu 17. Zakona, u kojem je propisana zabrana oglašavanja i reklamiranja pružaocima usluga u turizmu ako ne ispunjavaju uslove propisane zakonom. U Zakonu o turizmu za ovaj prekršaj propisana je novčana kazna samo za pravno lice, ali ne i za fizičko lice. Povećane su novčane kazne za fizičko lice za prekršaje koji su propisani Zakonom o turizmu.

Član 32. - (Izmjene člana 102.) Za prekršaje propisane u članu 102. ovog zakona povećane su novčane kazne.

Član 33. - (Izmjene člana 104.) Za prekršaje propisane u članu 104. stavu (1) ovog zakona povećane su novčane kazne Turističkoj zajednici i odgovornom licu u Turističkoj zajednici.

Član 34. - (Izmjene člana 105.) Za prekršaje propisane u članu 105. stavu (1) ovog zakona povećane su novčane kazne za pravno lice, odgovorno lice u pravnom licu i fizičko lice.

Član 35. - (Izmjene i dopuna člana 105a.) Za prekršaje propisane u članu 105a. stavu (1) ovog zakona povećane su novčane kazne za pravno lice, odgovorno lice u pravnom licu i fizičko lice. Dodaje se novi prekršaj koji se odnosi na nedostavljanje dokaza o obračunu i uplati članarine.

Član 36. - (Utvrdjivanje prečišćenog teksta) Propisano je da se ovlašćuje Zakonodavno-pravna komisija Skupštine Kantona Sarajevo da utvrdi prečišćeni tekst Zakona o turizmu u roku od šest mjeseci od dana stupanja na snagu ovog zakona.

Član 37. - (Pokrenuti postupci) Propisano je da će se svi postupci koji su pokrenuti prije stupanja na snagu ovog zakona završiti po odredbama zakona koji je važio u trenutku pokretanja postupka.

Član 38. - (Prelazne odredbe) Propisani su rokovi za usklađivanje podzakonskih akata sa ovim zakonom i za imenovanje organa Turističke zajednice, do kada će organi koji su imenovani do dana stupanja na snagu ovog zakona obavljati sve poslove iz svoje nadležnosti. Propisano je da će se odredbe čl. 82a., 82b. i 82c. ovog zakona kojima se uređuje članarina, visina članarine i osnovica za obračun članarine primjenjivati danom stupanja na snagu pravilnika iz člana 63. stav (3) ovog zakona.

Član 39. - (Ograničavajuća primjena) Propisano je da će se do stupanja na snagu pravilnika iz člana 63. stav (3) ovog zakona primjenjivati Pravilnik o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", br. 44/16, 2/18, 12/18 i 16/21).

Član 40. - (Stupanje na snagu) Propisano je da ovaj zakon stupa na snagu osmog dana od dana objavljivanja u "Službenim novinama Kantona Sarajevo".

IV - FINANSIJSKA SREDSTVA

Za provođenje ovog zakona nisu potrebna dodatna finansijska sredstva u Budžetu Kantona Sarajevo.



SLUŽBENE NOVINE

KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službeni obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odlučuje Skupština.

Službeni obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uvid sve službene dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduziman odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu predpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- utvrđivanje politike koja se tiče reguliranja i osiguravanja javnih službi;
- donošenje propisa o korištenju lokalnog zemljišta, uključujući i zavarivanje;
- donošenje propisa o unaprijeđivanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provođenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje pretpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

a) priprema i dvotrećinskom većinom usvaja Ustav Kantona;

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;

d) utvrđuje politiku i donosi programe razvoja Kantona;

e) potvrđuje imenovanje Premijera, zamjenika Premijera i članova Vlade Kantona;

f) osniva kantonalne i općinske sudove i utvrđuje njihove nadležnosti;

g) bira sudije kantonalnih sudova sukladno Ustavu Federacije i ovom Ustavu;

h) usvaja budžet Kantona i donosi zakone o oporezivanju i na drugi način osigurava potrebno finansiranje;

i) bira zastupnike u Dom naroda Federacije sukladno Ustavu Federacije;

j) odlučuje o prijenosu ovlaštenja Kantona na općine i Federaciju;

k) odobrava zaključivanje ugovora i sporazuma u oblasti međunarodnih odnosa i međunarodne suradnje;

l) provodi istragu sukladno ovom Ustavu i posebnim propisima;

m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Član 44.

Do izbora Skupštine sukladno ovom Ustavu njene funkcije će vršiti Prijelazna Skupština Kantona (dalje: Prijelazna Skupština).

Prijelazna Skupština se formira tako da svaka od devet općina naznačenih u članu 3. ovog Ustava iz svoga općinskog vijeća izabere po 5 (pet) predstavnika.

Kod izbora predstavnika općina u Prijelaznu Skupštinu mora se voditi računa da njihova struktura u pogledu stranačke pripadnosti mora odgovarati stranačkoj strukturi Skupštine Grada prema izborima iz 1990. godine.

Prva sjednica Prijelazne Skupštine održaće se nakon organizirane općina sukladno Ustavu Federacije. Ovu sjednicu će sazvati Predsjednik Skupštine grada Sarajeva ili najstariji odbornik u toj Skupštini, koji će i rukovoditi njenim radom do izbora predsjedavajućeg Prijelazne Skupštine.

Prijelazna Skupština ima sve nadležnosti utvrđene ovim Ustavom za Skupštinu Kantona.

Sa početkom rada Prijelazne Skupštine prestaje sa radom Skupština grada Sarajeva obrazovana nakon neposrednih izbora 1990. godine.

Član 45.

U periodu do izbora za Skupštinu Kantona, izvršnu vlast će vršiti prijelazni Predsjednik i prijelazna Vlada Kantona.

Prijelazni Predsjednik će se izabrati na konstituirajućoj sjednici Prijelazne Skupštine.

Prijelazni Predsjednik će svoju funkciju vršiti do izbora za Skupštinu Kantona.

Član 46.

Do formiranja prijelazne Vlade Izvršni odbor grada Sarajeva nastavlja s radom kao Vlada Kantona.

Prijelazna Skupština će u roku od 10 (deset) dana donijeti zakone o organizaciji i nadležnostima Vlade i ministarstava Kantona.

U roku iz prethodnog stava prijelazni Predsjednik će imenovati prijelaznu Vladu i njen sastav dostaviti Prijelaznoj Skupštini na potvrdu.

Član 47.

Organi uprave grada Sarajeva, gradske upravne organizacije i službe nastavljaju da rade prema organizaciji i djelokrugu utvrđenim Statutom grada Sarajeva i Odlukom o organizaciji i djelokrugu gradskih organa uprave, gradskih upravnih organizacija i službi do donošenja propisa u smislu stava 2. prethodnog člana.

Javna preduzeća i javne ustanove čiji je osnivač grad Sarajevo nastavljaju se radom kao kantonalna javna preduzeća i javne ustanove.

Član 48.

Broj i područja općina u sastavu Kantona će se preispitati poslije provođenja izbora za Skupštinu Kantona kada će se utvrditi opravdanost obrazovanja novih općina, te donijeti neophodne odluke o njihovom obrazovanju.

Član 49.

Do uspostavljanja policijskih snaga sukladno ovom Ustavu njihove poslove će vršiti policija Ministarstva unutarnjih poslova Federacije.

O vršenju ovih poslova i postepenom prelasku policijskih snaga Ministarstva unutarnjih poslova Federacije u policijske snage Kantona Predsjednik Kantona će se dogovarati sa Vladom Federacije i Ministarstvom unutarnjih poslova Federacije.

Član 50.

Do početka rada kantonalnih i općinskih sudova sukladno ovom Ustavu njihove funkcije će vršiti postojeći sudovi uspostavljeni prema zakonima Republike Bosne i Hercegovine.

Nakon stupanja na snagu ovog Ustava, a do početka rada kantonalnih i općinskih sudova, sudije će se birati po prethodno pribavljenoj saglasnosti Skupštine.

Član 51.

Statut grada Sarajeva i drugi gradski propisi ostaju na snazi u prijelaznom periodu ukoliko nisu u suprotnosti sa Ustavom Federacije i ovim Ustavom.

Broj 01-012-37-4/96

11. marta/ojka 1996.
Sarajevo

Predsjedavajući
Prijelazne Skupštine,
prof. dr Šefkija Dreca, s. r.

Na osnovu člana 7. (1) poglavlja V, Ustava Federacije Bosne i Hercegovine, Skupština Kantona Sarajevo, na konstituirajućoj sjednici, održanoj 11. marta 1996. godine, donijela je

POSLOVNIK

PRELAZNE SKUPŠTINE KANTONA SARAJEVO

I - OPŠTE ODREDBE

Član 1.

Na osnovu člana 7. (1) poglavlja V, Ustava Federacije Bosne i Hercegovine, Skupština Kantona Sarajevo, na konstituirajućoj sjednici, održanoj 11. marta 1996. godine, donijela je

POSLOVNIK

PRELAZNE SKUPŠTINE KANTONA SARAJEVO

I - OPŠTE ODREDBE

Član 1.

Ovim poslovníkom blije se uređuje konstituiranje Prelazne skupštine Kantona Sarajevo (u daljem tekstu: Skupština).

II - KONSTITUIRANJE SKUPŠTINE

Član 2.

Konstituiranje Skupštine obavlja se izborom Verifikacijske komisije, verifikacijom mandata poslanika, davanjem svečane izjave, izborom Komisije za izbor i imenovanja, izborom predsjedavajućeg Skupštine, donošenjem Ustava Kantona i izborom zamjenika predsjedavajućeg Skupštine.

1. Sazivanje konstituirajuće Skupštine

Član 3.

Sjednicu konstituirajuće Skupštine saziva predsjednik Skupštine grada Sarajeva ili najstariji odbornik u toj Skupštini, koji rukovodi njenim radom do izbora predsjedavajućeg Prelazne Skupštine.

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14
03. septembra 2014. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Zakonodavno-pravna komisija Skupštine Kantona Sarajevo

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvačić, s. r.

ZAKON

O VLADI KANTONA SARAJEVO

(Novi prečišćeni tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

Četvrtak, 11. septembra 2014.

sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja sve poslove iz svoje nadležnosti, u skladu sa ustavom i zakonom.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladi.

Član 11.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 12.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 13.

Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona.

Član 14.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 15.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona i davanja svečane izjave.

Član 16.

Vlada Kantona imenuje i razrješava sekretara Vlade Kantona u skladu sa zakonom kojim se reguliše državna služba.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 17.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 18.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 19.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komitete, odbore, komisije i dr).

Sastav i nadležnost radnih tijela iz stava 1. ovog člana uredit će se Poslovnikom Vlade Kantona ili aktom o obrazovanju radnog tijela.

Član 20.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 21.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 22.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 23.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 24.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 25.

Sekretar Vlade Kantona prema uputstvima premijera i Vlade u skladu sa Poslovnikom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

O SUDSKIM TAKSAMAMA
(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

Član 4.

Izveštaj o izvršenju Budžeta Općine Vogošća za period 01.01.2014.-30.06.2014. godine, objavit će se u "Službenim novinama Kantona Sarajevo".

Broj 01-14-1780/14
08. septembra 2014. godine
Vogošća

Predsjedavajući
Općinskog vijeća Vogošća
Esad Pikanjač, s. r.

ISPRAVKA

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13 i 47/13), sekretar Skupštine Kantona Sarajevo, nakon podnesenog zahtjeva za ispravku Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst) daje sljedeću

ISPRAVKU

ZAKONA O VLADI KANTONA SARAJEVO

("Službene novine Kantona Sarajevo", broj 36/14 - Novi prečišćeni tekst)

1. U članu 13. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "članom 8b.", treba da stoje riječi: "članom 10.".
2. U članu 13. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "člana 8a.", treba da stoje riječi: "člana 9.".
3. Ovu ispravku objaviti u "Službenim novinama Kantona Sarajevo".

Broj 01-05-22971-1-1/14
12. septembra 2014. godine
Sarajevo

Sekretar
Skupštine Kantona Sarajevo
Abid Kolašinac, s. r.

FEDERALNI ZAVOD ZA STATISTIKU

SAOPĆENJE

O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
JULI/SRPANJ 2014. GODINE

1. Prosječna isplaćena mjesečna neto plaća po zaposlenom ostvarena u Kantonu Sarajevo za juli/srpanj 2014. godine iznosi 1.045 KM.

Broj 39
11. septembra 2014. godine

Direktor
Hidajeta Bajramović, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "ODRED IZVIĐAČA RAKOVICA 9", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "ODRED IZVIĐAČA RAKOVICA 9", skraćeni naziv je OI RAKOVICA 9, sa sjedištem u Rakovici, ulica RAKOVIČKA CESTA broj 471.
2. Upis je izvršen pod registarskim brojem 1942. knjiga IV registra udruženja, dana 12.06.2014. godine.
3. Programski ciljevi i zadaci Udruženja su: Razvoj i unapređenje izviđaštva u lokalnoj zajednici; razvoj kod svojih članova za poštivanje ljudi, razvijanje prijateljstva među ljudima, narodima, kako u lokalnoj zajednici, tako i na međunarodnom nivou, provođenje načela koje se temelje na savremenim pedagoškim spoznajama kao i na zamislama utemeljitelja izviđačkog sporta Sir Robert Baden Powella; pridonosenje razvoju djece i mladih, na dostizanju njihovih punih umnih i tjelesnih potencijala, kao pojedinca, odgovornih građana i članova lokalne, nacionalne i međunarodne zajednice; organizovanje izviđačkih škola za učenike osnovnih i srednjih škola, kao i studenata radi sticanja izviđačkih znanja i vještina; organizovanje izviđačkih kampova, od lokalnog do međunarodnog nivoa, organizovanje časova ekološke edukacije, članova i građana o značaju zaštite čovjekove okoline radi sprječavanja od svih vidova i oblika zagađivanja, te drugi ciljevi i djelatnosti u skladu sa zakonom i Statutom.
4. Osoba ovlaštena za zastupanje i predstavljanje je: Baberović Anes - predsjednik Upravnog odbora.

Broj 03-05-05-3053/14
12. juna 2014. godine
Sarajevo

Ministrica
Velida Memić, s. r.

(O-874/14)

IV - TEKUĆA REZERVA

Dosadašnji član 7. Budžeta Kantona Sarajevo za 2016. godinu mijenja se, postaje član 8. i glasi:

"Član 8.

Tekuća rezerva iznosi 2.200.000 KM. Iznos od 2.000.000 KM namijenjen je za izvršavanje dijela sudskih presuda po osnovu tužbi zaposlenika Kantona Sarajevo koji se odnosi na troškove advokata i troškove postupka.

V - STUPANJE NA SNAGU

Dosadašnji član 8. Budžeta Kantona Sarajevo za 2016. godinu postaje član 9. i glasi:

"Član 9.

Budžet Kantona Sarajevo za 2016. godinu stupa na snagu danom objavljivanja u "Službenim novinama Kantona Sarajevo", a primjenjivat će se od 01. januara 2016. godine.

Broj 01-14-15466/16
27. aprila 2016. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu čl. 18. tačka b) i 38. stav (3) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 27.04.2016. godine, donijela je

ZAKON**O IZMJENI ZAKONA O IZVRŠAVANJU BUDŽETA
KANTONA SARAJEVO ZA 2016. GODINU**

Član 1.

(Izmjena člana 25. stav (5) Zakona)

U Zakonu o izvršavanju Budžeta Kantona Sarajevo za 2016. godinu ("Službene novine Kantona Sarajevo", broj 1/16), u članu 25. stav (5) mijenja se i glasi:

"(5) U 2016. godini Kanton će se dugoročno zadužiti na domaćem finansijskom tržištu u visini od 30.000.000,00 KM, a na vanjskom finansijskom tržištu u visini do 33.175.700,00 KM."

Član 2.

(Stupanje na snagu)

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01. januara 2016. godine.

Broj 01-02-15467/16
27. aprila 2016. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 12. stav (1) tačka k), člana 13. stav (1) tačka h) i člana 18. stav (1) tačka b) Ustava Kantona Sarajevo ("Službene novine Kantona Sarajevo" br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 27.04. 2016. godine, donijela je

ZAKON**O TURIZMU****DIO PRVI - TURISTIČKA DJELATNOST****POGLAVLJE I. OPĆE ODREDBE**

Član 1.

(Predmet zakona)

Ovim zakonom uređuje se planiranje i razvoj turizma, turistički subjekti, obavljanje turističke djelatnosti, utvrđuju mjere na promociji i razvoju turizma na području Kantona Sarajevo (u daljem tekstu: Kanton), uređuje se osnivanje, organizacija i rad Turističke zajednice Kantona Sarajevo, način njenog finansiranja i poslovanja, kriteriji za kategorisanje turističkih mjesta i nadzor nad provođenjem ovog zakona.

Član 2.

(Značenje pojedinih izraza)

Pojedini izrazi upotrijebljeni u ovom zakonu, imaju sljedeća značenja:

- a) Turizam je skup odnosa i pojava koje proizlaze iz putovanja i boravka posjetilaca nekog mjesta, ako se tim boravkom ne zasniva stalno prebivalište i ako sa takvim boravkom nije povezana nikakva njihova privredna djelatnost.
- b) Turista je fizičko lice koje najmanje 24 sata boravi van mjesta svog prebivališta, radi zadovoljavanja kulturnih, društvenih, socijalnih, historijskih i drugih potreba relaksacije i odmora, a bez svrhe sticanja dobiti.
- c) Korisnik turističke usluge je turista, putnik, potrošač ili drugo fizičko lice koje neposredno koristi usluge turističkih subjekata iz ovog zakona.
- d) Turistička destinacija je država, region odnosno mjesto koje u sebi sadrži više atrakcija koje se na tržištu mogu ponuditi kao turistički proizvod.
- e) Turistička infrastruktura su objekti za informisanje, odmor, snabdijevanje, rekreaciju, edukaciju i zabavu turista, planinarski objekti, rekreativne staze i planinarski putevi, staze zdravlja, vidikovci, panoramski putevi, biciklističke staze, pješačke staze i sl.
- f) Turistička suprastruktura su ugostiteljski objekti, galerije, izložbe, kongresni i zabavni objekti koji su u neposrednoj vezi sa ugostiteljskim objektom.
- g) Putnik je kupac koji kupuje ili je saglasan kupiti turistički paket aranžman, odnosno turističko putovanje ili druge turističke usluge. Putnik je i lice u korist kojeg kupac kupuje turistički aranžman, odnosno usluge ili lice na koje kupac ili lice za koje je kupac kupio turistički paket aranžman, prenese pravo korištenja turističkog paket aranžmana ili usluge.
- h) Turistički paket aranžman je ugovorni posao u kojem se putniku prodaju ili nude na prodaju za jedinstvenu unaprijed utvrđenu cijenu najmanje usluga prijevoza i smještaja, uz uslov da aranžman traje duže od 24 sata ili uključuje barem jedno noćenje.
- i) Izletnički program je kombinacija od najmanje dvije ponuđene usluge koje traju manje od 24 sata i ne uključuje noćenje, odnosno smještaj.
- j) Putnička agencija-organizator putovanja je putnička agencija koja organizuje turistički paket aranžman i koja ga neposredno prodaje ili nudi na prodaju putem posrednika.
- k) Putnička agencija-posrednik (subagent) je putnička agencija koja prodaje ili nudi za kupnju turistički paket aranžman koji je sastavio organizator putovanja, ili koja pruža druge posredničke usluge.
- l) Prebukiranje (over-booking) je multiplikovanje broja potvrđenih rezervacija od pojedinih pružalaca usluga koji pružaju usluge smještaja ili putničkih agencija, a koje ima za posljedicu ne pružanje usluge smještaja ili ne pružanje usluge na ugovoreni način.
- m) Uzanse u turizmu su pravila kojima se uređuju poslovni običaji nastali iz ugovora o pružanju turističkih ili ugostiteljskih usluga, koja se primjenjuju ako su ih stranke ugovorile ili ako iz okolnosti proizilazi da su htjele njihovu primjenu, a koji se definišu u okviru komorskih udruženja subjekata u turizmu.
- n) Klaster čine geografski koncentrisane, međusobno povezane organizacije iz srodnih ili različitih djelatnosti koje se udružuju radi jačanja pojedinačnih organizacija učesnika u klasteru i klastera kao cjeline.

POGLAVLJE II. PLANIRANJE I RAZVOJ TURIZMA

Član 3. (Planiranje)

- (1) Planiranje i razvoj turizma obuhvata donošenje strateških planova o budućem razvoju turističke privrede, proglašenje i održivo korišćenje turističkih prostora i mjesta.
- (2) Planiranje u oblasti turizma zasniva se na principima integralnog razvoja turizma i ostalih komplementarnih djelatnosti, načelima održivog razvoja turizma, obezbjeđenja jedinstvenih standarda za pružanje usluga u turizmu, kao i saradnje javnog i privatnog sektora u kreiranju turističkog proizvoda, uz osiguranje efikasnog korišćenja turističkog mjesta.
- (3) Održivim turizmom smatra se svaki vid turizma koji doprinosi zaštiti životne sredine, socijalnom i ekonomskom integritetu i unapređivanju prirodnih, stvorenih i kulturnih vrijednosti na trajnoj osnovi.

Član 4. (Planska dokumenta)

- (1) Planska dokumenta u turizmu su:
 - a) Strategija razvoja turizma Kantona Sarajevo
 - b) Marketing plan turizma Kantona Sarajevo
 - c) Plan promocije turizma Kantona Sarajevo
 - d) Master-plan
 - e) Strategija razvoja turizma jedinice lokalne samouprave.
- (2) Planska dokumenta iz stava (1) tač. b), c), d) i e) ovog člana moraju biti usaglašena sa Strategijom razvoja turizma Kantona Sarajevo.

Član 5. (Strategija razvoja turizma Kantona Sarajevo)

- (1) Strategija razvoja turizma Kantona Sarajevo (u daljem tekstu: Strategija Kantona) je sveobuhvatan dokument o srednjoročnom razvoju turističke privrede u skladu sa ukupnim ekonomskim, socijalnim, ekološkim i kulturno-historijskim razvojem Kantona, sa osnovnim ciljevima i vizijom razvoja turizma Kantona i služi kao polazna osnova za izradu ostalih planskih akata u turizmu.
- (2) Strategiju Kantona donosi Skupština Kantona Sarajevo, na prijedlog Vlade Kantona Sarajevo (u daljem tekstu: Vlada).
- (3) Strategija Kantona sadrži analizu postojećeg stanja razvoja turizma, viziju razvoja turizma, ciljeve razvoja turizma, strateške i prioritetne pravce razvoja, plan implementacije, investicioni okvir i ostale bitne elemente za planiranje razvoja turizma koji se definišu projektnim zadatkom.
- (4) Strategija Kantona se realizuje posredstvom Marketing plana Kantona Sarajevo, Plana promocije turizma Kantona Sarajevo, Master-plana, Strategije razvoja turizma jedinice lokalne samouprave, kao i posredstvom prostornih i urbanističkih planova u skladu sa zakonom koji reguliše oblast prostornog uređenja.

Član 6. (Marketing plan Kantona Sarajevo i Plan promocije turizma Kantona Sarajevo)

- (1) Marketing plan Kantona Sarajevo (u daljem tekstu: Marketing plan) sadrži istraživanje tržišta, identifikaciju ciljnih grupa-tržišta, pozicioniranje marketinškog programa i ostale bitne elemente za planiranje promocije turizma koji se definišu projektnim zadatkom.
- (2) Marketing plan donosi Vlada na prijedlog Ministarstva privrede Kantona Sarajevo (u daljem tekstu: Ministarstvo).
- (3) Turistička zajednica Kantona Sarajevo podnosi prijedlog Marketing plana Ministarstvu.
- (4) Marketing plan se donosi za period od pet godina.
- (5) U skladu sa Marketing planom, Turistička zajednica Kantona Sarajevo kreira Plan promocije turizma Kantona Sarajevo (u daljem tekstu: Plan promocije), kojim definiše svoje promotivne aktivnosti u turizmu na godišnjem nivou.

Član 7. (Master-plan)

- (1) Master-plan je kompleksan, istraživački i sveobuhvatan planski dokument, kojim se na osnovu Strategije Kantona utvrđuju ciljevi, programi i planovi razvoja turizma, koncept razvoja prostora u pogledu razmjesta objekata turističke infrastrukture, turističke suprastrukture, investicije u turizmu, planovi marketinga i konkurentnosti, kao i mjere za njihovo provođenje, za određeni prostor od značaja za razvoj turizma, odnosno za turističku destinaciju.
- (2) Master-plan donosi Vlada na prijedlog Ministarstva.

Član 8. (Strategija razvoja turizma jedinice lokalne samouprave)

- (1) Strategija razvoja turizma jedinice lokalne samouprave je planski dokument, kojim se bliže određuje razvoj prioritetnih turističkih proizvoda utvrđenih Strategijom Kantona.
- (2) Strategiju razvoja turizma jedinice lokalne samouprave donosi vijeće jedinice lokalne samouprave uz aktivno učešće svih turističkih subjekata na području jedinice lokalne samouprave.
- (3) Strategija razvoja se mora donijeti u roku od šest mjeseci od dana donošenja odluke o proglašenju nekog lokaliteta turističkim mjestom.

Član 9. (Prostori od posebnog značaja)

- (1) Vlada može odlukom pojedine prostore proglasiti od posebnog značaja za razvoj turizma.
- (2) Za prostore od posebnog značaja za razvoj turizma može se proglasiti prostor sa posebnim turističko-ugostiteljskim sadržajem pogodan za turističku valorizaciju kulturno-historijskih mjesta, te posebna mjesta locirana u prostornim cjelinama sa izraženim pejzažnim, atraktivnim i rekreativnim osobinama na kojima se planira izgradnja objekata turističke infrastrukture i suprastrukture od opšteg interesa.
- (3) Odredbe iz st. (1) i (2) ovog člana se ne odnose na zakonski proglašena zaštićena područja, kojima upravlja Kantonalna javna ustanova za zaštićena prirodna područja, u skladu sa pojedinačnim zakonima o proglašenjima zaštićenih područja, planovima upravljanja, te prostornim planovima područja posebnih obilježja za zaštićena područja.
- (4) Odluka iz stava (1) ovog člana sadrži procjenu opravdanosti proglašenja određenog prostora od posebnog značaja za razvoj turizma, opis prostora sa određenim granicama i popisom katastarskih parcela, kartografski prikaz prostora, kao i obaveze u pogledu očuvanja, zaštite i razvoja prostora.
- (5) Ministarstvo priprema prijedlog odluke iz stava (1) ovog člana, po prethodno pribavljenom mišljenju kantonalnih organa uprave nadležnih za oblast prostornog uređenja i zaštite životne sredine.
- (6) Za pojedina geografska područja, a u svrhu ostvarivanja zajedničkih ciljeva u turizmu mogu se osnivati turistički klasteri.

Član 10. (Koncesija)

- (1) Vlada može proglašeno prirodno bogatstvo ili dobro u opštoj upotrebi pogodno za izgradnju turističke infrastrukture i turističke suprastrukture odlukom dati na korišćenje i upravljanje pravnom licu dodjelom koncesije.
- (2) Odluka iz stava (1) ne odnosi se na zaštićena prirodna područja i speleološke objekte za koje je mogućnost davanja koncesija regulisana odredbama federalnog Zakona o zaštiti prirode.
- (3) Odluka iz stava (1) ovog člana sadrži podatke o prirodnom bogatstvu ili dobru u opštoj upotrebi koje se daje na koncesiju, iznos koncesione naknade, rok trajanja koncesije, uslove i način korišćenja prostora, prava i obaveze koncesionara i ostale podatke u skladu sa zakonom koji reguliše oblast koncesija.
- (4) Postupak iz stava (1) ovog člana provodi se u skladu sa Zakonom o koncesijama.

Član 11.
(Turističko mjesto)

- (1) Turističko mjesto je organizaciona i funkcionalna cjelina sa formiranom turističkom ponudom, prirodnim vrijednostima, kulturnim dobrima, znamenitostima od značaja za turizam, komunalnom, saobraćajnom i turističkom infrastrukturom i drugim sadržajima za smještaj i boravak turista na području jedinice lokalne samouprave (općina ili grad).
- (2) Ministarstvo proglašava područje jedinice lokalne samouprave za turističko mjesto na osnovu kvalitativnih i kvantitativnih pokazatelja.
- (3) Područje jedinice lokalne samouprave proglašava se kao turističko mjesto ukoliko ispunjava uslove propisane ovim zakonom i propisima donesenim na osnovu ovog zakona.
- (4) Ministar privrede Kantona Sarajevo (u daljem tekstu: ministar) pravilnikom propisuje bliže uslove i kriterije za proglašavanje turističkog mjesta, određuje kvalitativne i kvantitativne kriterije za proglašavanje turističkog mjesta.
- (5) Pravilnik se mora donijeti u roku od šest mjeseci od dana stupanja na snagu ovog zakona.

Član 12.
(Komisija)

- (1) Ministar rješenjem imenuje Komisiju za proglašenje turističkog mjesta.
- (2) Ministar, na prijedlog Komisije iz stava (1) ovog člana, donosi rješenje o proglašenju područja jedinice lokalne samouprave, kao turističkog mjesta.
- (3) Rješenje iz stava (2) ovog člana podliježe reviziji nakon isteka roka od pet godina od dana njegovog dostavljanja.

POGLAVLJE III. OBAVLJANJE TURISTIČKE
DJE LATNOSTI

Član 13.
(Turistička djelatnost i turističke usluge)

- (1) Turistička djelatnost, u smislu ovog zakona, je pružanje usluga i posredovanje u turističkom prometu.
- (2) Turističke usluge, u smislu ovog zakona, su pružanje usluga putničke agencije, turističkog vodiča, pratioca, animatora i zastupnika, pružanje usluga u seoskom domaćinstvu, lovno-ribolovnom, zdravstvenom, kongresnom, planinskom, avanturističkom, vjerskom, sportskom i drugim oblicima turizma, usluge na skijaškom terenu, kao i pružanje ostalih turističkih usluga.

Član 14.
(Subjekti koji mogu obavljati turističku djelatnost)

- (1) Turističku djelatnost mogu obavljati pravna i fizička lica koja su registrovana za obavljanje turističke djelatnosti, odnosno imaju rješenje nadležnog općinskog organa i ispunjavaju uslove propisane ovim zakonom.
- (2) Pod uslovima propisanim ovim zakonom turističku djelatnost mogu obavljati i pravna lica koja upravljaju zaštićenim područjima.

Član 15.
(Turistička djelatnost)

Turistička djelatnost obuhvata:

- a) organiziranje i provođenje putovanja i boravka lica,
- b) posredovanje u pružanju pojedinačnih i grupnih usluga putovanja i boravaka i obavljanje drugih za njih vezanih usluga,
- c) pružanje usluga turističkog vodiča, pratioca i zastupnika,
- d) turističku animaciju,
- e) usluge iznajmljivanja objekata,
- f) davanje obavijesti i savjeta o ponudi korištenja usluga prijevoza, boravka i drugih za putnika važnih usluga,
- g) staranje o prtljagu putnika tokom korištenja turističkih usluga,
- h) posredovanje kod osiguranja putnika i prtljage,

- i) poslovi na razvijanju i organiziranju posebnih oblika turizma (seoski, zdravstveni, kongresni, lovno-ribolovni, planinski, vjerski, avanturistički, izletnički i dr.),
- j) pribavljanje putnih isprava, viza i drugih isprava potrebnih za prijelaz granice i boravak u inozemstvu,
- k) izdavanje u zakup vozila, bicikla, skijaške opreme i druge sportske opreme, kao i posredovanje kod davanja usluga radi njihovog pribavljanja,
- l) poslove u vezi s pribavljanjem dozvola za lov i ribolov,
- m) poslove na organiziranju i izvođenju programa putovanja i boravka na zahtjev ili po programu putnika, grupe putnika ili pravnih lica-organizatora inicijative putovanja i boravka, organiziranje skupova ili izložbi sa ili bez putovanja i boravka sudionika, usluge u okviru zdravstvenog, lovno-ribolovnog turizma i dr.,
- n) prodaju i posredovanje u prodaji turističkih usluga,
- o) prodaju vozničkih karata,
- p) prodaju ulaznica za sportske, kulturne i druge priredbe,
- r) prodaju robe vezane za potrebe putovanja, posredovanje pri izdavanju i naplati putničkih čekova i kreditnih kartica,
- s) i druge poslove vezane za turističku djelatnost.

Član 16.

(Obaveze pravnih i drugih lica)

- (1) Subjekti iz člana 14. ovog zakona, koji obavljaju turističku djelatnost dužni su:
 - a) objaviti uslove, sadržaj i cijenu svake pojedine usluge i pridržavati se tih uslova, sadržaja i cijena,
 - b) za svaku izvršenu uslugu korisniku izdati račun s brojem i čuvati kopije tog računa za vrijeme koje je određeno propisima iz područja računovodstva, odnosno najmanje godinu dana od izdavanja računa,
 - d) voditi poslovne knjige u skladu s važećim propisima,
 - e) u prostorijama i na mjestima gdje se prodaju turističke usluge voditi knjigu žalbe, te u roku od 15 dana odgovoriti na svaki izneseni prigovor, te prigovor korisnika turističke usluge dostaviti nadležnoj tržišno-turističkoj inspekciji u roku od pet dana od dana podnošenja prigovora. Oblik, sadržaj i način vođenja knjige žalbe regulisan je federalnim propisom.
- (2) Subjekt za obavljanje turističke djelatnosti mora obezbijediti poslovni prostor, uređaje i opremu kao i uslove u pogledu zaposlenih lica, osim ako ovim zakonom nije drugačije određeno.
- (3) Subjekt može da počne obavljati turističke djelatnosti kada od nadležnog općinskog organa (u daljem tekstu: nadležni organ) dobije rješenje kojim se odobrava obavljanje turističke djelatnosti, osim ako ovim zakonom nije drugačije propisano.
- (4) U obavljanju turističke djelatnosti pravna i fizička lica iz člana 14. ovog zakona dužna su poslovati u skladu sa poslovnim običajima u turizmu (uzansama).

Član 17.

(Zabrana oglašavanja i reklamiranja)

Zabranjuje se pružaocu usluga u turizmu da neposredno ili posredno, putem javnih glasila, internetom, promotivnim materijalom i sl., oglašava i/ili reklamira pružanje turističkih usluga, ako ne ispunjava uslove propisane Zakonom o turističkoj djelatnosti ("Službene novine Federacije BiH", broj 32/09 - u daljem tekstu: federalni zakon), propisima donesenim na osnovu federalnog zakona, ovim zakonom i propisima donesenim na osnovu ovog zakona.

Član 18.
(Ostali subjekti)

- (1) Sportski klubovi i savezi, sindikati, škole i druge obrazovne ustanove, kulturno-umjetnička društva, udruženja penzionera, strukovna udruženja i sl. (u daljem tekstu: udruženja), mogu organizirati putovanje i boravak isključivo za svoje članove.
- (2) Udruženja mogu organizirati turistički paket aranžman iz stava (1) ovog člana samo povremeno i bez sticanja dobiti.

- (3) Propaganda i predstavljanje turističkog paket aranžmana iz stava (1) ovog člana dopuštena je samo svojim sredstvima u vidu obavijesti i saopštenjima koje dobivaju članovi udruženja.
- (4) Udruženja su obavezna za organizaciju turističkog paket aranžmana iz stava (1) ovog člana koristiti samo prijevozna sredstva u kojima su putnici i prtljaga osigurani.

POGLAVLJE IV. PUTNIČKA AGENCIJA

Član 19.

(Putnička agencija)

- (1) Putničkom agencijom u smislu ovog zakona, smatra se pravno lice upisano u registar društava koja se bave organiziranjem turističkih i poslovnih putovanja i boravaka, posredovanjem i pružanjem svih ostalih usluga u vezi s tim, te prodajom svog vlastitog turističkog proizvoda kojeg stvara objedinjavanjem raznih vrsta turističkih usluga.
- (2) Korištenje naznake "putnička agencija", usluge putničke agencije, minimalno-tehnički uslovi koje moraju ispunjavati putničke agencije i način pružanja usluga, uslovi za pružanje usluga putničke agencije, sadržaj zahtjeva putničke agencije za izdavanje rješenja o odobrenju za rad, sadržaj rješenja, obaveze putničke agencije i prijevoz putnika propisani su federalnim zakonom.

Član 20.

(Vrste putničkih agencija)

Prema vrsti usluga koje pružaju putničke agencije su:

- putnička agencija organizator putovanja i
- putnička agencija posrednik (subagent).

Član 21.

(Jamčevina za aranžman)

- (1) Organizator putovanja dužan je za svaki aranžman osigurati jamčevinu kod banke ili osiguravajućeg društva, radi naknade putniku:
- plaćanja cijene aranžmana, ako zbog nelikvidnosti ili stečaja organizatora izostanu usluge aranžmana,
 - troškova koji nastanu zbog nelikvidnosti ili stečaja organizatora, za povratak putnika u mjesto polaska.
- (2) Jamčevina iz stava (1) ovog člana daje se u obliku police osiguranja gotovinskog pologa, bankovne garancije i sl.

Član 22.

(Potvrda o osiguranju jamčevine)

Organizator putovanja ili posrednik dužan je putniku, prilikom uplate iznosa aranžmana, izdati potvrdu o osiguranju jamčevine koja mu omogućuje neposredno ostvarenje prava na obeštećenje zbog nastalih troškova iz člana 21. ovog zakona u banci ili osiguravajućem društvu.

Član 23.

(Ugovor o osiguranju)

Putnička agencija koja organizira putovanje (aranžman) dužna je s osiguravateljem sklopiti ugovor o osiguranju od odgovornosti za štetu koju prouzrokuje putniku neispunjenjem, djelomičnim ispunjenjem ili neurednim ispunjenjem obaveza koje se odnose na aranžman.

Član 24.

(Licenca)

- (1) Organizator putovanja iz člana 20. ovog zakona, nakon pribavljanja rješenja o odobrenju za rad iz člana 19. ovog zakona, za organiziranje turističkog putovanja dužan je od Ministarstva pribaviti licencu za organiziranje turističkog putovanja (u daljem tekstu: licenca).
- (2) U postupku izdavanja licence, Ministarstvo utvrđuje da li je organizator turističkog putovanja registrovan za obavljanje predmetne djelatnosti, odnosno da li su ispunjeni uslovi propisani zakonom.

- (3) Uz zahtjev za izdavanje licence, ovlašteno lice organizatora putovanja podnosi sljedeću dokumentaciju (original ili ovjerenu kopiju):

- rješenje o upisu u sudski registar,
- rješenje nadležnog organa kojim se odobrava obavljanje djelatnosti,
- potvrdu nadležnog suda da nad organizatorom putovanja nije otvoren postupak stečaja ili likvidacije,
- potvrdu nadležnog suda da organizatoru putovanja nije izrečena zaštitna mjera zabrane obavljanja djelatnosti i njegovom odgovornom licu,
- rješenje nadležnog poreznog ureda Porezne uprave Federacije Bosne i Hercegovine o određivanju jedinstvenog identifikacionog broja ili uvjerenje Uprave za indirektno oporezivanje Bosne i Hercegovine o određivanju PDV broja,
- odluku o osnivanju poslovne jedinice (kopija općeg akta),
- adrese poslovnih jedinica,
- akt o organizaciji i sistematizaciji radnih mjesta ili spisak zaposlenih koji direktno rade na organizaciji turističkog putovanja,
- dokaz o registraciji obveznika doprinosa obaveznog osiguranja od Porezne uprave Federacije Bosne i Hercegovine,
- opće uslove putovanja ovjerene od strukovnog Udruženja/udruge turističkih agencija u Bosni i Hercegovini (u daljem tekstu: UTA BIH),
- spisak ovjerenih paket aranžmana ili izleta realizovanih u prethodnoj godini, izuzev novoosnovanog organizatora putovanja,
- dokaz o posjedovanju jemstva definisanog federalnim zakonom,
- dokaz o članstvu u strukovnom udruženju UTA BIH.

Član 25.

(Izdavanje licence)

- (1) Ministarstvo izdaje licencu najkasnije u roku od 15 dana od dana podnošenja urednog i potpunog zahtjeva organizatora turističkog putovanja.
- (2) Licenca iz stava (1) ovog člana podliježe reviziji nakon isteka tri godine od dana dostavljanja.
- (3) Ministarstvo, po službenoj dužnosti, vodi računa o isteku roka iz stava (2) ovog člana.
- (4) Licenca je konačna i protiv nje nije dozvoljena žalba, ali se može pokrenuti upravni spor pred nadležnim sudom.
- (5) Podnosilac zahtjeva za izdavanje licence snosi troškove postupka i troškovi se plaćaju prilikom podnošenja zahtjeva. Troškovi izdavanja licence uplaćuju se u korist Budžeta Kantona Sarajevo.
- (6) Na sva pitanja koja se odnose na izdavanje licence koja ovim zakonom nisu posebno uređena, primjenjuju se odgovarajuće odredbe zakona koji uređuje upravni postupak.
- (7) Ministarstvo vodi Registar izdatih licenci organizatorima turističkih putovanja.
- (8) Ministar pravilnikom propisuje oblik, sadržaj i način vođenja Registra izdatih licenci.

Član 26.

(Prestanak važenja licence)

- (1) Licenca prestaje da važi:
- brisanjem iz Registra organizatora turističkog putovanja na osnovu zahtjeva nosioca licence,
 - podjelom organizatora turističkog putovanja na dva ili više društava ili iz drugog razloga utvrđenog Zakonom o privrednim društvima,
 - ako organizator turističkog putovanja prestane ispunjavati uslove iz člana 24. ovog zakona.
- (2) Rješenje o prestanku važenja licence donosi ministar.
- (3) Rješenje iz stava (2) ovog člana je konačno i protiv njega nije dozvoljena žalba, ali se može pokrenuti upravni spor pred nadležnim sudom.

Član 27.
(Oduzimanje licence)

- (1) Ministar donosi rješenje o oduzimanju licence organizatoru turističkog putovanja ako u postupku revizije ili inspeksijskog pregleda utvrdi:
 - a) da je organizator putovanja prestao ispunjavati uslove propisane federalnim zakonom i čl. 23. i 24. ovog zakona,
 - b) da su usljed neizvršenja ili djelimičnog izvršenja općih uslova putovanja ili programa putovanja greškom organizatora putovanja, u skladu sa uzansama, nastupile teže posljedice po korisnika turističke usluge (ugrožavanje zdravlja, nije obezbijeđen smještaj ili povratak u zemlju, putovanje je neopravdano trajalo duže od onog predviđenog programom putovanja i sl.),
 - c) da organizator nudi ili prodaje programe putovanja bez ugovora o organizovanju putovanja ili ekskurzije, manjak ležajeva u ugostiteljskom objektu i sl.),
 - d) da je organizator putovanja otkazao korisniku turističke usluge, a nije u zakonskom roku izvršio povrat uplaćenih sredstava,
 - e) da je organizatoru putovanja u periodu važenja licence dva puta u roku od godinu dana izrečena novčana kazna za prekršaj ili neizvršavanje ugovorenih obaveza,
 - f) da je licenca izdata organizatoru na osnovu neistinitih podataka i
 - g) da organizator nije u toku godine prodao nijedan turistički paket aranžman posrednicima u organizaciji putovanja (subagentima).
- (2) U slučaju oduzimanja licence, organizator putovanja može da realizuje samo prethodno ugovorena putovanja.
- (3) Organizator, kojem je oduzeta licenca, može da obavlja djelatnost subagenta, ako ispunjava zakonom propisane uslove za tu djelatnost.
- (4) Organizator, kojem je oduzeta licenca, ne može podnijeti zahtjev za dobijanje licence prije isteka roka od godinu dana od dana dostavljanja rješenja o oduzimanju licence.
- (5) Rješenje iz stava (1) ovog člana je konačno i protiv njega nije dozvoljena žalba, ali se može pokrenuti upravni spor pred nadležnim sudom.

Član 28.
(Grupna putovanja)

- (1) Ako putnička agencija organizira grupna putovanja obavezna je tokom cijelog putovanja osigurati najmanje jednog turističkog pratioca, koji ispunjava uslove propisane ovim zakonom, za svaku grupu do 75 putnika.
- (2) Ako putnička agencija ne raspolaže s turističkim pratiocem iz stava (1) ovog člana, može osigurati stručnog radnika koji je osposobljen za rad u turističkoj djelatnosti.
- (3) Putnička agencija obavezna je navesti u programu putovanja da li je obilazak predviđen u pratnji pratioca putovanja ili turističkog vodiča.

Član 29.
(Program, prospekt ili katalog putovanja)

- (1) Putnička agencija dužna je za svaki aranžman, odnosno putovanje koje organizira, izdati program, prospekt ili katalog koji obavezno lično uručuje putniku prije zaključenja ugovora o organiziranom putovanju.
- (2) Sadržaj programa, prospekta ili kataloga propisan je federalnim zakonom.

Član 30.
(Poslovni prostor i poslovnica)

- (1) Putnička agencija koja neposredno pruža usluge putniku mora imati poslovni prostor u sjedištu firme koja ispunjava za to propisane uslove.
- (2) Putnička agencija može imati u svom sastavu poslovnice u kojima se obavlja registrirana djelatnost u skladu sa propisanim uslovima.

- (3) Uslovi koje mora ispunjavati poslovnica za pojedinu vrstu putničke agencije, propisani su federalnim propisom.

Član 31.
(Voditelj poslovnice)

- (1) Putnička agencija koja neposredno prodaje aranžmane i izletničke programe mora imati u svakoj poslovnici najmanje jednog zaposlenog voditelja poslovnice.
- (2) Voditeljem poslovnice, u smislu ovog zakona, smatra se državljanin Bosne i Hercegovine koji ispunjava uslove za voditelja poslovnice propisane ovim zakonom.
- (3) Voditelj poslovnice odgovoran je za rad poslovnice u skladu sa zakonom.

Član 32.
(Uslovi za voditelja poslovnice)

- (1) Voditelj poslovnice mora ispunjavati sljedeće uslove:
 - a) da je poslovno sposoban,
 - b) da ima najmanje srednju stručnu spremu,
 - c) da zna najmanje jedan svjetski jezik,
 - d) da ima položen stručni ispit za voditelja poslovnice i dvije godine radnog staža na odgovarajućim poslovima u putničkoj agenciji ili drugim odgovarajućim poslovima u turizmu,
 - e) da mu nije pravosnažnom presudom ili rješenjem o prekršaju izrečena zaštitna mjera zabrane obavljanja poslova voditelja poslovnice, dok ta mjera traje.
- (2) Strani državljanin može obavljati poslove voditelja poslovnice pod uslovom da ima radnu dozvolu i da ispunjava uslove iz stava (1) ovog člana.
- (3) Stručni ispit za voditelja poslovnice polaže se pred ispitnom komisijom na način propisan federalnim propisom.

Član 33.
(Prestanak pružanja usluga putničke agencije)

Prestanak pružanja usluga putničke agencije propisan je federalnim zakonom.

POGLAVLJE V. TURISTIČKI VODIČ, PRATILAC, ANIMATOR I ZASTUPNIK

Član 34.
(Turistički vodič)

- (1) Turistički vodič je lice koje turistima pokazuje i stručno objašnjava prirodne ljepote i rijetkosti, kulturno-historijske spomenike, umjetnička djela, etnografske i druge znamenitosti, historijske događaje i legende o tim događajima i licima, društveno političke tokove i događanja, te ekonomska dostignuća mjesta i područja.
- (2) Ne smatra se turističkim vodičem stručni radnik koji obavlja poslove vodiča na svom radnom mjestu kod pravnog ili fizičkog lica unutar poslovnog prostora u kojem radi (muzej, galerija, nacionalni park i sl.), stručni radnik putničke agencije koji prati grupu turista iz mjesta u mjesto, vodič u planinama i jamama, u lovu i ribolovu, kao i voditelj i pratilac ekskurzije i izleta.
- (3) Turistički vodič vođenje grupe ili pojedinca predaje stručnom licu zaposlenom unutar institucija kulture (muzeji, galerije i sl.), unutar zaštićenih dijelova prirode ili u prostoru pravnog lica koje upravlja određenom atrakcijom.

Član 35.
(Odobrenje i uslovi za turističkog vodiča)

- (1) Za pružanje usluga turističkog vodiča, turistički vodič dužan je imati odobrenje koje na njegov zahtjev izdaje nadležni organ, na čijem području turistički vodič ima prebivalište.
- (2) Odobrenje iz stava (1) ovog člana izdat će se licu koje ispunjava sljedeće uslove:
 - a) da je državljanin Bosne i Hercegovine,
 - b) da ima poslovnu sposobnost,
 - c) da ima najmanje srednju stručnu spremu,
 - d) da ima položen stručni ispit za turističkog vodiča,

- e) da zna najmanje jedan svjetski jezik na kojem će pružiti usluge turističkog vodiča,
 - f) da mu pravosnažnom presudom ili rješenjem o prekršaju nije izrečena zaštitna mjera zabrane obavljanja poslova turističkog vodiča, dok ta mjera traje,
 - g) da udovoljava propisanim zdravstvenim uslovima.
- (3) Strani državljanin može pružati usluge turističkog vodiča, uz prioritarnu primjenu načela uzajamnosti, pod uslovom da ima radnu dozvolu i da ispunjava uslove iz stava (1) tačka b. do g. navedenog člana.
- (4) Sadržaj rješenja o odobrenju za pružanje usluga turističkog vodiča propisan je federalnim zakonom.
- (5) Pravosnažno rješenje o odobrenju za pružanje usluga turističkog vodiča upisuje se u Upisnik turističkih vodiča koji vodi nadležni organ.
- (6) Oblik, sadržaj i način vođenja Upisnika iz stava (5) ovog člana propisan je federalnim propisom.

Član 36.

(Prestanak odobrenja za turističkog vodiča)

Prestanak odobrenja za pružanje usluga turističkog vodiča propisan je federalnim zakonom.

Član 37.

(Stručni ispit za turističkog vodiča)

Postupak, način polaganja i program stručnog ispita za turističkog vodiča propisan je federalnim propisom.

Član 38.

(Obavljanje poslova turističkog vodiča)

- (1) Turistički vodič dužan je poslove vodiča obavljati savjesno i stručno u skladu odredbama ovog zakona, poslovnim običajima u turizmu (uzanse), statutom i drugim aktima udruženja turističkih vodiča čiji je član.
- (2) Putnička agencija i drugi korisnici usluga turističkog vodiča ne mogu obavljanje usluga turističkog vodiča povjeriti licu koje ne ispunjava uslove propisane ovim zakonom.

Član 39.

(Iskaznica turističkog vodiča)

- (1) Turistički vodič, pri obavljanju poslova turističkog vodiča, mora imati iskaznicu turističkog vodiča, kojom se utvrđuje njegovo svojstvo. Iskaznicu turističkog vodiča, turistički vodič pri obavljanju poslova mora nositi na vidljivom mjestu.
- (2) Obrazac i izgled iskaznice turističkog vodiča, kao i način njenog izdavanja i upotrebe propisan je federalnim propisom.
- (3) Iskaznicu turističkog vodiča izdaje Ministarstvo, na zahtjev podnosioca na propisanom obrascu.
- (4) Troškove izrade iskaznice snosi turistički vodič.
- (5) Evidenciju o izdatim iskaznicama vodi Ministarstvo.

Član 40.

(Turistički pratilac)

- (1) Turistički pratilac je lice koje obavlja operativno-tehničke poslove u vođenju i praćenju turista, te daje turistima obavijesti o svrsi putovanja.
- (2) Turistički pratilac je lice koje ispunjava uslove iz člana 35. ovog zakona, osim uslova iz stava (2) tačke d) tog člana.
- (3) Putnička agencija ne može obavljanje poslova turističkog pratioca povjeriti licu koje ne ispunjava uslove propisane ovim zakonom.

Član 41.

(Turistički animator)

- (1) Turistički animator je lice koje planira i ostvaruje programe provođenja slobodnog vremena turista, a koji se odnose na sportsko-rekreativne, zabavne i kulturno-društvene sadržaje.
- (2) Za turističkog animatora vrijede odredbe ovog zakona koje se odnose na turističkog pratioca.

Član 42.

(Turistički zastupnik)

- (1) Turistički zastupnik je pravno ili fizičko lice koje zastupa domaćeg ili stranog organizatora putovanja ili posrednika u određitim putovanja.
- (2) Organizator putovanja, odnosno posrednik, dužan je pismeno obavijestiti davaoca usluga o turističkom zastupniku, njegovim ovlaštenjima i svim eventualnim promjenama.

Član 43.

(Ovlaštenja turističkog zastupnika)

Ovlaštenja turističkog zastupnika su sljedeća:

- a) štiti interese i prava putnika i organizatora putovanja kod davaoca usluga,
- b) pruža obavještenja i uputstva putnicima kod izvršavanja programa putovanja i dodatnih usluga,
- c) naručuje dodatne usluge u ime organizatora putovanja prema dobivenim ovlaštenjima,
- d) posreduje u pribavljanju dodatnih usluga za putnike (izleti, kulturne i sportske priredbe i sl.),
- e) obavlja i druge poslove potrebne za zaštitu interesa putnika i organizatora putovanja.

POGLAVLJE VI. TURISTIČKE USLUGE U SEOSKOM DOMAĆINSTVU I DRUGIM OBLICIMA TURIZMA

Član 44.

(Seoski turizam)

Seoski turizam, u smislu ovog zakona, je boravak turista u domaćinstvu koje je organizirano kao turističko seosko domaćinstvo upisano u Registar poljoprivrednih gazdinstava, u skladu sa federalnim propisom (u daljem tekstu: seosko domaćinstvo) radi odmora i rekreacije s mogućnošću učestvovanja u aktivnostima seoskog domaćinstva.

Član 45.

(Turističke usluge u seoskom domaćinstvu)

- (1) Turističke usluge u seoskom domaćinstvu naročito su: iznajmljivanje konja za jahanje, zaprega, škola jahanja, lov i ribolov, organiziranje branja plodova i gljiva, berbe voća i povrća, ubiranje ljetine, foto safari i druge usluge u seoskom domaćinstvu.
- (2) Turističke usluge iz stava (1) ovog člana može pružati vlasnik seoskog domaćinstva s članovima svoje porodice ukoliko ispuni uslove propisane ovim zakonom i drugim propisima.
- (3) Ukoliko se u seoskom domaćinstvu pružaju usluge smještaja i ishrane, objekti moraju ispunjavati minimalno-tehničke uslove u skladu sa propisima koji regulišu ugostiteljsku djelatnost.

Član 46.

(Rješenje o odobrenju za pružanje turističkih usluga u seoskom domaćinstvu)

- (1) Za pružanje turističkih usluga iz člana 45. ovog zakona član seoskog domaćinstva dužan je pribaviti rješenje o odobrenju za pružanje turističkih usluga u seoskom domaćinstvu od nadležnog organa prema mjestu pružanja usluga.
- (2) Rješenje iz stava (1) ovog člana izdat će se na zahtjev člana seoskog domaćinstva koji ispunjava sljedeće uslove:
 - a) da je državljanin Bosne i Hercegovine,
 - b) da je poslovno sposoban,
 - c) da je vlasnik ili nosilac prava korištenja objekta,
 - d) da ispunjava propisane zdravstvene uslove,
 - e) da objekat u kojem će se pružati usluge ispunjava minimalne uslove propisane ovim zakonom i drugim propisima bez kojih se ne može izdati rješenje o ispunjavanju uslova za obavljanje djelatnosti.
 - f) da mu nije pravosnažnom sudskom presudom ili rješenjem o prekršaju izrečena mjera sigurnosti ili zaštitna mjera zabrane pružanja usluga u domaćinstvu.

- (3) Nadležni organ dužan je riješiti o zahtjevu iz stava (2) ovog člana u roku od 15 dana od dana podnošenja potpunog zahtjeva sa potrebnom dokumentacijom.
- (4) Izuzetno od stava (1) ovog člana, član seoskog domaćinstva koji ima odobrenje za pružanje ugostiteljskih usluga u seoskom domaćinstvu, u skladu sa Zakonom o ugostiteljskoj djelatnosti, može, uz prethodnu obavijest nadležnom organu, pružati usluge iz člana 45. ovog zakona, uz ispunjavanje uslova propisanih ovim zakonom.
- (5) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.

Član 47.

(Sadržaj rješenja)

- (1) Rješenje iz člana 46. ovog zakona sadrži:
 - a) ime i prezime, datum i mjesto rođenja, te adresu podnosioca zahtjeva,
 - b) jedinstveni broj poljoprivrednog gazdinstva,
 - c) vrste turističkih usluga koje će se pružati,
 - d) naznaku pruža li se usluga tokom cijele godine ili sezonski.
- (2) Rješenje iz stava (1) ovog člana nadležni organ dostavlja Kantonalnoj upravi za inspeksijske poslove, nadležnom poreznom uredu i Ministarstvu.
- (3) Za pružanje turističkih usluga članu seoskog domaćinstva mogu pomagati članovi njegovog domaćinstva.

Član 48.

(Prestanak važenja rješenja)

- (1) Rješenje o odobrenju iz člana 46. ovog zakona prestaje važiti:
 - a) odjavom, danom navedenim u odjavi ili danom podnošenja odjave nadležnom organu u slučaju ako je u odjavi naveden datum unatrag,
 - b) ako je inspeksijskim nadzorom utvrđeno da za pružanje turističkih usluga nisu ispunjeni uslovi propisani ovim zakonom, propisima donesenim na osnovu ovog zakona, a utvrđeni nedostaci nisu otklonjeni u ostavljenom roku, sa danom isteka tog roka,
 - c) ako nadležni organ konačno utvrdi da je izdano rješenje zasnovano na neistinitim podacima ili krivotvorenim dokumentima,
 - d) ako se turističke usluge ne počnu pružati u roku od jedne godine dana,
 - e) ako se turističke usluge u seoskom domaćinstvu ne počnu pružati u roku od godine dana od dana konačnosti rješenja.
- (2) Nadležni organ donosi rješenje o prestanku važenja rješenja iz stava (1) ovog člana i dostavlja nadležnoj inspekciji i nadležnom poreznom uredu.
- (3) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.

Član 49.

(Turističke usluge u drugim oblicima turizma)

- (1) Turističke usluge mogu se pružati i u lovno-ribolovnom, kongresnom, zdravstvenom, planinskom, avanturističkom, sportskom, vjerskom turizmu, na skijaškom terenu i drugim oblicima turizma.
- (2) Za obavljanje turističkih usluga iz stava (1) ovog člana pravna i fizička lica dužna su pribaviti rješenje za rad od nadležnog organa.
- (3) Uslugama na skijaškom terenu u smislu ovog zakona smatra se davanje na korištenje prostora, uređaja i opreme za rekreativno i sportsko skijanje, skijašku obuku i druge rekreativne i sportske aktivnosti na snijegu, te iznajmljivanje skijaške opreme, usluge korištenja ski i bebi liftova, žičara i sl.
- (4) Obaveze pravnog ili fizičkog lica koje upravlja skijaškim terenom propisane su federalnim zakonom, a uslovi pružanja usluga na skijaškom terenu propisani su Zakonom o javnim skijalištima.
- (5) Uslugama u omladinskom turizmu, u smislu ovog zakona, smatra se organiziranje i provođenje boravka turista u hostelima ili drugim objektima koji su predviđeni za omladinu

kao što su: studentski i omladinski domovi, kampovi, organiziranje kulturno-zabavnih, muzičkih, edukativnih i drugih programa iz sadržaja koji su u vezi sa boravkom omladine.

- (6) Ministar će pravilnikom propisati minimalne uslove za pružanje usluga iz stava (1) ovog člana.

Član 50.

(Lovno-ribolovni turizam)

- (1) Pod turističkim uslugama u lovno-ribolovnom turizmu podrazumijevaju se usluge prihvata i smještaja lovaca i ribolovaca u odgovarajuće objekte, organizovanje lova i ribolova i pružanje drugih usluga za potrebe lovno-ribolovnog turizma, kao što su usluge prijevoza do lovišta i po lovištu, obuku i iznajmljivanje lovačkih pasa, iznajmljivanje lovačkog oružja i sl.
- (2) Turističke usluge u lovno-ribolovnom turizmu mogu pružati lica registrirana za obavljanje te djelatnosti, u skladu sa propisima iz oblasti lova i ribolova.
- (3) Lica iz stava (2) ovog člana dužna su turistima pružati usluge u skladu sa odredbama ovog zakona i propisima iz oblasti lova i ribolova.
- (4) Usluge smještaja u objektima lovno-ribolovnog turizma pružaju se u skladu sa zakonom koji reguliše oblast ugostiteljstva.

Član 51.

(Turističke usluge u kongresnom turizmu)

- (1) Turističke usluge u kongresnom turizmu obuhvataju usluge organiziranja, promocije i/ili održavanje kongresa, konferencija i sličnih događaja, sa ili bez usluge osoblja za provedbu i opremanje prostora u kojem se takvi događaji održavaju.
- (2) Usluge iz stava (1) ovog člana mogu pružati pravna lica iz člana 14. ovog zakona.
- (3) Na pružanje usluga kongresnog turizma iz stava (1) ovog člana koji se organizira za svoje članove, korisnike i zaposlenike, u okviru svoje djelatnosti ili u skladu sa svojim općim aktima, ne primjenjuju se odredbe ovog zakona.

Član 52.

(Rješenje o odobrenju za pružanje usluga u kongresnom turizmu)

- (1) Za pružanje usluga u kongresnom turizmu iz člana 51. ovog zakona pravna lica dužna su pribaviti rješenje o ispunjavanju minimalno-tehničkih uslova, odnosno rješenje o odobrenju za pružanje tih turističkih usluga od nadležnog organa prema mjestu svog sjedišta.
- (2) Rješenje iz stava (1) ovog člana dostavlja se Kantonalnoj upravi za inspeksijske poslove, nadležnom poreznom uredu i Ministarstvu.
- (3) Troškove postupka izdavanja rješenja snosi podnosilac zahtjeva.
- (4) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.
- (5) Na prestanak važenja rješenja iz stava (1) ovog člana na odgovarajući način primjenjuju se odredbe člana 48. ovog zakona.

Član 53.

(Turističke usluge u zdravstvenom turizmu)

- (1) Pod turističkim uslugama u zdravstvenom turizmu smatraju se usluge medicinskog turizma, lječilišnog turizma i wellnessa.
- (2) Usluge medicinskog turizma obuhvataju usluge zdravstvene zaštite povezane sa putovanjem izvan mjesta boravka.
- (3) Usluge lječilišnog turizma obuhvataju usluge u kojima se stručno i kontrolisano koriste prirodni ljekoviti postupci (SPA i terme i sl.) u cilju poboljšanja i očuvanja zdravstvenih i psihofizičkih sposobnosti.
- (4) Wellness usluge (holistički i medicinski wellness) obuhvataju organizirano provođenje zdravstveno-preventivnih i kurativ-

nih programa u svrhu prevencije bolesti, te unapređenja zdravlja.

- (5) Holistički wellness: beauty, psihofizička rekuperacija (fitness, yoga, meditacija), masaža i sl.
Holistička metoda obuhvata cjelovito liječenje čovjeka na metaboličkoj, fizičkoj, psihološkoj, sociološkoj i duhovnoj razini. U holističke pristupe spadaju: Tradicionalna kineska medicina, Tibetanska medicina, Indijska medicina i sa njom najviše zastupljena Ayurveda.
- (6) Medicinski wellness: zdravstveno preventivni i kurativni tretmani pod stručnim nadzorom multidisciplinarnog tima (liekar, nutricionist, fizioterapeut, psiholog).

Član 54.

(Pružaoi usluga u zdravstvenom turizmu)

- (1) Usluge u zdravstvenom turizmu iz člana 53. ovog zakona mogu pružati specijalne bolnice, lječilišta i druge zdravstvene ustanove, pravna lica registrovana za obavljanje zdravstvene djelatnosti i zdravstveni radnici koji samostalno obavljaju privatnu praksu u skladu sa posebnim propisima kojima je regulisana zdravstvena zaštita, za korisnike svojih zdravstvenih usluga.
- (2) Izuzetno od stava (1) ovog člana, wellness usluge mogu pružati pravna i fizička lica iz člana 14. stav (1) ovog zakona.
- (3) Pružalac usluga u zdravstvenom turizmu pruža usluge u skladu sa odredbama ovog zakona, propisima donesenim na osnovu ovog zakona i u skladu sa odredbama posebnih propisa kojima je regulisana pojedina usluga zdravstvenog turizma iz člana 53. ovog zakona.
- (4) Pružalac usluga u zdravstvenom turizmu iz stava (1) ovog člana može pružati usluge organiziranja putovanja, bez osnivanja turističke agencije, samo za korisnike svojih usluga iz člana 53. ovog zakona.

Član 55.

(Rješenje o odobrenju za pružanje usluga u zdravstvenom turizmu)

- (1) Za pružanje usluga u zdravstvenom turizmu iz člana 53. ovog zakona pravna i fizička lica dužna su pribaviti rješenje o ispunjavanju minimalno-tehničkih uslova, odnosno rješenje o odobrenju za pružanje tih turističkih usluga od nadležnog organa prema mjestu svog sjedišta.
- (2) Rješenje iz stava (1) ovog člana dostavlja se Kantonalnoj upravi za inspekcijske poslove, nadležnom poreznom uredu i Ministarstvu.
- (3) Troškove postupka izdavanja rješenja snosi podnosilac zahtjeva.
- (4) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.
- (5) Na prestanak važenja rješenja iz stava (1) ovog člana na odgovarajući način primjenjuju se odredbe člana 48. ovog zakona.

Član 56.

(Turističke usluge u planinskom turizmu)

- (1) Pod turističkim uslugama u planinskom turizmu podrazumijevaju se usluge prihvata i smještaja planinara i turista u planinarske objekte, organizovanje planinarsko pješačkih tura i pružanje planinarskih vodičkih usluga za potrebe planinskog turizma.
- (2) Turističke usluge u planinskom turizmu mogu pružati registrovane planinarske organizacije, u skladu sa propisima iz oblasti planinarstva.
- (3) Planinarski vodič je osoba koja se bavi planinarenjem duže vrijeme i školovana na kursu u organizaciji verifikovanog planinarskog saveza ili planinarskog društva, uz obavezno kontinuirano usavršavanje i obuku.
- (4) Na pružanje usluga planinskog turizma iz stava (1) ovog člana koji se organizira za svoje članove, korisnike, u okviru svoje djelatnosti ili u skladu sa svojim općim aktima, ne primjenjuju se odredbe ovog zakona.

Član 57.

(Turističke usluge u avanturističkom turizmu)

- (1) Turističke usluge u avanturističkom turizmu su usluge koje uključuju sportsko-rekreativne ili avanturističke aktivnosti (skijanje, jahanje, gorsko-planinsko vođenje, brdski biciklizam, padobransko jedrenje /paragliding/, zmajarenje, skakanje s užetom /bungee-jumping/, špiljarenje i sl.).
- (2) Usluge iz stava (1) ovog člana pružaju se pod uslovima propisanim federalnim zakonom, ovim zakonom, propisima donesenim na osnovu ovog zakona i drugim propisima koji uređuju pružanje istih.
- (3) Usluge iz stava (1) ovog člana mogu pružati lica (treneri, instruktori, učitelji, voditelji, vodiči i sl.), koja imaju odgovarajuće licence/dozvole nadležnih institucija ili udruženja, kojim se utvrđuje sposobnost i nivo vještine obavljanja aktivnosti.
- (4) Za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.), organizator i/ili lica koja ih izvođe dužni su izvršiti procjenu rizika te donijeti planove i procedure otklanjanja opasnosti (elaborat spašavanja).
- (6) Lica iz stava (3) ovog člana moraju biti osposobljena za postupke i djelovanja u slučaju nesreće ili opasnostima prema posebnom programu koji provodi Kantonalni štab civilne zaštite.

Član 58.

(Način pružanja usluga u avanturističkom turizmu)

- (1) Pružalac turističkih usluga iz člana 57. ovog zakona obavezan je:
 - a) imati odgovarajuću opremu za pružanje usluge, uz deklaraciju ovlaštenih proizvođača ili atestiranu prema važećim standardima u ispravnom stanju,
 - b) pribaviti koncesiju u skladu sa propisima kojima su uređuju koncesije, ukoliko je ista potrebna za pružanje usluge,
 - c) upotrebljavati opremu prema uputama proizvođača,
 - d) osigurati sredstva komunikacije,
 - e) osigurati pribor za prvu pomoć ovisno o aktivnosti,
 - f) osigurati ličnu opremu za korisnike usluga,
 - g) u skladu sa procjenom opasnosti, osigurati prisustvo hitne medicinske pomoći i drugih službi za spašavanje,
 - h) prije započinjanja pružanja usluge, istaknutom informacijom u pisanom obliku, te usmeno, upoznati korisnika usluge s vrstama rizika provođenja usluge, te načinom korištenja opreme,
 - i) osigurati korisnike usluga od posljedica nesretnog slučaja, te upoznati korisnika usluge sa sadržajem ugovora o osiguranju (policom osiguranja).
- (2) Licima mlađim od 18 godina usluge iz člana 57. stav (1) ovog zakona mogu se pružati samo uz pismenu saglasnost roditelja odnosno staratelja, ukoliko roditelj, odnosno staratelj nije prisutan.
- (3) Pružalac usluga iz člana 57. stav (1) ovog zakona može odbiti pružanje usluga licu mlađem od 18 godina, bez obzira na saglasnost roditelja odnosno staratelja.

Član 59.

(Rješenje o odobrenju za pružanje usluga u avanturističkom turizmu)

- (1) Za pružanje usluga u avanturističkom turizmu pravno ili fizičko lice dužno je pribaviti rješenje o ispunjavanju minimalno-tehničkih uslova, odnosno rješenje o odobrenju za pružanje tih turističkih usluga izdatog od strane nadležnog organa prema mjestu svog sjedišta.
- (2) Rješenje iz stava (1) ovog člana nadležni organ dostavlja Kantonalnoj upravi za inspekcijske poslove, nadležnom poreznom uredu i Ministarstvu.
- (3) Troškove postupku izdavanja rješenja snosi podnosilac zahtjeva.

- (4) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.
- (5) Na prestanak važenja rješenja iz stava (1) ovog člana na odgovarajući način primjenjuju se odredbe člana 48. ovog zakona.

DIO DRUGI - TURISTIČKA ZAJEDNICA KANTONA SARAJEVO

POGLAVLJE VII. TURISTIČKA ZAJEDNICA KANTONA SARAJEVO

Član 60.

(Ciljevi osnivanja i osnivanje Turističke zajednice Kantona Sarajevo)

- (1) Turistička zajednica Kantona Sarajevo (u daljem tekstu: Turistička zajednica) se osniva radi razvoja turizma, unapređenja turizma i promocije turizma na području Kantona u cjelini i privrednih interesa pravnih i fizičkih lica koja pružaju ugostiteljske i druge turističke usluge ili obavljaju drugu djelatnost neposredno povezanu s turizmom.
- (2) Ciljevi osnivanja Turističke zajednice su:
- unapređenje općih uslova boravka turista kroz formiranje cjelovite turističke ponude, podizanje kvaliteta turističkih i drugih komplementarnih usluga, očuvanje i stvaranje prepoznatljivog i privlačnog turističkog ambijenta Kantona;
 - razvijanje svijesti o važnosti turizma, kao i privrednim, društvenim i drugim efektima turizma, o potrebi i važnosti očuvanja i unapređenja svih elemenata turističkog proizvoda, a posebno zaštite životne sredine;
 - podsticanje razvoja turističke infrastrukture i pružanja informacija turistima;
 - promocija turističkog proizvoda u Kantonu.
- (3) Turističku zajednicu osniva Kanton Sarajevo (u daljem tekstu: osnivač).
- (4) Odluku o osnivanju Turističke zajednice, na prijedlog Vlade, donosi Skupština Kantona Sarajevo, a pripremne radnje za osnivanje Turističke zajednice i sazivanje osnivačke skupštine obavlja Ministarstvo.

Član 61.

(Djelatnost i zadaci Turističke zajednice)

- (1) Djelatnost Turističke zajednice zasniva se na načelu ostvarivanja javnog interesa u oblasti turizma, čiji je osnovni cilj promocija turizma na području Kantona, bez ostvarivanja neposredne dobiti.
- (2) Izuzetno od stava (1) ovog člana, Turistička zajednica može da:
- upravlja dobrima i resursima koji su joj dati na upravljanje odlukom osnivača u skladu sa posebnim propisima (izletišta, lovišta, parkovi, plaže, jezera, rijeke, prirodno i kulturno-historijsko naslijeđe),
 - organizira manifestacije i priredbe,
 - objavljuje turističke komercijalne oglase u oglasnim medijima,
 - prodaje suvenire, ulaznice, turističke karte i brošure, osim sopstvenog promotivnog materijala,
 - obavlja i druge poslove od javnog interesa koji su u funkciji razvoja turizma i koji nisu u suprotnosti sa ovim zakonom i drugim propisima.
- (3) Osnovni zadaci Turističke zajednice su sljedeći:
- objedinjava turističku ponudu Kantona;
 - upravlja javnom turističkom infrastrukturom danom na upravljanje od strane Kantona;
 - preduzima mjere i aktivnosti na kreiranju turističkog proizvoda i turističkog imidža Kantona, kao i radnje na formiranju marke turističkog proizvoda destinacije Kantona;

- radi na promociji, plasmanu i podršci realizacije turističkog proizvoda, kao i pojedinih njegovih dijelova, vrijednosti i usluga, koji čine integralni turistički proizvod;
 - vrši promociju plansko-projektne, plansko-razvojne i investicione dokumentacije iz oblasti turizma i njima komplementarnih djelatnosti;
 - radi na kontinuiranom inoviranju turističkog proizvoda i aktiviranju novih turističkih prostora;
 - organizira jedinstveni turistički informacijski sistem, sistem prijave i odjave turista i statističku obradu u skladu sa evropskim standardima;
 - sarađuje u aktivnostima i poslovima vezanim za standardizaciju, kategorizaciju i klasifikaciju turističkog proizvoda, usluga i objekata;
 - radi na istraživanju turističkog tržišta u cilju pozicioniranja turističkog proizvoda na turističkom tržištu;
 - prati stanje na turističkom tržištu u cilju blagovremenog donošenja odgovarajućih odluka;
 - preduzima mjere i aktivnosti za razvoj i promociju turizma u turistički nerazvijenim dijelovima Kantona;
 - obavlja informativne poslove u vezi sa turističkom ponudom i promovira turističke ponude Kantona u zemlji i inozemstvu;
 - sarađuje sa turističkim zajednicama u Bosni i Hercegovini, u zemljama u okruženju, Evropi i svijetu;
 - sarađuje sa putničkim agencijama i Kantonalnom javnom ustanovom za zaštićena prirodna područja, vezano za turističke posjete i obilaske zaštićenih područja;
 - podstiče, unapređuje, promovira i štiti izvorne vrijednosti i stvara uslove za njihovo korišćenje u granicama održivog razvoja turizma Kantona;
 - koordinira na poslovima razvoja turizma na lokalnom, entitetskom i državnom nivou;
 - radi na razvoju gostoprimstva, očuvanju prirodnih i kulturnih vrijednosti i unapređenju ekološke zaštite prostora na kojem djeluje Turistička zajednica;
 - radi na pripremi i implementaciji događaja (event) od važnosti za Kanton;
 - obavlja i druge poslove propisane ovim zakonom ili drugim propisom.
- (4) Turistička zajednica sudjeluje i provodi programe i akcije drugih oblika organiziranja koji su od zajedničkog interesa za sve subjekte u turizmu u cilju podizanja nivoa kvaliteta turističke ponude Kantona.

Član 62.

(Pravni status)

- Turistička zajednica ima svojstvo pravnog lica.
- Svojstvo pravnog lica Turistička zajednica stiče danom upisa u sudski registar.
- Prijavu za upis u sudski registar kao i sve upisane promjene, osnivač odnosno lice ovlašteno osnivačkim aktom, dužno je podnijeti u roku od 15 dana od dana održavanja osnivačke skupštine.

Član 63.

(Članovi Turističke zajednice)

- Turistička zajednica ima obaveze članove, predstavnike privatnog i javnog sektora turizma iz općina sa područja Kantona.
- Obavezni članovi Turističke zajednice su sva pravna i fizička lica, koje na području Kantona imaju sjedište ili bilo kakav organizacioni dio i koje ostvaruju prihod pružanjem ugostiteljskih ili drugih turističkih usluga ili obavljaju s turizmom neposredno povezane djelatnosti.
- Djelatnosti iz stava (2) ovog člana utvrđuje ministar pravilnikom, u skladu sa Klasifikacijom djelatnosti Bosne i Hercegovine.
- Obavezno članstvo u Turističkoj zajednici počinje danom osnivanja ili danom početka obavljanja djelatnosti pravnog i fizičkog lica na području Kantona.

- (5) Na prestanak obaveznog članstva u Turističkoj zajednici ne utiče privremena obustava djelatnosti kao ni sezonsko obavljanje djelatnosti.
- (6) Obavezno članstvo u Turističkoj zajednici prestaje: prestankom rada Turističke zajednice, prestankom pravnog lica ili smrću fizičkog lica te djelimičnim ili potpunim gubitkom poslovne sposobnosti fizičkog lica, prestankom poslovne djelatnosti, promjenom sjedišta, prestankom ostvarivanja prihoda pružanjem ugostiteljskih ili drugih turističkih usluga ili obavljanjem s turizmom neposredno povezanih djelatnosti.
- (7) Obavezni članovi Turističke zajednice, odnosno njihovi predstavnici, mogu birati i biti birani u organe Turističke zajednice.
- (8) Osim članova iz stava (1) ovoga člana, Turistička zajednica može imati i dobrovoljne članove. Dobrovoljni članovi imaju ista prava i obaveze kao i obavezni članovi.
- (9) Skupština Turističke zajednice, na prijedlog turističkog vijeća, može lica posebno zaslužna za razvoj i promociju turizma imenovati počasnim članovima Turističke zajednice.
- (10) Počasni članovi Turističke zajednice ne mogu birati niti biti birani u organe Turističke zajednice.

Član 64.

(Javnost rada)

- (1) Rad Turističke zajednice je javan.
- (2) Javnost rada osigurava se i ostvaruje na način propisan statutom Turističke zajednice.

Član 65.

(Statut Turističke zajednice)

- (1) Prava i obaveze Turističke zajednice utvrđuju se ovim zakonom i statutom Turističke zajednice.
- (2) Statut Turističke zajednice sadrži odredbe o:
 - a) nazivu i sjedištu,
 - b) zadacima Turističke zajednice,
 - c) pravima, obavezama i odgovornosti članova,
 - d) načinu predstavljanja i zastupanja Turističke zajednice,
 - e) djelokrugu, organizaciji, načinu izbora i opoziva, mandatu te odgovornosti članova organa Turističke zajednice,
 - f) načinu odlučivanja u Turističkoj zajednici i organima Turističke zajednice,
 - g) načinu ostvarivanja javnosti rada,
 - h) načinu donošenja statuta i drugih općih akata,
 - i) imovini, načinu sticanja imovine i raspolaganju imovinom,
 - j) postupku sa imovinom u slučaju prestanka Turističke zajednice,
 - k) drugim pitanjima od značaja za djelovanje Turističke zajednice.
- (3) Turistička zajednica donosi statut i odluku o izmjenama i dopunama statuta uz prethodnu saglasnost Vlade.
- (4) Na statut Turističke zajednice saglasnost daje Vlada.
- (5) Statut Turističke zajednice i njegove izmjene i dopune objavljuju se u "Službenim novinama Kantona Sarajevo".

Član 66.

(Organi Turističke zajednice)

- (1) Organi Turističke zajednice su:
 - a) skupština,
 - b) nadzorni odbor,
 - c) turističko vijeće,
 - d) predsjednik,
 - e) ured za podršku turizmu.
- (2) Statutom Turističke zajednice može se predvidjeti osnivanje i drugih organa.
- (3) Članovi organa odgovorni su za zakonito i savjesno obavljanje svojih dužnosti.
- (4) Mandat članova organa Turističke zajednice je četiri godine, a članovi mogu biti ponovno birani, odnosno imenovani na još jedan mandat.

- (5) U slučaju prestanka mandata člana organa prije isteka vremena na koje je biran, novi član se bira na vrijeme do isteka mandata na koji je izabran prethodnik.

Član 67.

(Skupština Turističke zajednice)

- (1) Skupština Turističke zajednice (u daljem tekstu: skupština) je najviši organ upravljanja u Turističkoj zajednici.
- (2) Skupštinu čine predstavnici privatnog i javnog sektora turizma iz općina i predstavnici osnivača.
- (3) Broj predstavnika članova skupštine utvrđuje se statutom.
- (4) Skupština se održava najmanje dva puta godišnje.
- (5) Nadležnosti skupštine su da:
 - a) donosi statut,
 - b) donosi poslovnik o radu skupštine,
 - c) imenuje i razrješava predsjednika skupštine iz reda članova skupštine,
 - d) imenuje i razrješava članove nadzornog odbora Turističke zajednice,
 - e) imenuje i razrješava članove turističkog vijeća,
 - f) donosi godišnji program rada i godišnji finansijski plan Turističke zajednice,
 - g) usvaja godišnji izvještaj o radu i godišnji finansijski izvještaj Turističke zajednice,
 - h) donosi odluku o osnivanju i organizaciji turističkog ureda,
 - i) donosi odluku o izvještajima koje podnose predsjednik, nadzorni odbor i turističko vijeće,
 - j) donosi odluke i rješava druga pitanja kada je to predviđeno propisima i statutom.
- (6) Predsjednik skupštine saziva i predsjedava sjednicama skupštine.

Član 68.

(Nadzorni odbor)

- (1) Nadzorni odbor nadzire:
 - a) vođenje poslova Turističke zajednice,
 - b) materijalno i finansijsko poslovanje i raspolaganje sredstvima,
 - c) izvršenje i provedbu programa rada i finansijskog plana.
- (2) Nadzorni odbor o izvršenom nadzoru podnosi pisani izvještaj turističkom vijeću i skupštini.
- (3) Nadzorni odbor provodi nadzor iz stava (1) ovog člana najmanje četiri puta godišnje.

Član 69.

(Članovi nadzornog odbora)

- (1) Nadzorni odbor Turističke zajednice čine predsjednik i dva člana koje imenuje i razrješava skupština, od kojih jednog člana predlaže osnivač.
- (2) Član nadzornog odbora ne može biti član turističkog vijeća niti skupštine.
- (3) Nadzorni odbor iz redova svojih članova bira predsjednika.
- (4) Nadzorni odbor donosi poslovnik o svom radu.

Član 70.

(Turističko vijeće)

- (1) Turističko vijeće je izvršni organ skupštine.
- (2) Turističko vijeće obavlja poslove utvrđene ovim zakonom i statutom Turističke zajednice i za svoj rad odgovara skupštini.
- (3) Nadležnosti turističkog vijeća su da:
 - a) provodi odluke i zaključke skupštine,
 - b) predlaže skupštini godišnji program rada i finansijski plan Turističke zajednice, te godišnji izvještaj o radu i finansijski izvještaj Turističke zajednice,
 - c) podnosi skupštini izvještaj o svom radu najmanje dva puta godišnje,
 - d) upravlja imovinom Turističke zajednice, u skladu sa ovim zakonom i statutom, te u skladu sa programom rada i finansijskim planom,
 - e) donosi opće akte za stručnu službu Turističke zajednice,
 - f) imenuje i razrješava direktora turističkog ureda,

- g) utvrđuje granice ovlaštenja za zastupanje i raspolaganje finansijskim sredstvima Turističke zajednice,
 - h) donosi poslovnik o radu,
 - i) obavlja i druge poslove utvrđene ovim zakonom i statutom.
- (4) Turističko vijeće ima predsjednika i šest članova. Članove turističkog vijeća bira skupština iz reda obaveznih članova Turističke zajednice, vodeći računa o teritorijalnoj zastupljenosti i o zastupljenosti djelatnosti u turizmu (pružaoци ugostiteljskih usluga, putničke agencije i dr.), a jednog člana delegira Ministarstvo.
- (5) Predsjednika turističkog vijeća biraju članovi turističkog vijeća većinom glasova iz reda svojih članova.
- (5) Turističko vijeće može pravovaljano odlučivati ukoliko sjednici prisustvuje više od polovine članova vijeća, a odlučuje većinom glasova prisutnih članova.
- (6) Predsjednik turističkog vijeća saziva i predsjedava sjednicama turističkog vijeća.

Član 71.

(Predsjednik Turističke zajednice)

- (1) Predsjednik Turističke zajednice predstavlja i zastupa Turističku zajednicu.
- (2) Predsjednika Turističke zajednice imenuje i razrješava Vlada.
- (3) Mandat predsjednika Turističke zajednice je četiri godine i može biti ponovno imenovan na još jedan mandat.

Član 72.

(Turistički ured)

- (1) Skupština Turističke zajednice osniva turistički ured.
- (2) U turističkom uredu obavljaju se stručni i administrativni poslovi vezani za potrebe Turističke zajednice.
- (3) Turističko vijeće pravilnikom propisuje posebne uslove u pogledu stručne spremlje, radnog iskustva, znanja jezika i drugih posebnih znanja i sposobnosti, koje moraju ispunjavati zaposleni u turističkom uredu.
- (4) Na radne odnose zaposlenih u turističkom uredu primjenjuju se opći propisi o radu, ako ovim zakonom nije drugačije propisano.

Član 73.

(Direktor turističkog ureda)

- (1) Turistički ured ima direktora, kojeg imenuje turističko vijeće na period od četiri godine, putem javnog konkursa i može biti ponovo imenovan.
- (2) Direktor turističkog ureda organizira i rukovodi radom i poslovanjem turističkog ureda, provodi odluke turističkog vijeća i u granicama utvrđenih ovlasti odgovoran je za poslovanje Turističke zajednice i zakonitost rada turističkog ureda.
- (3) Direktor turističkog ureda za svoj rad odgovara turističkom vijeću.
- (4) Direktor turističkog ureda i drugi zaposlenici u turističkom uredu ne mogu biti predsjednici niti članovi skupštine, nadzornog odbora i turističkog vijeća.

Član 74.

(Ured za podršku turizmu)

- (1) Skupština Turističke zajednice osniva ured za podršku turizmu.
- (2) Ured za podršku turizmu obavlja usluge koje će olakšavati razvoj turizma u Turističkoj zajednici.
- (3) Ured za podršku turizmu obavlja poslovnu komunikaciju između samostalnih ugostitelja i nadležnih institucija s ciljem ažurnijeg obavljanja usluga iz polja lokalnog i sezonskog turizma, posebno pri registraciji djelatnosti iz oblasti turizma.
- (4) Ured za podršku turizmu vodi sezonski registar prijavljenih ugostitelja, vodiča i drugih samostalnih poduzetnika u oblasti turizma.

- (5) Ured za podršku turizmu pravilnikom propisuje posebne uslove u pogledu stručne spremlje, radnog iskustva, znanja jezika i drugih posebnih znanja i sposobnosti, koje moraju ispunjavati zaposleni u uredu za podršku turizmu.

Član 75.

(Kategorizacija turističkih mjesta)

- (1) Osnov za razvrstavanje u kategorije turističkih mjesta po ovom zakonu čine općine, shodno svom značaju za turizam.
- (2) Osnovni kriteriji za kategorizaciju turističkih mjesta su:
 - a) trogodišnji prosjek ostvarenog broja turističkih noćenja u turističkom mjestu (broj noćenja);
 - b) broj noćenja iz tačke a) ovog stava po stanovniku turističkog mjesta (koeficijent intenziteta turističkog prometa);
 - c) ukupna vrijednost prometa u turističkoj i ugostiteljskoj djelatnosti po stanovniku mjesta (koeficijent specifičnog turističkog prometa).
- (3) Shodno kriterijima iz stava (2) ovog člana turistička mjesta se razvrstavaju u kategorije A, B, C i D.
- (4) Bliže kriterije, način vrednovanja kriterija za kategorizaciju turističkih mjesta i način određivanja kategorije turističkih mjesta na području Kantona propisuje ministar.

Član 76.

(Finansiranje Turističke zajednice)

- (1) Prihodi Turističke zajednice su:
 - a) prihodi od boravišne takse,
 - b) prihodi iz Budžeta Kantona, budžeta jedinica lokalne samouprave, na osnovu posebnih programa,
 - c) prihodi od obavljanja djelatnosti iz člana 61. stav (2) ovog zakona,
 - d) prihodi od dobrovoljnih priloga i darova,
 - e) prihodi iz drugih izvora.
- (2) Turistička zajednica se može, na osnovu posebne odluke turističkog vijeća, finansijski zaduživati u cilju realizacije programa rada i finansijskog plana, ali ukupna vrijednost zaduženja ne smije prelaziti 25% finansijskim planom predviđenih prihoda.

Član 77.

(Boravišna taksa)

- (1) Boravišna taksa je paušalni novčani iznos koji plaća lice koje izvan svog prebivališta koristi usluge smještaja u smještajnom objektu u kojem se obavlja turistička ili ugostiteljska djelatnost (u daljem tekstu: smještajni objekat). Lice koje koristi usluge noćenja u smještajnom objektu u kojem se obavlja ugostiteljska djelatnost plaća boravišnu taksu po svakom ostvarenom noćenju, ako ovim zakonom nije drugačije određeno, po dolasku u smještajni objekat.
- (2) Smještajnim objektom, u smislu stava (1) ovog člana, smatra se: hotel, motel, pansion, turistički apartman, odmaralište, kamp, planinarski dom, soba za iznajmljivanje i svi drugi objekti u kojima se pružaju usluge smještaja.
- (3) Lica iz stava (1) ovog člana boravišnu taksu plaćaju pravnom ili fizičkom licu s kojim su ugovorile pružanje usluga smještaja. Izuzetno od stava (1) ovog člana lica koja pružaju ugostiteljske usluge smještaja u domaćinstvu (lica u domaćinstvu) plaćaju godišnji paušalni iznos boravišne takse za svaki krevet i smještajnu jedinicu koji se koristi za pružanje usluga smještaja u skladu sa propisima o pružanju usluga smještaja. Na dodatne (pomoćne) krevete ne plaća se godišnji paušalni iznos boravišne takse.
- (4) Dnevnu boravišnu taksu plaća organizator grupnog putovanja - agencija, po svakom grupnom dolasku turista u turističko mjesto bez noćenja.
- (5) Boravišnu taksu i dnevnu boravišnu taksu pod jednakim uslovima plaćaju domaći i strani državljani.

Član 78.

(Oslobađanja od obaveze plaćanja boravišne takse)

- (1) Boravišnu taksu ne plaćaju:

- a) djeca do 12 godina starosti;
 - b) lica sa teškim čulnim i tjelesnim smetnjama (slijepi, gluhi, distrofičari i dr.);
 - c) lica upućena na banjska i klimatska liječenja, odnosno specijalizovanu rehabilitaciju od nadležne ljekarske komisije;
 - d) lica koja obavljaju sezonske poslove sa prijavljenim boravkom u turističkom mjestu;
 - e) lica koja neprekidno borave u objektu za smještaj duže od 30 dana;
 - f) učesnici školskih ekskurzija, odnosno učenici i studenti čiji boravak organizuju škole i fakulteti u okviru redovnih programa, održavanja sportskih i kulturnih manifestacija;
 - g) strani državljani koji su po međunarodnim konvencijama i sporazumima oslobođeni plaćanja taksi;
 - h) strani državljani koji organizirano, preko zvaničnih humanitarnih organizacija, dolaze radi pružanja humanitarne pomoći.
- (2) Lica iz stava (1) ovog člana ne plaćaju boravišnu taksu ako podnesu dokaz o ispunjavanju uslova utvrđenih u ovom stavu (članska karta, potvrda škole, ljekara, ljekarski uput i dr.).
- (3) Boravišnu taksu umanjenu za 50% plaćaju lica od 12 do 18 godina starosti.
- (4) Dnevnu boravišnu taksu ne plaćaju:
- a) djeca do 12 godina starosti;
 - b) lica sa teškim čulnim i tjelesnim smetnjama (slijepi, gluhi, distrofičari i dr.);
 - c) učesnici školskih ekskurzija, odnosno učenici i studenti čiji boravak organizuju škole i fakulteti u okviru redovnih programa, održavanja sportskih i kulturnih manifestacija;
 - d) strani državljani koji su po međunarodnim konvencijama i sporazumima oslobođeni plaćanja taksi;
 - e) strani državljani koji organizovano, preko zvaničnih humanitarnih organizacija, dolaze radi pružanja humanitarne pomoći.

Član 79.

(Visina i način naplate boravišne takse)

- (1) Visinu boravišne takse, na prijedlog Ministarstva, utvrđuje Vlada, najkasnije do kraja oktobra tekuće godine za narednu godinu.
- (2) Naplatu boravišne takse vrši pravno i fizičko lice koje pruža usluge smještaja (u daljem tekstu: davalac usluga).
- (3) Davalac usluga naplaćuje boravišnu taksu istovremeno sa naplatom usluge smještaja.
- (4) Ako davalac usluga ne naplati boravišnu taksu, dužan je da na svoj teret uplati iznos nenaplaćene boravišne takse.
- (5) Dnevna boravišna taksa iz člana 77. stav (4) ovog zakona iznosi 50% boravišne takse.

Član 80.

(Evidencija boravišne takse)

- (1) Davalac usluga je dužan da u račun za usluge smještaja posebno iskaže iznos boravišne takse, a u slučajevima iz člana 78. st. (1) i (3) ovog zakona da navede osnov oslobođanja od plaćanja boravišne takse, odnosno osnov za plaćanje umanjene takse.
- (2) Davalac usluga vodi evidenciju o uplaćenju boravišnoj taksi u knjizi, odnosno drugoj odgovarajućoj evidenciji i vodi evidenciju o oslobođanju od obaveze plaćanja boravišne takse i umanjenoj boravišnoj taksi.
- (3) Davalac usluga dužan je nadležnoj kantonalnoj inspekciji i Turističkoj zajednici do 15-og u mjesecu za prethodni mjesec dostaviti izvještaj o broju korisnika usluga smještaja i iznosu naplaćene boravišne takse, na obrascu koji propisuje ministar.

Član 81.

(Prijava i odjava turista)

- (1) Davalac usluga koji pruža usluge smještaja u smještajnim objektima iz člana 77. st. (1) i (2) ovog zakona dužan je u roku od 24 sata po dolasku prijaviti i po odlasku odjaviti Turističkoj zajednici sva lica kojima se pruža usluga noćenja u smještajnom objektu.
- (2) Oblik i sadržaj obrasca prijave boravka građana koji se koriste uslugama noćenja u smještajnim objektima, te sadržaj i način vođenja evidencije o boravku građana u smještajnim objektima propisat će ministar.

Član 82.

(Način korištenja i raspoređivanja sredstava boravišne takse)

- (1) Sredstva od naplaćene boravišne takse i dnevne boravišne takse davalac usluga odnosno naplatilac dnevne boravišne takse, dužan je uplatiti na račun Turističke zajednice, prvog radnog dana naredne sedmice za proteklu sedmicu, do donošenja federalnog propisa.
- (2) Turistička zajednica dužna je najmanje 70% ostvarenih sredstava od boravišne takse utrošiti za razvoj i unapređenje turističke ponude Kantona.

Član 83.

(Godišnji program rada i finansijski plan Turističke zajednice)

- (1) Turistička zajednica je obavezna koristiti raspoloživa finansijska sredstva u skladu sa programom rada i finansijskim planom.
- (2) Prijedlog programa rada i prijedlog finansijskog plana za narednu godinu, turističko vijeće podnosi skupštini Turističke zajednice do kraja novembra tekuće godine.
- (3) Skupština je dužna do kraja tekuće godine donijeti program rada i finansijski plan Turističke zajednice za narednu godinu.

Član 84.

(Sadržaj godišnjeg programa rada i finansijskog plana Turističke zajednice)

- (1) Godišnji program rada i finansijski plan Turističke zajednice obavezno sadrže sve pojedinačno utvrđene planirane zadatke i potrebna finansijska sredstva za njihovo izvršenje.
- (2) Prijedlog programa rada i finansijskog plana iz stava (1) ovog člana, obavezno se dostavlja na razmatranje članovima skupštine, osam dana prije održavanja sjednice na kojoj se isti donose.
- (3) Skupština donosi godišnji program rada i finansijski plan Turističke zajednice uz saglasnost Ministarstva.
- (4) Tokom godine, Turistička zajednica može mijenjati i dopunjavati svoj program rada i godišnji finansijski plan.
- (5) Ako tokom godine dođe do odstupanja od utvrđenog programa rada i finansijskog plana Turistička zajednica je dužna donijeti izmjene, odnosno dopune programa rada i finansijskog plana.
- (6) Izmjene programa rada i finansijskog plana iz st. (4) i (5) ovog člana obavljaju se na način i prema postupku kojim se donosi godišnji program rada i finansijski plan.
- (7) Program rada i finansijski plan, kao i eventualne izmjene iz stava (6) ovog člana Turistička zajednica dostavlja Turističkoj zajednici Federacije Bosne i Hercegovine do kraja tekuće godine.

Član 85.

(Godišnji izvještaj o radu i finansijski izvještaj Turističke zajednice)

- (1) Skupština je dužna do kraja maja tekuće godine usvojiti godišnji izvještaj o radu i finansijski izvještaj Turističke zajednice za prethodnu godinu.
- (2) Prijedlog godišnjeg izvještaja o radu i finansijskog izvještaja Turističke zajednice za prethodnu godinu turističko vijeće podnosi skupštini do kraja aprila tekuće godine.

- (3) Godišnji izvještaj o radu i finansijski izvještaj za prethodnu godinu, Turistička zajednica dužna je dostaviti Vladi, putem Ministarstva.
- (4) Godišnji finansijski izvještaj obavezno sadrži sljedeće: podatke o izvršenju programom rada pojedinačno utvrđenih zadataka, izdacima njihovog izvršenja, izdacima za poslovanje turističkog ureda i rad organa Turističke zajednice, ostvarenju prihoda po izvorima, finansijskom rezultatu poslovanja, usporedbu finansijskog plana i njegovog ostvarenja s obrazloženjem odstupanja, analizu i ocjenu izvršenja programa, te procjenu učinka poduzetih aktivnosti na razvoj turizma, kao i nalaz ovlaštene revizorske kuće.
- (5) Prijedlog godišnjeg izvještaja o radu i finansijskog izvještaja dostavlja se članovima skupštine, osam dana prije razmatranja.
- (6) Godišnji izvještaj o radu i finansijski izvještaj za prethodnu godinu Turistička zajednica dostavlja Turističkoj zajednici Federacije Bosne i Hercegovine do kraja aprila tekuće godine.

Član 86.

(Nabavka roba i usluga)

Turistička zajednica je dužna u svom poslovanju obavljati nabavke u skladu sa propisima koji regulišu oblast javnih nabavki.

Član 87.

(Nadzor od strane Ministarstva)

- (1) Ministarstvo obavlja nadzor nad provođenjem odredaba ovog zakona, te drugih propisa kojima se uređuje organizovanje i poslovanje Turističke zajednice.
- (2) U provedbi nadzora Ministarstvo posebno nadzire:
 - a) zakonitost organizacije, rada i postupanja organa Turističke zajednice,
 - b) zakonitost akata,
 - c) izvršavanje zadataka i namjensko trošenje sredstava,
 - d) zakonitost rada i postupanja zaposlenika turističkog ureda Turističke zajednice.

Član 88.

(Provedba nadzora)

- (1) U provedbi nadzora Ministarstvo može zahtijevati izvještaje, podatke, materijale i drugu dokumentaciju od značaja za rad i poslovanje Turističke zajednice.
- (2) Turistička zajednica dužna je omogućiti Ministarstvu provedbu nadzora, te mu dostaviti ili pripremiti tačne i potpune izvještaje, podatke, materijale i drugu dokumentaciju iz stava (1) ovog člana.

Član 89.

(Mjere za otklanjanje uočenih nepravilnosti)

Ako u provedbi nadzora Ministarstvo utvrdi da postoje nezakonitosti ili nepravilnosti u radu i poslovanju Turističke zajednice, poduzet će mjere u svrhu otklanjanja uočenih nezakonitosti ili nepravilnosti, na način da:

- a) naloži mjere koje se moraju poduzeti radi otklanjanja utvrđenih nezakonitosti ili nepravilnosti i odrediti za to primjeren rok,
- b) naloži pokretanje postupka za utvrđivanje odgovornosti voditelja i odgovornog zaposlenika turističkog ureda,
- c) poduzme i druge mjere.

Član 90.

(Raspuštanje skupštine)

- (1) Vlada donosi odluku o raspuštanju skupštine, u slučaju da:
 - a) donosi opće akte suprotno zakonu, statutu ili drugom propisu, ili zbog povreda zakona i drugih propisa,
 - b) ne izabere članove turističkog vijeća u roku od 60 dana od dana konstituiranja, isteka njihovog mandata ili njihova razrješenja, odnosno od dana podnošenja ostavke,

- c) ne donese godišnji program rada i finansijski plan, odnosno godišnji finansijski izvještaj u zakonom utvrđenom roku,
 - d) Turistička zajednica ne ispunjava zadatke zbog kojih je osnovana.
- (2) Protiv rješenja iz stava (1) ovog člana nije dopuštena žalba, već se protiv njega može pokrenuti upravni spor u roku od 30 dana od dana dostavljanja rješenja Turističkoj zajednici.

Član 91.

(Povjerenstvo)

- (1) Kada se raspusti skupština, Vlada će donijeti odluku o imenovanju povjerenstva u Turističkoj zajednici.
- (2) Povjerenstvo osigurava djelovanje Turističke zajednice i izvršavanje zakonom utvrđenih zadataka Turističke zajednice do uspostavljanja novih organa Turističke zajednice, te osigurava otklanjanje razloga zbog kojih je došlo do raspuštanja skupštine.
- (3) Danom dostave odluke o imenovanju povjerenstva Turističkoj zajednici, prestaju s radom svi organi Turističke zajednice a njihove ovlasti preuzima povjerenstvo.
- (4) Povjerenstvo može donositi ili mijenjati akte Turističke zajednice samo ako je to potrebno radi provedbe zakona ili drugog propisa, ili usklađivanja sa zakonom ili drugim propisima.
- (5) Povjerenstvo ne može donositi ili mijenjati program rada ili finansijski plan i ne može raspolagati imovinom Turističke zajednice osim izvršenja isplate tekućih izdataka, te radi izvršenja ranije preuzetih obaveza ili dovršenja ranije započetih poslova.
- (6) Povjerenstvo, uz saglasnost Ministarstva, raspisuje izbore za izbor organa Turističke zajednice.
- (7) Povjerenstvo će u saradnji sa zaposlenicima turističkog ureda i Ministarstva, u skladu sa zakonom i statutom, provesti izbore po općinama u roku od 60 dana.
- (8) Nakon obavljenih radnji iz stava (7) ovog člana, povjerenstvo će pripremiti održavanje skupštine, usvojiti statut, te izvršiti izbor drugih organa Turističke zajednice.
- (9) Nadležni organi će izvršiti kontrolu rada i poslovanja Turističke zajednice u dosadašnjem periodu, te Vladi dostaviti izvještaj o izvršenim kontrolama.

Član 92.

(Razlozi za prestanak postojanja Turističke zajednice)

- (1) Turistička zajednica prestaje postojati na osnovu:
 - a) odluke skupštine o prestanku Turističke zajednice uz saglasnost osnivača,
 - b) Odlukom osnivača o zabrani djelovanja Turističke zajednice.
- (2) Odluku iz stava (1) tačke b) ovog člana, osnivač donosi iz sljedećih razloga:
 - a) ako Turistička zajednica donosi opće akte suprotno zakonu, statutu ili drugom propisu, ili zbog povreda zakona i drugih propisa,
 - b) kada se u Turističkoj zajednici ne održe izbori za novu skupštinu, u skladu sa zakonom i statutom,
 - c) kada se ni u roku od 60 dana od dana provedenih izbora ne konstituiira skupština Turističke zajednice,
 - d) ako ne izvrši mjere koje je naložio osnivač.
- (3) Protiv odluke iz stava (2) ovog člana nije dopuštena žalba, već se protiv iste može pokrenuti upravni spor u roku od 30 dana od dana dostavljanja odluke.

POGLAVLJE VIII. NADZOR

Član 93.

(Nadzor)

- (1) Upravni nadzor nad provođenjem ovog zakona i propisa donesenih na osnovu ovog zakona obavlja Ministarstvo.

- (2) Inspekcijski nadzor u provođenju ovog zakona i propisa donesenih na osnovu ovog zakona, te pojedinačnih akata, uslova i načina rada nadziranih pravnih i fizičkih lica, provodi Kantonalna uprava za inspekcijske poslove putem nadležne tržišno-turističke inspekcije i drugih inspekcija u okviru svoje nadležnosti.
- (3) Pravna i fizička lica čije su prostorije i prostori, uređaji i oprema, odnosno predmeti rada i poslovanja podvrgnuti inspekcijskom nadzoru, obavezni su omogućiti inspektorima nesmetano obavljanje inspekcijskog nadzora.
- (4) Inspekcijski nadzor treba u isto vrijeme biti obavljen tako da ne ometa redovno obavljanje rada i poslovanja.

Član 94.

(Ovlaštenje inspektora)

U provođenju inspekcijskog nadzora nadležni inspektor je ovlašten pregledati: poslovne i druge prostorije u kojima se obavlja turistička djelatnost, opremu, vozila kojima se obavlja turistička djelatnost, poslovne knjige, ugovore, isprave i evidencije i drugu poslovnu dokumentaciju koja mu omogućava uvid u poslovanje pravnih i fizičkih lica koje pružaju turističke usluge, te obaviti i druge radnje u svrhu inspekcijskog nadzora.

Član 95.

(Zabrana rada)

- (1) Kantonalni tržišno-turistički inspektor će donijeti rješenje kojim će zabraniti pružanje turističke usluge ako utvrdi da:
 - a) pravno ili fizičko lice obavlja turističku djelatnost, a da nije upisano u sudski registar, odnosno ne posjeduje rješenje, odnosno odobrenje nadležnog organa,
 - b) pravno ili fizičko lice obavlja turističku djelatnost, a nije pribavilo rješenje da objekat, odnosno poslovni prostor u kojem pruža usluge, udovoljava uslovima propisanim ovim zakonom, ili propisima donesenim na osnovu ovog zakona.
 - c) pravno lice ne posjeduje licencu.
- (2) Žalba na rješenje iz stava (1) ovog člana ne odlaže izvršenje rješenja.
- (3) Ukoliko inspektor, nakon što je rješenje o zabrani rada postalo izvršno, utvrdi da subjekt nadzora, i pored zabrane, obavlja turističku djelatnost, donijet će zaključak o dozvoli izvršenja prinudnim putem.
- (4) Troškovi prinudnog izvršenja kao i troškovi štete nastali prinudnim izvršenjem padaju na teret izvršenika - stranke.

Član 96.

(Mjere za otklanjanje nedostataka)

- (1) Ako su poslovni prostor, uređaji i oprema namijenjeni za obavljanje turističke djelatnosti prestali ispunjavati propisane uslove, po izdatom odobrenju inspektor će, bez odlaganja a najkasnije u roku od osam dana, narediti otklanjanje utvrđenih nedostataka s utvrđenim činjenicama odlučnim za donošenje rješenja, kojim će odrediti rok ne kraći od 30 dana pravnom i fizičkom licu da prilagodi pružanje usluga u skladu sa zakonom.
- (2) Za sve ostale utvrđene nedostatke i nepravilnosti u poslovanju turističkih subjekata, utvrđene na osnovu ovog zakona i propisa donesenih na osnovu ovog zakona, inspektor će postupiti kao u stavu (1) ovog člana.
- (3) Ako nedostaci i nepravilnosti iz st. (1) i (2) ovog člana ne budu otklonjeni u određenom roku, inspektor će zabraniti pružanje turističkih usluga.
- (4) Žalba na rješenje iz st. (1), (2) i (3) ovog člana ne odlaže izvršenje rješenja.

Član 97.

(Nepridržavanje cijena)

Ako inspektor u provedbi inspekcijskog nadzora utvrdi da je kupcu usluge naplaćena ili zaračunata viša cijena od utvrđene, naredit će prodavcu usluge da vrati više naplaćeni iznos

oštećenom kupcu usluge i bez odlaganja izdati prekršajni nalog, odnosno podnijeti zahtjev za pokretanje prekršajnog postupka.

Član 98.

(Saradnja sa drugim organima)

Ako inspektor prilikom obavljanja inspekcijskog nadzora utvrdi nepravilnosti ili nepridržavanje propisa za čiji nadzor nije nadležan, obavijestit će nadležni organ, bez odlaganja, a najkasnije u roku od osam dana.

DIO TREĆI - KAZNENE, PRELAZNE I ZAVRŠNE ODREDBE

POGLAVLJE IX. KAZNENE ODREDBE

Član 99.

- (1) Novčanom kaznom u iznosu od 1.500,00 KM do 15.000,00 KM kaznit će se za prekršaj pravno lice ako:
 - a) pruža usluge putničke agencije, a nije putnička agencija (član 19. stav (1));
 - b) se u prometu nezakonito koristi izrazom "putnička agencija" (član 19. stav (2));
 - c) pruža usluge protivno članu 17. ovog zakona;
 - d) ne ispunjava propisane uslove za pojedinu vrstu putničke agencije ili ne pruža usluge na propisan način, ili ako pruža usluge one vrste putničke agencije za koju ne ispunjava propisane uslove (član 19. stav (2));
 - e) započne sa pružanjem usluga putničke agencije prije nego što je pribavilo rješenje nadležnog organa da je udovoljeno uslovima propisanim zakonom i propisima donesenim na osnovu zakona (član 19. stav (2));
 - f) organizira turističko putovanje prije nego što je pribavilo licencu (član 24.);
 - g) neposredno pruža usluge putniku, a nema poslovnicu ili poslovnica ne udovoljava propisanim uslovima (član 30.);
 - h) ne osigura korištenje uplaćenog aranžmana ili naknadu štete zbog nastalih troškova ili ne osigura garanciju za svaki aranžman kod banke ili osiguravajućeg društva (član 21.);
 - i) putniku prilikom uplate iznosa za aranžman ne izda potvrdu o osiguranju jamčevine, koja mu omogućava neposredno ostvarenje prava na naknadu štete zbog nastalih troškova (član 22.).
- (2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 200,00 KM do 2.000,00 KM.
- (3) Za prekršaje iz stava (1) ovog člana kaznit će se i voditelj poslovnice novčanom kaznom od 150,00 KM do 1.500,00 KM.

Član 100.

- (1) Novčanom kaznom od 500,00 KM do 5.000,00 KM kaznit će se za prekršaj pravno lice ako:
 - a) organizira grupna putovanja, a da tokom cijelog putovanja ne osigura najmanje jednog turističkog pratioca koji ispunjava propisane uslove, za svaku grupu do 75 putnika, ili ako ne osigura stručnog radnika koji je osposobljen za rad u turističkoj djelatnosti, ukoliko ne raspolaže turističkim pratiocem koji ispunjava propisane uslove, ili ako za grupne posjete turističkim mjestima za koja je u programu predviđeno razgledavanje turističkog mjesta ne angažuje turističkog vodiča koji je ovlašten za pružanje usluga turističkog vodiča u tom turističkom mjestu (član 28.),
 - b) za svaki aranžman, odnosno putovanje koje organizira ne izda program, prospekt ili katalog sa uslovima predviđenim ovim zakonom, ili ne uruči iste putniku prije zaključenja ugovora o aranžmanu (član 29.),

- c) pisano ne obavijesti davaoca usluga o turističkom zastupniku, njegovim ovlaštenjima i svim nastalim promjenama (član 42. stav (2)).
 - d) pruža usluge u kongresnom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 52. stav (1));
 - e) pruža usluge u zdravstvenom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 55. stav (1));
 - f) pruža usluge u avanturističkom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga izdatog od strane nadležnog organa (član 59. stav (1));
 - g) za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.), organizator i/ili lica koja ih izvode ne izvrše procjenu rizika i nemaju donesen elaborat spašavanja (član 57. stav (4));
 - h) pruža usluge u avanturističkom turizmu, a ne ispunjava propisane obaveze (član 58. stav (1));
 - i) pruža usluge u avanturističkom turizmu licima mladim od 18 godina bez pismene saglasnosti roditelja odnosno staratelja, ukoliko roditelj, odnosno staratelj nije prisutan (član 58. stav (2)).
- (2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 100,00 KM do 1.000,00 KM.
- (3) Za prekršaje iz stava (1) ovog člana kaznit će se i voditelj poslovnice novčanom kaznom od 70,00 KM do 700,00 KM.

Član 101.

- Novčanom kaznom u iznosu od 100,00 KM do 1.000,00 KM kaznit će se za prekršaj fizičko lice ako:
- a) bez odobrenja nadležnog organa obavlja poslove turističkog vodiča (član 35.);
 - b) pri obavljanju poslova turističkog vodiča nema iskaznicu turističkog vodiča ili koji iskaznicu turističkog vodiča ne nosi na vidljivom mjestu (član 39.);
 - c) pruža usluge turističkog pratioca, a ne ispunjava propisane uslove (član 40.);
 - d) pruža usluge turističkog animatora, a ne ispunjava propisane uslove (član 41.);
 - e) pruža usluge u seoskom turizmu, a ne ispunjava uslove propisane ovim zakonom i drugim propisima (čl. 46., 47. i 48.);
 - f) pruža usluge u zdravstvenom turizmu iz člana 53. ovog zakona bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 55. stav (1));
 - g) pruža usluge iz člana 57. stav (1) ovog zakona (treneri, instruktori, učitelji, voditelji, vodiči i sl.), bez odgovarajuće licence/dozvole nadležnih institucija ili udruženja, kojim se utvrđuje sposobnost i nivo vještine obavljanja aktivnosti (član 57. stav (3)).

Član 102.

- Novčanom kaznom za nepostupanje po rješenju inspektora kaznit će se:
- a) pravno lice novčanom kaznom od 500,00 KM do 1.500,00 KM;
 - b) odgovorno lice u pravnom licu novčanom kaznom od 200,00 KM do 500,00 KM;
 - c) fizičko lice novčanom kaznom od 300,00 KM do 500,00 KM.

Član 103.

Za prekršaje utvrđene u čl. 99., 100. i 101. ovog zakona, ako se ponove u roku od jedne godine od pravosnažnosti rješenja o

prekršaju, uz novčanu kaznu sud može izreći i zaštitnu mjeru pravnom i fizičkom licu zabrane obavljanja turističke djelatnosti u trajanju do šest mjeseci.

Član 104.

- (1) Novčanom kaznom u iznosu od 2.000,00 KM do 5.000,00 KM kaznit će se za prekršaj Turistička zajednica ako:
- a) započne obavljati djelatnost prije nego što je upisana u sudski registar (član 62. stav (2));
 - b) ne prijavi promjenu upisanih podataka (član 62. stav (3));
 - c) donese statut i/ili izmjene i dopune statuta bez prethodne saglasnosti (član 65. stav (3));
 - d) ne objavi statut ili njegove izmjene i dopune (član 65. stav (5));
 - e) zaposleni u turističkom uredu ne ispunjavaju uslove propisane pravilnikom iz člana 72. stav (3);
 - f) ne ostvaruje zakonom utvrđene zadatke (član 61.);
 - g) ne koristi finansijska sredstva u skladu s programom rada i finansijskim planu (član 83. stav (1));
 - h) ne donese godišnji program rada i finansijski plan na propisan način (čl. 83. i 84.);
 - i) ne donese godišnji izvještaj o radu i finansijski izvještaj na propisan način (član 85. stav (1));
 - j) ne omogući Ministarstvu provedbu nadzora ili mu ne dostavi ili ne pripremi tačne i potpune izvještaje, podatke i druge materijale i obavijesti (član 88. stav (2));
 - k) ne otkloni nepravilnosti i nezakonitosti utvrđene nadzorom (član 89.).
- (2) Za prekršaje iz stava (1) ovog člana kaznit će se novčanom kaznom u iznosu od 500,00 KM do 2.500,00 KM i odgovorno lice u Turističkoj zajednici.

Član 105.

- (1) Novčanom kaznom od 3.000,00 KM do 10.000,00 KM kazniće se za prekršaj pravno lice koje pruža usluge smještaja, ako:
- a) ne naplati boravišnu taksu istovremeno sa naplatom usluge (član 79. stav (3));
 - b) u računu posebno ne iskaže iznos boravišne takse ili ne navede osnov oslobođanja od njenog plaćanja (član 80. stav (1));
 - c) ne vodi ili netačno vodi evidenciju korisnika usluga smještaja (član 80. stav (2));
 - d) u propisanom roku ne podnese nadležnom organu izvještaj o broju korisnika usluge smještaja i iznosu naplaćene boravišne takse (član 80. stav (3));
 - e) ne vrši prijavu i odjavu turista na propisan način (član 81. stav (1));
 - f) sredstva od naplaćene boravišne takse ne uplati u propisanom roku (član 82. stav (1)).
- (2) Za prekršaj iz stava (1) ovog člana kazniće se odgovorno lice u pravnom licu novčanom kaznom od 500,00 KM do 2.500,00 KM.
- (3) Za prekršaj iz stava (1) ovog člana kaznit će se fizičko lice koje pruža usluge smještaja novčanom kaznom od 2.000,00 KM do 5.000,00 KM.

POGLAVLJE X. PRELAZNE I ZAVRŠNE ODREDBE

Član 106.

Do donošenja odluke Vlade o visini boravišne takse, visina boravišne takse na području Kantona obračunava se, naplaćuje i uplaćuje u iznosu od 2,00 KM.

Član 107.

Podzakonske akte i obrasce iz ovog zakona donijet će ministar u roku od šest mjeseci od dana stupanja na snagu ovog zakona.

Član 108.

Danom upisa u sudski registar Turističke zajednice Kantona Sarajevo prestaje sa radom Turistička zajednica Kantona Sarajevo za čije osnivanje je Skupština Kantona Sarajevo pokrenula postupak Odlukom o pokretanju postupka za osnivanje Turističke zajednice Kantona Sarajevo ("Službene novine Kantona Sarajevo" broj 22/97) i briše se iz Upisnika koji se vodi kod Federalnog ministarstva okoliša i turizma.

Član 109.

- (1) Danom početka rada Turističke zajednice Kantona Sarajevo, preužeće se zaposlenici, arhiva i dokumentacija i sredstva rada, kao i prava i obaveze Turističke zajednice koja prestaje sa radom.
- (2) Nezavisna revizorska kuća će izvršiti reviziju finansijskog poslovanja i utvrditi finansijsko stanje Turističke zajednice koja prestaje sa radom.

Član 110.

Postupci koji su pokrenuti prije stupanja na snagu ovog zakona dovršit će se u skladu s propisima koji su važili do dana stupanja na snagu ovog zakona.

Član 111.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-15540/16
27. aprila 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2016. godinu ("Službene novine Kantona Sarajevo", broj 1/16), po zahtjevu Kabineta premijera, Ministar finansija donosi sljedeću

ODLUKU

**O PRERASPODJELI SREDSTAVA U BUDŽETU
KANTONA SARAJEVO ZA 2016. GODINU ZA
BUDŽETSKOG KORISNIKA KABINET PREMIJERA**

1. Odobrava se preraspodjela sredstava u Budžetu Kantona Sarajevo za 2016. godinu u iznosu 37.000,00 KM u razdjelu 11010001 Kabinet premijera i to:

Raz.	Glava	Potr. jed.	Ekonom. kod	Sub-analitika	OPIS	Iznos
					Sa ekonomskih kodova	
11	01	0001	614300	BAN003 011F	Ured za koordinaciju i razvoj KS pri S.Evr.reg i EU u Briselu	-30.000
11	01	0001	614300	BAN005 011F	Sufinansiranje projekta civilnog društva u saradnji sa Američkom ambasadom i Američko-Bosanskom fondacijom i Evropskim pokretom u BiH	-7.000
					Na ekonomskim kodovima	
11	01	0001	614300	011F	Transferi neprofitnim organizacijama	30.000
11	01	0001	614300	BAN008 011F	Naknada Timu za monitoring i koordinaciju Akcionog plana za borbu protiv korupcije Vlade KS 2015-2019	7.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-13569/16
22. aprila 2016. godine
Sarajevo

Ministar
Jasmin Halebić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2016. godinu ("Službene novine Kantona Sarajevo", broj 1/16), po zahtjevu Press službe, Ministar finansija donosi sljedeću

ODLUKU

**O PRERASPODJELI SREDSTAVA U BUDŽETU
KANTONA SARAJEVO ZA 2016. GODINU ZA
BUDŽETSKOG KORISNIKA PRESS SLUŽBA**

1. Odobrava se preraspodjela sredstava u Budžetu Kantona Sarajevo za 2016. godinu u iznosu 400,00 KM u razdjelu 11070001 Press služba i to:

Raz.	Glava	Potr. jed.	Ekonom. kod	Funkcija	OPIS	Iznos
11	07	0001			PRESS SLUŽBA	
					Sa ekonomskog koda (budžetska sredstva)	
11	07	0001	613900	011	Ugovorne i druge posebne usluge	400,00
					Na ekonomski kod (budžetska sredstva)	
11	07	0001	613100	011	Putni troškovi	400,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-12387/16
29. aprila 2016. godine
Sarajevo

Ministar
Jasmin Halebić, s. r.

Ministarstvo za obrazovanje, nauku i mlade

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 39. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11, 15/13 i 01/16) i člana 40. Zakona o srednjem obrazovanju ("Službene novine Kantona Sarajevo", broj 23/10 i 01/16), ministar za obrazovanje, nauku i mlade donosi

PRAVILNIK

**O IZMJENAMA I DOPUNAMA PRAVILNIKA O
ORGANIZACIJI I REALIZACIJI IZLETA, STUDIJSKIH
POSJETA, EKSKURZIJA, KAMPOVANJA/
LOGOROVANJA, DRUŠTVENO/KORISNOG RADA,
ŠKOLE U PRIRODI I DRUGIH OBLIKA
ODGOJNO-OBRAZOVNOG RADA U OSNOVNOJ I
SREDNJOJ ŠKOLI**

Član 1.

U članu 14. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno-korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj 36/10 i 04/11) iza riječi "realizuje se na teritoriji Kantona Sarajevo" dodaju se riječi "i objektima u inostranstvu koji su vlasništvo Kantona Sarajevo".

Član 2.

U članu 27. stav (1) mijenja se i glasi:

"(1) Ekskurzije učenika osnovnih škola realizuju se u Bosni i Hercegovini i objektima u inostranstvu koji su vlasništvo Kantona Sarajevo.

Član 3.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11/01-02-16588
04. maja 2016. godine
Sarajevo

Ministar
Prof. dr. Elvir Kazazović, s. r.

II

Amandmani L do LVII na Ustav Kantona Sarajevo čine sastavni dio Ustava Kantona Sarajevo.

III

Amandmani L do LVII na Ustav Kantona Sarajevo stupaju na snagu u ponoć dana 31.07. 2017. godine, kada ih je usvojila Skupština Kantona Sarajevo.

IV

Amandmani L do LVII na Ustav Kantona Sarajevo i ova odluka objaviće se u "Službenim novinama Kantona Sarajevo".

Broj 01-05-25013/17
31. jula 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 12. stav (1) tačka k) člana 13. stav (1) tačka h) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 31.07.2017. godine, donijela je

ZAKON**O IZMJENAMA I DOPUNAMA ZAKONA O TURIZMU**

Član 1.

(Dopuna člana 63.)

U Zakonu o turizmu ("Službene novine Kantona Sarajevo", broj 19/16) u članu 63. u stavu (8) iza tačke na kraju teksta dodaje se nova rečenica koja glasi: "O zahtjevu za dobrovoljno članstvo odlučuje Skupština Turističke zajednice."

Član 2.

(Izmjena člana 67.)

- (1) U članu 67. u stavu (5) dodaje se nova alineja e) koja glasi: "e) donosi odluku o prijemu u dobrovoljno članstvo,"
- (2) dosadašnje alineje e) do j) postaju alineje f) do k).

Član 3.

(Izmjena člana 70.)

U članu 70. stav 4. mijenja se i glasi:

- (4) Turističko vijeće ima predsjednika i šest članova. Članovi turističkog vijeća koje bira skupština biraju se iz reda uglednih stručnjaka iz oblasti turizma, finansija ili prava a mogu biti birani i iz reda članova Turističke zajednice. Jednog člana turističkog vijeća delegira Ministarstvo.

Član 4.

(Izmjena člana 76.)

Član 76. mijenja se i glasi:

Član 76.

(Finansiranje Turističke zajednice)

- (1) Prihodi Turističke zajednice su:
 - a) prihodi od boravišne takse,
 - b) članarine,
 - c) prihodi od obavljanja djelatnosti iz člana 61. stav (2) ovog zakona.
- (2) Osim prihoda iz stava (1) ovog člana Turistička zajednica može ostvarivati prihode i iz:
 - a) Budžeta Kantona, budžeta jedinica lokalne samouprave, na osnovu posebnih programa,
 - b) dobrovoljnih priloga i darova,
 - c) drugih izvora.
- (3) Turistička zajednica se može, na osnovu posebne odluke turističkog vijeća, finansijski zaduživati u cilju realizacije programa rada i finansijskog plana, ali ukupna vrijednost zaduženja ne smije prelaziti 25% finansijskim planom predviđenih prihoda.

Član 5.

(Dopuna člana 77.)

U članu 77. iza stava (5) dodaje se stav (6) koji glasi:

- (6) Za vrijeme održavanja festivala u Kantonu Sarajevo, može se utvrditi Festivalna boravišna taksa. Festivalnu boravišnu taksu, visinu i način naplate festivalne boravišne takse utvrđuje Vlada posebnom odlukom.

Član 6.

(Izmjena i dopuna člana 82.)

- (1) U članu 82. u stavu (1) riječi "račun Turističke zajednice" zamjenjuju se riječima: "depozitni račun Kantona Sarajevo".
- (2) Iza stava (1) dodaje se novi stav (2) koji glasi: "(2) Sredstva od boravišne takse iz stava (1) ovog člana koja su uplaćena na depozitni račun Kantona Sarajevo raspoređuju se na račun Turističke zajednice."
- (3) Dosadašnji stav (2) postaje stav (3).

Član 7.

(Novi čl. 82 a., 82 b., 82 c. i 82 d.)

Iza člana 82. dodaju se čl. 82 a., 82 b., 82 c. i 82 d. koji glase:

"Član 82 a.

(Članarina)

Članarinu Turističkoj zajednici dužni su plaćati obavezni i dobrovoljni članovi Turističke zajednice iz člana 63. stav (2) i (8) ovog zakona.

Član 82 b.

(Visina članarine)

- (1) Visina članarine koju plaćaju članovi Turističke zajednice zavisi od pravnog statusa obveznika (fizičko ili pravno lice).
- (2) Zavisno od pravnog statusa obveznici plaćanja plaćaju članarinu po sljedećim procentima:

Pravno lice	0,05%
Fizičko lice	0,025%

Član 82 c.

(Osnovica za obračun članarine)

- (1) Osnovica za obračun članarine pravnom licu je ukupan prihod ostvaren u djelatnostima utvrđenim u smislu člana 63. stav (3) ovog zakona. Ukupan prihod u smislu ovog zakona, čine svi prihodi koje je pravno lice dužno iskazati u računu dobiti i gubitka u skladu sa propisima o računovodstvu.
- (2) Osnovica iz stava (1) ovog člana utvrđuje se pojedinačno za svaku poslovnu jedinicu, odnosno organizacioni dio izvan sjedišta pravnog lica.
- (3) Prilikom obračuna članarine osnovica iz stava (1) ovog člana utvrđuje se tako da se ukupan prihod pravnog lica umanjuje za ukupan prihod ostvaren u poslovnim jedinicama.
- (4) Osnovica za obračun članarine fizičkog lica je ukupan prihod ostvaren u djelatnostima utvrđenim u smislu člana 63. stav (3) ovog zakona.

Član 82 d.

(Način plaćanja članarine)

- (1) Pravna i fizička lica članarinu plaćaju Turističkoj zajednici.
- (2) Pravna i fizička lica uplaćuju akontaciju članarine do 15.-og u mjesecu za prethodni mjesec na depozitni račun Kantona Sarajevo. Obaveznik čiji godišnji iznos članarine prelazi 300 KM u odnosu na visinu obračunate članarine iz prethodne godine, akontaciju plaćaju mjesečno, a obaveznik koji plaća godišnju članarinu manju od 300 KM dužan je članarinu uplaćivati tromjesečno.
- (3) Sredstva od članarine iz stava (2) ovog člana koja su uplaćena na depozitni račun Kantona Sarajevo raspoređuju se na račun Turističke zajednice.
- (4) Uz dokaz o uplati članarine obveznici su dužni Turističkoj zajednici dostaviti i obrazac obračuna članarine iz kojeg je jasno vidljivo u kojoj općini obaveznik ima sjedište/prebivalište, odnosno u kojoj mu je izdato odobrenje za obavljanje djelatnosti.

- (5) Izgled i sadržaj Obrasca iz stava (3) ovog člana propisat će ministar."

Član 8.

(Brisanje stava (7) člana 84.)

U članu 84., briše se stav (7).

Član 9.

(Brisanje stava (6) člana 85.)

U članu 85., briše se stav (6).

Član 10.

(Novi član 105 a.)

Iza člana 105., dodaje se član 105 a. koji glasi:

"Član 105 a.

- (1) Novčanom kaznom u iznosu od 700,00 KM do 7.000,00 KM kaznit će se za prekršaj pravno lice ako:
- a) u propisanom roku ne uplati članarinu (član 82 d. stav (2)),
- (2) Novčanom kaznom u iznosu od 200,00 KM do 2.000,00 KM kaznit će se za prekršaj iz stava (1) ovog člana i odgovorno lice u pravnom licu.
- (3) Novčanom kaznom u iznosu od 100,00 do 1.000,00 KM, kaznit će se fizičko lice za prekršaj iz stava (1) ovog člana."

Član 11.

(Brisanje člana 108.)

Član 108., briše se.

Član 12.

(Brisanje člana 109.)

Član 109., briše se.

Član 13.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-25014/17

31. jula 2017. godine

Sarajevo

Predsjedateljica

Skupštine Kantona Sarajevo

Prof. Ana Babić, s. r.

Na osnovu čl. 13. stav (1) tačka c) i 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 144. stav (2) Zakona o zaštiti prirode ("Službene novine Federacije BiH", broj 66/13), Skupština Kantona Sarajevo, na sjednici održanoj dana 31.07. 2017. godine, donijela je

ZAKON

**O PROGLAŠENJU ZAŠTIĆENOG PEJZAŽA
"BENTBAŠA"**

Član 1.

(Predmet Zakona)

Ovim zakonom proglašava se Zaštićeni pejzaž "Bentbaša" (u daljem tekstu: Zaštićeni pejzaž), utvrđuje kategorija zaštićene prirodne vrijednosti, precizno opis granica prostornog obuhvata zaštićenog područja, naziv mjerila kartografskog prikaza i kartografski prikaz sa precizno opisanim granicama prostornog obuhvata.

Član 2.

(Kategorija zaštićenog područja)

Zaštićeno područje spada u kategoriju V a) Zaštićeni pejzaž (Kopneni pejzaž).

Član 3.

(Granice obuhvata Zaštićenog pejzaža)

Opis granica ukupnog obuhvata:

Granica obuhvata počinje od tromede parcela k.č. 209, 223/1 i 25471/1, zatim produžava u pravcu sjeveroistoka idući međom parcele k.č. 25471/1 K.O. Sarajevo II (obuhvata je) i izlazi na Nevjestinu ulicu k.č. 2548/1 koju presjeca i nastavlja u pravcu

istoka, te juga idući međom parcele k.č. 2557 (obuhvata je), zatim nastavlja u pravcu juga idući istočnom međom parcele 2556 (obuhvata je) i dolazi do tromede parcela k.č. 2555, 2554 i 2556. Granica produžava na jugozapad sječući u pravoj liniji parcelu k.č. 2556 i dolazi na sjeveroistočni rub parcele k.č. 2550, nastavlja na jugozapad idući sjevernim međama parcela k.č. 2550 i 2549/1 K.O. Sarajevo II koje ne obuhvata i ponovo izlazi na Nevjestinu ulicu k.č. 2548/1 kojom nastavlja u pravcu juga (ne obuhvata je), i dolazi do iznad ulaza u tunel "Vratnik", produžava na jug, te jugozapad sječući parcele k.č. 3404, 3405 i 3403 i dolazi do tromede parcela k.č. 3402, 3403 i 3406 K.O. Sarajevo II. Granica produžava na jugistok idući putem k.č. 3402 i izlazi na stari put za Pale k.č. 3444, kojim nastavlja na istok i dolazi do tunela na starom putu za Pale zvanom "Babin zub". Od izlaza iz tunela granica obuhvata nastavlja u pravcu sjevera sječući u pravoj liniji parcele k.č. 3256/2 i 3256/1 i dolazi do tromede parcela k.č. 3274, 3276 i 3256/1, nastavlja u pravcu sjeveroistoka idući međama parcela k.č. 3256/1 i 3279 (obuhvata ih), ide u pravcu istoka, te juga sjevernom odnosno istočnom međom parcele k.č. 3279 (obuhvata je), nastavlja u pravcu istoka te sjevera idući južnom odnosno istočnom međom parcele k.č. 3255 K.O. Sarajevo II koju ne obuhvata, nastavlja u pravcu sjevera idući zapadnim međama parcela k.č. 708, 707/1 i 707/2 K.O. Vasin Han (obuhvata ih) i izlazi na put k.č. 706, kojim nastavlja na jugoistok u dužini od cca 72 m, skreće na sjeveroistok idući preko parcela k.č. 705, 608 i 615/1 K.O. Vasin Han i dolazi do jugoistočnog ruba parcele k.č. 615/2, produžava u pravcu sjeveroistoka idući međama parcela k.č. 615/1, 617 i 608 K.O. Vasin Han (obuhvata ih) i izlazi na ulicu Višegradska kapija k.č. 951 kojom produžava na sjeveroistok (ne obuhvata je), skreće na jugoistok idući međom između parcela k.č. 621 sa lijeve i 608 (obuhvata je) sa desne strane, presjeca ulicu Sarajevskih gazija k.č. 950 i izlazi na rijeku Moščanicu k.č. 954 čijom lijevom stranom nizvodno produžava u pravcu juga i dolazi do tromede parcela k.č. 954 (rijeka Moščanica), 607 i 743 KO. Vasin Han, produžava u pravcu istoka idući u pravoj liniji preko parcela k.č. 607, 606 i 740 i dolazi do tačke br. 1, koja se nalazi na parceli k.č. 740, a ima koordinate y=6536610, x=4857607 produžava u pravcu jugoistoka u blagom luku, te dolazi do tačke br. 2 koja se nalazi na parceli k.č. 740, a ima koordinate y=6536643, x=4857545. Granica potom nastavlja u pravcu istoka, te dolazi na jugozapadni rub parcele k.č. 754, produžava u istom pravcu idući preko parcele k.č. 755 i izlazi na trasu projektovanog puta kojom produžava na jugoistok idući preko parcela k.č. 155, 756, 760, 764, izlazi na ulicu Obhoda k.č. 952 kojom produžava na jugoistok (ne obuhvata je), lomi se idući na sjeveroistok međama parcela k.č. 859, 860 i 863 (obuhvata ih) i izlazi na put k.č. 953 K.O. Vasin Han, kojim produžava na jugoistok (obuhvata ga) i dolazi do tromede parcela k.č. 953 K.O. Vasin Han, 773 i 783 K.O. Hreša. Granica obuhvata produžava u pravcu sjeveroistoka te istoka idući međama parcela k.č. 783, 781, 782, 784, 793, 794, 792 i 818 (obuhvata ih), nastavlja na istok idući putem k.č. 805 (obuhvata ga), zatim na jug idući međama parcela k.č. 814, 811, 810, 809 (obuhvata ih) i dolazi do tromede parcela k.č. 809, 1005 i 827, potom produžava na sjever idući putem k.č. 1005 (ne obuhvata ga) i dolazi u tačku br. 3 koja se nalazi na graničnoj liniji između entiteta, a ima koordinate y=6537950, x=4856834, potom produžava na jug idući graničnom linijom između entiteta i dolazi u tačku br. 4 sa koordinatama y=6537746, x=4855753, koja se nalazi na parceli k.č. 548. Granica produžava na sjeverozapad idući trasom napuštene pruge Sarajevo - Višegrad k.č. 548 KO. Dovlići i 858 K.O. Jarčedoli (obuhvata je) i dolazi u tačku br. 5 koja se nalazi na medi između parcela k.č. 155 i 548, a ima koordinate y=6537196, x=4856346. Granica nastavlja na jug idući preko parcela k.č. 155, 482 (koordinate prelomnih tačaka: br. 3 y=6537168, x=4856305; br. 4 y=6537217, x=4856278; br. 5 y=6537238, x=4856214; br. 6 y=6537226, x=4856200; br. 7 y=6537238, x=4856141; br. 8 y=6537223, x=4856123; br. 9 y=6537218, x=4856105; br. 10 y=6537213, x=4856100) i dolazi u tromedu

OPĆINA ILIJAŠ

Općinski načelnik

Na osnovu člana 15. Odluke o izvršavanju Budžeta Općine Ilijaš za 2017. godinu ("Službene novine Kantona Sarajevo", br. 3/17), te člana 107. Statuta općine Ilijaš - Prečišćeni tekst ("Službene novine Kantona Sarajevo", br. 20/09), Općinski načelnik donosi

ODLUKU

O PRESTRUKTURIRANJU RASHODA U BUDŽETU
OPĆINE ILIJAŠ ZA 2017. GODINU

I

Odobrava se prestrukturiranje rashoda na razdjelu budžetskog korisnika Jedinstveni općinski organ uprave, unutar Plana razvojnih programa, na sljedećim budžetskim pozicijama:

- smanjuju se sredstva na budžetskoj poziciji:
"124/615211 - Kapitalni transferi pojedincima - projekat sufinansiranja sanacije i utopljanja zgrada kolektivnog stanovanja" - u iznosu od 20.000,00 KM,
- a povećavaju sredstva na budžetskoj poziciji:
"124/615211 - Kapitalni transferi pojedincima - projekat sanacija krovova na zgradama kolektivnog stanovanja - dvije zgrade" - u iznosu od 20.000,00 KM.

tako da će ove pozicije u Budžetu Općine Ilijaš za 2017. godinu iznositi:

124/615211 - Kapitalni transferi pojedincima - projekat sufinansiranja sanacije i utopljanja zgrada kolektivnog stanovanja	30.000,00 KM
124/615211 - Kapitalni transferi pojedincima - projekat sanacija krovova na zgradama kolektivnog stanovanja - dvije zgrade	60.000,00 KM

II

Za realizaciju ove Odluke zadužuje se Služba za privredu i finansije.

III

Odobreno prestrukturiranje postaje sastavni dio Budžeta Općine Ilijaš za 2017. godinu.

IV

Ova odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 04/3-14-1961/17

16. augusta 2017. godine
Ilijaš

Općinski načelnik
Akif Fazlić, s. r.

ISPRAVKE

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13, 47/13, 47/15, 48/16), Sekretar Skupštine Kantona Sarajevo, nakon podnesenog zahtjeva za ispravku štamparske greške, te savjetovanja sa izvorikom, u Zakonu o izmjenama i dopunama Zakona o turizmu ("Službene novine Kantona Sarajevo", broj 31/17), daje sljedeću

članu 82d. u stavu (5) umjesto riječi: "stava (3)" treba da stoje riječi: "stava (4)".

2. Ovu ispravku objaviti u "Službenim novinama Kantona Sarajevo".

Broj 01-02-25014-1/17
24. augusta 2017. godine
Sarajevo

Po ovlaštenju
Sekretar
Almira Kulovac-Šetkić

ISPRAVKU

ZAKONA O IZMJENAMA I DOPUNAMA ZAKONA O
TURIZMU ("SLUŽBENE NOVINE KANTONA
SARAJEVO", BROJ 31/17)

1. U članu 7. Zakona o izmjenama i dopunama Zakona o turizmu ("Službene novine Kantona Sarajevo", broj 31/17) u novom

SLUŽBENE OBJAVE

UDRUŽENJA - FONDACIJE

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "BUKA", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "BUKA". Skraćeni naziv je: "BUKA", sa sjedištem na Ilidža, ulica ILIRSKA broj 46.
2. Upis je izvršen pod registarskim brojem 2275. knjiga V registra udruženja, dana 17.08.2017. godine.
3. Programski ciljevi i zadaci Udruženja su: koordinacija i učešće na implementaciji aktuelnih naučnih, kulturnih projekata na području Kantona Sarajevo i široj regiji u oblasti nauke,

obrazovanja, edukacije, kulture, sporta, tehnike, građevinarstva, ekologije, humanitarnih aktivnosti itd.; pružanje pomoći u doprinosu razvoja sporta, kulture, umjetnosti, odgoja, obrazovanja, volonterstva i drugih sfera života od interesa za građane Kantona Sarajevo, a u skladu sa Zakonom; pružanje edukativne pomoći mladim članovima udruženja i drugim zainteresovanim pojedincima, o aktualnim pitanjima u oblasti nauke, obrazovanja, edukacije, kulture, sporta, tehnike, građevinarstva, ekologije, humanitarnog rada itd.; razvoj i popularizacija nauke i struke u Kantonu Sarajevo i Bosni i Hercegovini; saradnja sa naučnim ustanovama, visokoškolskim ustanovama, stručnim udruženjima i drugim organizacijama u zemlji i inostranstvu koje imaju slične ciljeve i obavljaju slične djelatnosti; pružanje pomoć pri razvoju kreativnosti pojedinaca i društvenih grupa; istupanje u javnosti u namjeri propagiranja svojih ciljeva; pružanje konsultantskih usluga; proširivanje članstva; da svojim članovima i ostalim zainteresovanim licima pruža savjetodavnu pomoć u oblasti



SLUŽBENE NOVINE

KANTONA SARAJEVO

Godina XXVI - Broj 13

Četvrtak, 1. 4. 2021. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 12. stav (1) tačka k), člana 13. stav (1) tačka h) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na XIX Hitnoj sjednici održanoj dana 30.03.2021. godine, donijela je

ZAKON O DOPUNI ZAKONA O TURIZMU

Član 1.

(Dopuna člana 82 b.)

U Zakonu o turizmu ("Službene novine Kantona Sarajevo", br. 19/16, 31/17 i 34/17 - Ispravka) u članu 82 b. iza stava (2) dodaju se novi st. (3) i (4), koji glase:

- "(3) Članarina iz stava (2) ovog člana plaća se umanjena za 50% za kalendarsku 2021. godinu.
- (4) Ministar će najkasnije u roku od deset dana od dana stupanja na snagu ovog zakona pravilnikom iz člana 63. stav (3) Zakona utvrditi djelatnosti na koje se primjenjuje stav (3) ovog člana."

Član 2.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-14402/21
30. marta 2021. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 37. i 117. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20), Skupština Kantona Sarajevo, na 33. Radnoj sjednici održanoj dana 24.03.2021. godine, donijela je

ODLUKU

O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

I

U Odluci o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo ("Službene novine Kantona Sarajevo", br. 10/20, 34/20 i 50/20), tačka 2. mijenja se i glasi:

2. Zakonodavno-pravna komisija:

1. Aljoša Čampara, predsjedavajući (Samostalni zastupnik),
2. Samir Suljević, zamjenik predsjedavajućeg (SDP),
3. Haris Zahiragić, član (SDA),
4. Vildana Bešlija, član (NS),
5. Sakib Kasapović, (NiP - vanjski član),
6. Alma Hasanbegović, (NS - vanjski član),
7. Mirsad Dupovac, (SDP - vanjski član).

Tačka 17. mijenja se i glasi:

17. Komisija za sigurnost:

1. Elvedin Okerić, predsjedavajući (NiP),
2. Vitor Handžić, zamjenik predsjedavajućeg (NS),
3. Aljoša Čampara, (Samostalni zastupnik),
4. Igor Stojanović, član (SDP),
5. Faik Špago, (NiP - vanjski član),
6. Redžo Lemezan, (NS - vanjski član),
7. Muhamed Budimlić, (SDP - vanjski član).

II



U ostalom dijelu Odluka ostaje nepromijenjena.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-12611/21
24. marta 2021. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.



SLUŽBENE NOVINE
KANTONA SARAJEVO

Broj 41 – Strana 14

Petak, 21. septembra 2012.

Na osnovu čl. 113. i 223. Poslovnika Skupštine Kantona Sarajevo ("Službene novine Kantona Sarajevo" - Novi prečišćen tekst, broj 25/10 i br. 14/11, 19/11 i 7/12), Skupština Kantona Sarajevo, na sjednici održanoj dana 21.09.2012. godine, povodom razmatranja prijedloga za glasanje o nepovjerenju Vladi Kantona Sarajevo, donijela je slijedeću

ODLUKU

I

Skupština Kantona Sarajevo, je većinom glasova od izabranih poslanika/zastupnika u Skupštini Kantona Sarajevo, izglasala Odluku o nepovjerenju Vlade Kantona Sarajevo.

II

Ova Odluka stupa na snagu danom donošenja, a objaviće se u "Službenim novinama Kantona Sarajevo".

Broj 01-05-25684/12 Predsjedavajuća
21. septembra 2012. godine Skupštine Kantona Sarajevo
Sarajevo Prof. dr. **Mirjana Malić**, s. r.

**Zakonodavno-pravna komisija
Skupštine Kantona Sarajevo**

Na osnovu člana 172, 175. i 176. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) Zakonodavno-pravna komisija Skupštine Kantona Sarajevo na sjednici od 17.09.2012. godine, utvrdila je Drugi novi prečišćeni tekst Poslovnika Skupštine Kantona Sarajevo.

Drugi novi prečišćeni tekst Poslovnika Skupštine Kantona Sarajevo obuhvata Poslovnik Skupštine Kantona Sarajevo-Novu prečišćeni tekst ("Službene novine Kantona Sarajevo", broj 25/10), Odluku o dopuni Poslovnika Skupštine Kantona Sarajevo ("Službene novine Kantona Sarajevo", broj 14/11), Odluke o izmjenama i dopunama Poslovnika Skupštine Kantona Sarajevo ("Službene novine Kantona Sarajevo", broj 19/11, 7/12, 26/12) u kojima je označen dan stupanja na snagu tih odluka.

Broj 01-05-24830/12 Predsjedavajući
17. septembra 2012. godine Zakonodavno-pravne komisije
Sarajevo **Amir Zukić**, s. r.

**POSLOVNIK
SKUPŠTINE KANTONA SARAJEVO
DRUGI NOVI PREČIŠĆENI TEKST**

I - OPĆE ODREDBE

Član 1.

Skupština Kantona Sarajevo (u daljnjem tekstu: Skupština) konstituise se, organizuje i radi u skladu sa Ustavom, zakonom i Poslovnikom Skupštine Kantona Sarajevo.

Član 2.

Poslovnikom Skupštine Kantona Sarajevo (u daljnjem tekstu: Poslovnik) uređuju se:

- konstituisanje i unutrašnja organizacija Skupštine;
- način rada Skupštine;
- dužnosti i prava poslanika/zastupnika u Skupštini;
- javnost rada Skupštine;
- akta Skupštine;
- izbori, imenovanja, potvrđivanja, smjenjivanja i razrješenja iz nadležnosti Skupštine;
- odnos Skupštine prema Vladi (u daljem tekstu: Vlada);

- odnos Skupštine prema političkim strankama i udruženjima građana;
- saradnja sa Gradskim vijećem i Domom naroda Parlamenta Federacije BiH;
- saradnja Skupštine sa općinskim vijećima; i
- druga pitanja od značaja za rad Skupštine.

Član 3.

Ako neko pitanje organizacije i rada Skupštine nije uređeno Poslovnikom, uređiće se zaključkom Skupštine, na sjednici.

Zaključak iz prethodnog stava primjenjuje se od dana donošenja.

Zaključak iz stava 1. ovog člana ne može biti u suprotnosti sa načelima i odredbama Poslovnika.

Član 4.

Sjedište Skupštine je u Sarajevu, Ulica Reisa Džemaludina Čauševića broj 1.

Član 5.

Skupština ima pečat u skladu sa zakonom.

O čuvanju i upotrebi pečata stara se sekretar Skupštine.

**II - KONSTITUISANJE I UNUTRAŠNJA ORGANIZACIJA
SKUPŠTINE**

Konstituisanje Skupštine

Član 6.

Skupština je jednodomna i čine je poslanici/zastupnici čiji je broj utvrđen Ustavom Kantona i zakonom (u smislu ovog poslovnika, "poslanik/zastupnik" podrazumijeva osobe oba spola).

Član 7.

Prva sjednica Skupštine saziva se najkasnije 10 dana nakon što nadležni organ potvrdi, ovjeri i objavi izborne rezultate.

Prvu sjednicu Skupštine saziva predsjedavajući Skupštine iz prethodnog saziva i predsjedava sjednicom Skupštine do izbora predsjedavajućeg u novom sazivu.

Ukoliko je predsjedavajući Skupštine spriječen, prvu sjednicu saziva jedan od njegovih zamjenika iz prethodnog saziva.

Ukoliko su i zamjenici spriječeni da sazovu prvu sjednicu Skupštine, sjednicu saziva najstariji izabrani poslanik/zastupnik u novom sazivu, odnosno onaj poslanik/zastupnik koga za sazivanje ovlasti jedna trećina novoizabranih poslanika/zastupnika.



Član 8.

Predsjedavajući prve sjednice Skupštine predočava Skupštini izvještaj Izborne komisije BiH o ovjeri mandata osobama koje su dobile poslanički/zastupnički mandat.

Poslanici preuzimaju dužnost zajedničkim davanjem i pojedinačnim potpisivanjem svečane izjave, koja glasi:

"Svečano izjavljujem da ću poverenu dužnost obavljati savjesno, pridržavati se Ustava i zakona Bosne i Hercegovine, Federacije Bosne i Hercegovine i Kantona Sarajevo, zalagati se za ljudska prava i slobode i da ću u svim prilikama štiti interese Bosne i Hercegovine, Federacije Bosne i Hercegovine i Kantona Sarajevo i ravnopravnost naroda i građana koji u njima žive."

Procedura iz st. 1. i 2. ovog člana odnosi se i na poslanike/zastupnike sa naknadno dodijeljenim mandatima.



Član 139.

Ako Skupština ocijeni da nije potrebno da se zakon donese, zaključkom odbija nacrt i taj zaključak dostavlja podnosiocu nacrta i podnosiocu inicijative.

Zaključak iz prethodnog stava sadrži razloge koji su naveli Skupštinu da donese ovakvu ocjenu i odbije nacrt.

Član 140.

Ako Skupština ocijeni da se nastavi postupak donošenja zakona, ona će po završenom pretresu zaključkom utvrditi nacrt zakona uz stavove i primjedbe na nacrt zakona koji su sastavni dio zaključka, dostaviti podnosiocu nacrta da ih uzme u obzir prilikom izrade prijedloga zakona.

- Javna diskusija o nacrtu zakona, drugog propisa ili općeg akta

Član 141.

U cilju očitovanja i davanja mišljenja i sugestija kantonalnih organa uprave, javnih preduzeća i ustanova, lokalne samouprave i javnosti Kantona u cjelini, o nacrtu zakona koji Skupština utvrdi, provodi se javna rasprava.

Obavezni sudionici javne rasprave su kantonalni organi uprave i jedinice lokalne samouprave, te kantonalne ustanove i javna preduzeća na koja se nacrt zakona neposredno odnosi, odnosno koja su određena zaključkom o otvaranju javne rasprave.

Član 142.

Zaključak o otvaranju javne rasprave sadrži odredbe o subjektima koji će organizovati i provesti raspravu, obimu rasprave, kao i načinu finansiranja i roku za njeno provođenje.

Rok za provođenje javne rasprave je najmanje trideset dana. Izuzetno, Skupština može odrediti kraći rok javne rasprave. Rok za provođenje javne rasprave teče od dana dostave nacrta zakona obaveznim sudionicima javne rasprave. Tokom javne rasprave, nadležno radno tijelo Skupštine učestvuje u javnom pretresu koje organizuje predlagatelj.

O rezultatima javne rasprave Skupštini se podnosi izvještaj koji sadrži primjedbe, prijedloge i mišljenja.

Član 143.

Predlagatelj zakona dužan je da prilikom izrade prijedloga zakona uzme u obzir primjedbe, prijedloge i mišljenja sadržana u izvještaju o javnoj raspravi, kao i da obrazloži razloge zbog kojih nije pojedine primjedbe, prijedloge ili mišljenja uvrstio u prijedlog zakona.

Izuzetno, ako je radno tijelo koje podnosi izvještaj o rezultatima javne rasprave istovremeno i predlagatelj zakona, može zajedno sa izvještajem dostaviti prijedlog zakona, a Skupština će na istoj sjednici razmatrati izvještaj i prijedlog zakona.

Član 144.

Odredbe ovog poslovnika koje se odnose na javnu raspravu o nacrtu zakona, shodno se primjenjuju i na javnu raspravu o nacrtima drugih propisa ili općih akata Skupštine.

- Prijedlog zakona

Član 145.

Prijedlog zakona podnosi se u obliku u kome se donosi zakon.

Obrazloženje prijedloga sadrži, pored pitanja iz člana 138. stav 3. ovog poslovnika, objašnjenja važnih pravnih instituta, izmjene i dopune koje su izvršene u odnosu na nacrt zakona, primjedbe i prijedloge na nacrt zakona koji nisu prihvaćeni i iz kojih razloga, kao i druge značajne okolnosti u vezi sa pitanjima koja se zakonom uređuju.

Član 146.

O načinu podnošenja prijedloga zakona, njegovog upućivanja Skupštini, drugim tijelima Skupštine i zainteresiranim organima i drugim organizacijama i zajednicama, njegovog razmatranja u Zakonodavno-pravnoj komisiji, kao i razmatranja po pitanjima zaštite vitalnih nacionalnih interesa, shodno se primjenjuju odgovarajuće odredbe ovog poslovnika koje se odnose na nacrt zakona.

Član 147.

Predsjedavajući Skupštine po prijemu dostavlja prijedlog zakona poslanicima/zastupnicima i on se može pretresati na sjednici Skupštine po isteku roka od 14 dana od dana dostavljanja poslanicima/zastupnicima.

Član 148.

Prijedlog zakona prethodno razmatraju ovim poslovníkom ovlaštena radna tijela Skupštine, klubovi naroda i klubovi poslanika/zastupnika u skladu sa svojim nadležnostima.

Član 149.

Pretres prijedloga zakona na sjednici Skupštine je, po pravilu, jedinstven.

Skupština može odlučiti da pretres prijedloga zakona obuhvata opći pretres i pretres u pojedinostima.

U općem pretresu prijedloga raspravlja se o prijedlogu u načelu i da li je prijedlog izrađen u skladu sa zaključkom usvojenim prilikom pretresa nacrta zakona, a mogu da se iznose mišljenja, traže objašnjenja i pokreću druga pitanja u vezi sa rješenjem datim u prijedlogu.

U toku pretresa o pojedinostima raspravlja se o pojedinim rješenjima prijedloga.

Član 150.

Podnosilac prijedloga zakona i Vlada mogu do završetka pretresa predložiti Skupštini da se pretres prijedloga zakona odloži.

O prijedlozima iz prethodnog stava i o drugim prijedlozima za odlaganje pretresa prijedloga zakona Skupština odlučuje odmah.

Podnosilac prijedloga zakona može da do otvaranja pretresa povuče svoj prijedlog zakona.

- Amandmani

Član 151.

Prijedlog za izmjenu i dopunu prijedloga zakona podnosi se u obliku amandmana.

Pravo predlaganja amandmana ima svaki poslanik/zastupnik u Skupštini, svaki klub naroda, svaki klub poslanika/zastupnika, radna tijela Skupštine i Vlada.

Član 152.

Amandman se podnosi pismeno, sa obrazloženjem.



Ako amandman sadrži odredbu kojom se angažuju finansijska sredstva, podnosilac amandmana je dužan da ukaže na izvore ovih sredstava.

Amandman se podnosi predsjedavajućem Skupštine u roku koji ne može biti kraći od sedam dana od dana određenog za održavanje sjednice na kojoj će se pretresati prijedlog zakona.

Rok iz prethodnog stava primjenjuje se i na amandmane koje podnose klubovi naroda.

Podnosilac prijedloga zakona može da podnosi amandmane do završetka pretresa prijedloga zakona.

Vlada može da podnose amandmane i na prijedlog zakona koji nije podnijela.



Član 240.

Nakon što Skupština odluči o odobrenju zaključenja međunarodnog sporazuma ili drugog akta iz oblasti međunarodne saradnje, premijer ga potpisuje pod uslovima utvrđenim Ustavom Kantona.

XII - UPOTREBA JEZIKA I PISMA

Član 241.

Skupština se u svom radu koristi bosanskim jezikom, hrvatskim jezikom i srpskim jezikom.

Službena pisma Skupštine su latinica i ćirilica.

XIII - SLUŽBA SKUPŠTINE

Član 242.

Skupština ima Službu Skupštine (u daljem tekstu: Služba).

Služba vrši stručne i druge poslove za potrebe Skupštine, radnih tijela Skupštine i poslanika/ zastupnika.

Organizacija i rad Službe uređuje se posebnim propisom.

XIV - PRELAZNE I ZAVRŠNE ODREDBE

Član 243.

Danom stupanja na snagu ovog poslovnika prestaje da važi Poslovnik Kantona Sarajevo ("Službene novine Kantona Sarajevo", br. 25/10-Prečišćen tekst i 14/11, 19/11, 7/12 i 26/12).

Vlada Kantona Sarajevo

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst) i člana 29. st. 1. i 2. Zakona o ustanovama ("Službeni list R BiH", br. 6/92, 8/93 i 13/94), Vlada Kantona Sarajevo na 87. sjednici, održanoj 18.09.2012. godine, donijela je sljedeću

ODLUKU

1. Ne daje se saglasnost Upravnom odboru Fakulteta za kriminalistiku, kriminologiju i sigurnosne studije u Sarajevu, da se prof. dr. Nedžad Korajlić imenuje za dekana Fakulteta za kriminalistiku, kriminologiju i sigurnosne studije u Sarajevu za naredni četverogodišnji mandatni period, jer procedura za izbor i imenovanje dekana Fakulteta za kriminalistiku, kriminologiju i sigurnosne studije u Sarajevu nije provedena u skladu sa relevantnom zakonskom, kao i podzakonskom regulativom.
2. Nalaže se Upravnom odboru Fakulteta za kriminalistiku, kriminologiju i sigurnosne studije u Sarajevu da konkurs za izbor i imenovanje dekana Fakulteta za kriminalistiku, kriminologiju i sigurnosne studije u Sarajevu od 29.03.2012. godine poništi i objavi novi konkurs čiju će proceduru provesti u skladu sa relevantnom zakonskom, kao i podzakonskom regulativom.
3. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25315-3/12
18. septembra 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 29. st. 1. i 2. Zakona o ustanovama ("Službeni list R BiH", br. 6/92, 8/93 i 13/94), Vlada Kantona Sarajevo na 87. sjednici, održanoj 18.09.2012. godine donijela je

ODLUKU

**O DAVANJU SAGLASNOSTI ZA IMENOVANJE
DEKANA JAVNE USTANOVE FAKULTET ZA
SAOBRAĆAJ I KOMUNIKACIJE U SARAJEVU**

I

Daje se saglasnost Upravnom odboru Javne ustanove Fakultet za saobraćaj i komunikacije u Sarajevu da se prof. dr. Samir Čaušević imenuje za dekana Javne ustanove Fakultet za saobraćaj i komunikacije u Sarajevu.

II

Dekan se imenuje na period od 4 godine.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25315-4/12
18. septembra 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 29. st. 2. i 5. Zakona o ustanovama ("Službeni list R BiH", br. 6/92, 8/93 i 13/94), Vlada Kantona Sarajevo, na 87. sjednici održanoj dana 18.09.2012. godine, donijela je sljedeću

ODLUKU

I

Daje se saglasnost Upravnom odboru Javne ustanove "Služba za zapošljavanje Kantona Sarajevo" Sarajevo da se Igor Kamočaji, profesor filozofije i sociologije, imenuje za direktora Javne ustanove "Služba za zapošljavanje Kantona Sarajevo" Sarajevo.

II

Direktor se imenuje na period od 4 godine.

III

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-25315-2/12
18. septembra 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 86. sjednici održanoj 12.09.2012. godine, donijela je

RJEŠENJE

**O IMENOVANJU ČLANA DRUGOSTEPENE
DISCIPLINSKE KOMISIJE VLADE KANTONA
SARAJEVO**

I

Za člana Drugostepene disciplinske komisije Vlade Kantona Sarajevo imenuje se Hasan Zemanić, dipl. pravnik.

II

Imenovanom iz tačke I ovog rješenja mandat traje do isteka mandata predsjedniku, članovima i zapisničaru Drugostepene disciplinske komisije Vlade Kantona Sarajevo imenovane Rješenjem Vlade Kantona Sarajevo, broj 02-05-10700-26.1/11 od 12.04.2011. godine.



Bosna i Hercegovina
Federacija Bosne i Hercegovine
KANTON SARAJEVO
V L A D A

IZVJEŠTAJ
O REZULTATIMA JAVNE RASPRAVE O NACRTU ZAKONA
O IZMJENAMA I DOPUNAMA ZAKONA O TURIZMU

Nosilac izrade:
Ministarstvo privrede Kantona Sarajevo

Sarajevo, novembar, 2025. godine

IZVJEŠTAJ

O REZULTATIMA JAVNE RASPRAVE O NACRTU ZAKONA O IZMJENAMA I DOPUNAMA ZAKONA O TURIZMU

Skupština Kantona Sarajevo, na 23. Radnoj sjednici održanoj dana 16.06.2025. godine, Zaključkom broj: 01-02-34356/25, utvrdila je Nacrt zakona o izmjenama i dopunama Zakona o turizmu. U tački 3. navedenog Zaključka utvrđeno je da će se javna rasprava održati u kantonalnim organima uprave, jedinicama lokalne samouprave, naučnim i stručnim ustanovama, u trajanju od 60 dana. Za organizovanje i provođenje javne rasprave Skupština Kantona Sarajevo je zadužila Vladu Kantona Sarajevo, koja je nakon provedene javne rasprave obavezna da Skupštini Kantona Sarajevo podnese Izvještaj o rezultatima javne rasprave. Izvještaj treba da sadrži primjedbe, prijedloge i mišljenja, kao i obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o turizmu.

Ministarstvo privrede Kantona Sarajevo, kao nosilac izrade Nacrta zakona o izmjenama i dopunama Zakona o turizmu, dostavilo je Službi za skupštinske poslove spisak subjekata za javnu raspravu o Nacrtu zakona o izmjenama i dopunama Zakona o turizmu, i to:

1. Vlada Kantona Sarajevo - Premijeru;
2. Svim ministarstvima Kantona Sarajevo;
3. Grad Sarajevo;
4. Svim općinama Kantona Sarajevo;
5. Federalno ministarstvo okoliša i turizma, Marka Marulića 2, Sarajevo;
6. Turistička zajednica Kantona Sarajevo, Dalmatinska 2, Sarajevo;
7. Kantonalna uprava za inspeksijske poslove, Dalmatinska 2, Sarajevo;
8. Privredna/gospodarska komora Federacije BiH, Branislava Đurđeva 10, Sarajevo;
9. Privredna komora Kantona Sarajevo, La Benevolencije 8, Sarajevo;
10. KJP "ZOI 84" - Olimpijski centar Sarajevo d.o.o., Branilaca Sarajeva 21, Sarajevo;
11. KJP Centar "Skenderija" d.o.o. Sarajevo, Terezije bb, Sarajevo;
12. JU "Zaštićena prirodna područja Kantona Sarajevo", Branilaca Sarajeva 28/I, Sarajevo;
13. Centri civilnih inicijativa - CCI, Zmaja od Bosne 40, Sarajevo;
14. Udruženje turističkih vodiča Kantona Sarajevo, Vladislava Skarića 8, Sarajevo;
15. Udruženje poslodavaca Federacije BiH, Mula Mustafe Bašeskije 12/3, Sarajevo;
16. Udruženje turističkih agencija BiH (UTA BiH), La benevolencija 8, Sarajevo, (zgrada Privredne komore Kantona Sarajevo);
17. Udruženje hotelijera i restoratera u BiH, Blažujski drum 80, Ilidža;
18. Udruženje turističkih privrednika u BiH, Dr. Mustafe Pintola 23, Ilidža;
19. Udruženje ugostitelja, Kranjčevićeva 24, Sarajevo;
20. Udruženje turističkih vodiča Sarajeva "Vučko", Josipa Štadlera 6, Sarajevo;
21. Udruženje Zona unaprijeđenog poslovanja Baščaršija, Mula Mustafe Bašeskije 63/I, Sarajevo.

Pismene primjedbe, prijedloge i mišljenja na Nacrt zakona o izmjenama i dopunama Zakona o turizmu, dostavili su sljedeći subjekti:

1. Općina Ilidža;
2. Federalno ministarstvo okoliša i turizma;
3. Sanela Klarić, zastupnica u Skupštini Kantona Sarajevo;
4. Općina Centar Sarajevo;
5. Udruženje veleprometnika lijekovima i medicinskim sredstvima u BiH; i
6. Udruženje turističkih agencija BiH (UTA BiH).

Pored navedenog, u ovom izvještaju su prema izvodu iz stenograma sa 23. Radne sjednice Skupštine Kantona Sarajevo, održane dana 16.06.2025. godine, sadržane primjedbe, prijedlozi i mišljenja zastupnika u Skupštini Kantona Sarajevo o Nacrtu zakona o izmjenama i dopunama Zakona o turizmu.

PRIMJEDBE, PRIJEDLOZI I MIŠLJENJA

1. OPĆINA ILIDŽA

U članu 60. stav (1) treba da glasi: “Turistička zajednica Kantona Sarajevo i turističke zajednice općina u sastavu Kantona (u daljem tekstu: turističke zajednice)”.

U članu 60. stav (3) treba da glasi: “Turističke zajednice osniva Kanton Sarajevo i Općine (u daljem tekstu: Osnivač)”.

U članu 60. stav (4) treba da glasi: “Odluku o osnivanju Turističke zajednice na prijedlog Vlade/Općinskog načelnika, donosi Skupština Kantona Sarajevo/Općinsko vijeće, a pripremne radnje za osnivanje Turističke zajednice i sazivanje osnivačke skupštine obavlja Ministarstvo/Služba”.

Prijedlog vezano za stav (1) i (2), člana 82e.: “Raspodjela uplaćenih sredstava od boravišne takse između Kantona/Turističke zajednice i Općine (turističke zajednice Općine) na čijem području su ta sredstva ostvarena/uplaćena, treba Zakonom, odnosno članom 82e., stav (1) definisati-utvrditi. Predlažemo raspodjelu u omjeru Kanton-Općina 50%-50%. Uredbom Vlade/Odlukom Općinskog načelnika može se urediti način i namjena korištenja tih sredstava”.

STAV PREDLAGAČA

Prijedlozi se ne prihvataju.

Obrazloženje:

Prijedlozi Općine Ilidža se odnose na mogućnost osnivanja turističkih zajednica općina i raspodjelu prihoda od boravišne takse između općina i Kantona. Zakonom o turizmu (“Službene novine Kantona Sarajevo”, br. 19/16, 31/17, 34/17 - Ispravka i 13/21), kao i Nacrtom zakona o izmjenama i dopunama Zakona o turizmu nije propisana mogućnost osnivanja turističkih zajednica općina, nego je propisano osnivanje Turističke zajednice Kantona Sarajevo, te se shodno tome ovi prijedlozi ne prihvataju. Predlagač je stava da bi bilo optimalnije da se pitanje osnivanja turističkih zajednica općina uredi federalnim propisom, kojim bi se propisali jednaki uslovi za sve općine na području Federacije Bosne i Hercegovine (u daljem tekstu: Federacija BiH), jer već nekoliko godina ovo pitanje nije regulisano na federalnom nivou.

2. FEDERALNO MINISTARSTVO OKOLIŠA I TURIZMA

Smatramo da trenutna neusaglašenost kantonalnih i federalnih propisa stvara pravnu nesigurnost i administrativne prepreke za privredne subjekte. Smatramo da je neophodno osigurati adekvatnu usklađenost sa Prednacrtom Zakona o turizmu FBiH. Stoga je potrebno dodatno usklađivanje u pogledu osnovnih pojmova, strateškog planiranja, organizacije turističkih zajednica, raspodjele boravišne takse i članarine, djelatnosti koje će plaćati takse i članarinu, digitalizacije i dr., kako bi se osigurao jedinstven, efikasan i održiv turistički sistem u FBiH.

STAV PREDLAGAČA

Primjedbe se ne prihvataju.

Obrazloženje:

Zakon o turizmu Federacije BiH još uvijek nije donesen, nego je kako to Federalno ministarstvo okoliša i turizma navodi, u formi Prednacrta. Shodno tome, ne može se tekst Nacrta zakona o

izmjenama i dopunama Zakona o turizmu usaglašavati sa Prednacrtom zakona o turizmu Federacije BiH, jer je to bespredmetno vršiti u ovom trenutku. Ukoliko se donese Zakon o turizmu Federacije BiH, neupitno je da bi svi kantoni u Federaciji BiH bili obavezni da sa ovim federalnim zakonom usklade svoje kantonalne zakone i druge propise u ovoj oblasti koji su već doneseni.

3. OPĆINA CENTAR SARAJEVO

Ovim putem sugerišemo da se Općini omogući učestvovanje u donošenju pravilnika ili drugog akta kojim će se odrediti kriterij za kategorizaciju turističkih mjesta. Također predlažemo dopunu člana 19. stav (2) Zakona o izmjenama i dopunama Zakona o turizmu (članarina), na način da se određeni iznos prikupljenih sredstava utroši za razvoj turističkog proizvoda Kantona i jedinica lokalne samouprave na kojoj se nalazi sjedište pravnog lica ili je osnovana samostalna djelatnost.

STAV PREDLAGAČA

Prijedlozi se ne prihvataju.

Obrazloženje:

Prijedlog Općine Centar Sarajevo kojom se omogućavanje Općini da učestvuje u donošenju pravilnika ili drugog akta kojim će se odrediti kriterij za kategorizaciju turističkih mjesta se ne prihvata, jer je predlagač stava da se kategorizacija turističkih mjesta vrši na način koji propisuje član 4. Nacrta zakona (Novi član 11a.). Osnov za razvrstavanje u kategorije turističkih mjesta po ovom zakonu čine općine, shodno svom značaju za turizam. Osnovni kriteriji za kategorizaciju turističkih mjesta su: a) trogodišnji prosjek ostvarenog broja turističkih noćenja u turističkom mjestu (broj noćenja), b) broj noćenja iz tačke a) ovog stava po stanovniku turističkog mjesta (koeficijent intenziteta turističkog prometa) i c) ukupna vrijednost prometa u turističkoj i ugostiteljskoj djelatnosti po stanovniku mjesta (koeficijent specifičnog turističkog prometa). Shodno navedenim kriterijima, turistička mjesta se razvrstavaju u kategorije A, B, C i D. Bliže kriterije, način vrednovanja kriterija za kategorizaciju turističkih mjesta i način određivanja kategorije turističkih mjesta na području Kantona Sarajevo propisuje ministar.

Prijedlog za dopunu člana 19. stav (2) Nacrta zakona o izmjenama i dopunama Zakona o turizmu (članarina), na način da se određeni iznos prikupljenih sredstava utroši za razvoj turističkog proizvoda Kantona i jedinica lokalne samouprave na kojoj se nalazi sjedište pravnog lica ili je osnovana samostalna djelatnost se ne prihvata, jer je predlagač stava koji propisuje član 19. stav (2) Nacrta zakona (Izmjena člana 82a.), odnosno da je Turistička zajednica dužna najmanje 20% prikupljenih sredstava od članarine utrošiti za razvoj turističkog proizvoda Kantona, a što direktno utiče na unapređenje turističke ponude Kantona. Ukoliko bude donesen federalni propis, koji bi regulisao osnivanje ili mogućnost osnivanja turističkih zajednica jedinica lokalne samouprave, u tom slučaju bi se adekvatno tome na drugačiji način regulisalo i pitanje raspodjele ili utroška sredstava prikupljenih od članarine.

4. SANELA KLARIĆ, zastupnica u Skupštini Kantona Sarajevo

Iza člana 7. Nacrta Zakona o izmjenama i dopunama Zakona o turizmu Kantona Sarajevo, dodaje se novi član 7a. kojim se mijenja član 34. Zakona o turizmu ("Službene novine Kantona Sarajevo", br. 19/16, 31/17, 34/17 - Ispravka i 13/21), a koji glasi:

Član 7a.
(Izmjena člana 34.)

Član 34. mijenja se i glasi:

"Član 34.
(Turistički vodič)

(1) Turistički vodič je lice koje turistima pokazuje i stručno objašnjava prirodne ljepote i rijetkosti, historijske činjenice, kulturno historijske spomenike, umjetnička djela, etnografske i druge znamenitosti, historijske događaje i legende o tim događajima i licima, te ekonomska dostignuća, kao i privredne potencijale predmetnog mjesta i područja.

(2) Ne smatra se turističkim vodičem stručni radnik koji obavlja poslove vodiča na svom radnom mjestu kod pravnog ili fizičkog lica (zaposlenik) unutar poslovnog prostora u kojem radi (muzej, galerija, nacionalni park i sl.), stručni radnik turističke agencije koji prati grupu turista iz mjesta u mjesto, vodič u planinama i jamama, u lovu i ribolovu, kao i voditelj i pratitelj ekskurzija i izleta.

(3) Turistički zastupnik je pravno ili fizičko lice koje zastupa domaćeg ili stranog organizatora putovanja ili posrednika u odredištima putovanja. Organizator je dužan pismeno obavijestiti davatelja usluga o turističkom zastupniku, njegovim ovlaštenjima i svim eventualnim promjenama.

(4) Usluge i ovlaštenja turističkog zastupnika su sljedeća:

- a) štiti interese i prava putnika i organizatora putovanja kod davatelja usluga,
- b) pruža obavještenja i uputstva putnicima kod izvršavanja programa putovanja i dodatnih usluga,
- c) naručuje dodatne usluge u ime organizatora putovanja prema dobivenim ovlaštenjima,
- d) posreduje u pribavljanju dodatnih usluga za putnike (izlet, kulturne i sportske priredbe, i sl.),
- e) obavlja i druge poslove potrebne za zaštitu interesa putnika i organizatora putovanja.”

Trenutna formulacija člana 34. koristi zastarjele i neujednačene izraze, te nije dovoljno jasna u pogledu sadržaja i obima poslova koje obavlja turistički vodič.

PRIJEDLOG II

Iza novog člana 7a. Nacrta Zakona o izmjenama i dopunama Zakona o turizmu Kantona Sarajevo, dodaje se novi član 7b., kojim se mijenja član 36. Zakona o turizmu (“Službene novine Kantona Sarajevo”, br. 19/16, 31/17, 34/17 - Ispravka i 13/21), a koji glasi:

Član 7b.

(Izmjena člana 36.)

Član 36. mijenja se i glasi:

“Član 36.

(Prestanak odobrenja za turističkog vodiča)

(1) Odobrenje za pružanje usluga turističkog vodiča prestaje važiti u sljedećim slučajevima:

- a) odjavom, danom navedenim u odjavi ili danom podnošenja odjave nadležnom organu, s tim što se pružanje usluga ne može odjaviti unatrag,
- b) ako prestane ispunjavati jedan od propisanih uslova iz člana 35.,
- c) ako je nadležni organ naknadno utvrdio da je ranije izdano odobrenje zasnovano na neistinitim podacima ili krivotvorenim dokumentima.

(2) O prestanku važenja odobrenja iz stava (1) ovog člana nadležni organ donosi rješenje.

(3) Prestankom ugovora o radu, ugovora o djelu ili drugog ugovora o izvršenju posla turističkog vodiča u skladu sa odredbama člana 34. stav (4).”

PRIJEDLOG III

Iza novog člana 7b. Nacrta Zakona o izmjenama i dopunama Zakona o turizmu Kantona Sarajevo, dodaje se novi član 7c. kojim se dodaje član 36a., a koji glasi:

Član 7c.

(Novi član 36a.)

Iza člana 36. dodaje se novi član 36a. koji glasi:

“Član 36a.

(Registar turističkih vodiča)

- (1) Direkcija za turizam Kantona Sarajevo vodi elektronski Registar turističkih vodiča.
- (2) Registar sadrži ime i prezime vodiča, naziv agencije ili pravnog lica, jezik pružanja usluga, broj i datum izdavanja odobrenja (licence), rok važenja odobrenja i status licence.
- (3) Licencu izdaje Direkcija za turizam Kantona Sarajevo vodiču koji je zaposlen u agenciji koja ima registriranu osnovnu djelatnost u oblasti turizma.
- (4) Licenca vrijedi dvije (2) godine, uz mogućnost produženja na zahtjev vodiča.
- (5) U slučaju prestanka ugovora o radu između vodiča i agencije, agencija je dužna obavijestiti Direkciju, vratiti licencu i zahtijevati brisanje vodiča iz registra.
- (6) Direkcija ažurira registar po službenoj dužnosti.
- (7) Registar iz stava (1) ovog člana je javan i dostupan online, u svrhu inspekcije i transparentnosti.
- (8) Način vođenja, sadržaj i pristup registru bliže se uređuju pravilnikom koji donosi ministar privrede.“

PRIJEDLOG IV

Iza novog člana 7c. Nacrta Zakona o izmjenama i dopunama Zakona o turizmu Kantona Sarajevo dodaje se novi član 7d., kojim se dopunjuje član 38. Zakona o turizmu (“Službene novine Kantona Sarajevo”, br. 19/16, 31/17, 34/17 - Ispravka i 13/21), a koji glasi:

Član 7d.

(Dopuna člana 38.)

- (1) U članu 38. nakon stava (1) dodaje se novi stav (2), koji glasi:
„(2) Turistički vodič može pružati usluge samostalno ili kao zaposlenik turističke agencije, privrednog društva ili drugog pravnog lica koje obavlja turističku djelatnost kao pretežnu.“
- (2) Dosadašnji stav (2) postaje stav (3).

PRIJEDLOG V

Iza novog člana 7d. Nacrta Zakona o izmjenama i dopunama Zakona o turizmu Kantona Sarajevo, dodaje se novi član 7e. kojim se mijenja dopunjuje član 41. Zakona o turizmu (“Službene novine Kantona Sarajevo”, br. 19/16, 31/17, 34/17 - Ispravka i 13/21), a koji glasi:

Član 7e.

(Izmjena i dopuna člana 41.)

- (1) U članu 41. stav (2) se mijenja i glasi:
“(2) Uslove za obavljanje poslova turističkog animatora utvrđuje odgovorno lice turističke agencije.”
- (2) Iza stava (2) dodaje se novi stav (3) koji glasi:
“(3) Program edukacije iz stava (1) ovog člana provode privredne komore i druge certificirane ustanove za neformalno obrazovanje odraslih.“

PRIJEDLOG VI

- (1) U članu 28. Nacrta Zakona o izmjenama i dopunama Zakona o turizmu Kantona Sarajevo, iza stava (1) dodaju se novi stavovi (2) i (3) koji glase:

“(2) Ako prekršaj iz stava (1) počini strani državljanin koji, bez važećeg odobrenja, pruža usluge turističkog vodiča na području Kantona Sarajevo suprotno članu 35. ovog zakona, kazniće se novčanom kaznom u iznosu od 2.000,00 KM do 3.000,00 KM.

(3) Inspektor je ovlašten izdati prekršajni nalog i zahtijevati uplatu novčane kazne na licu mjesta. U slučaju neizvršenja uplate na licu mjesta, inspektor može pokrenuti daljnji prekršajni postupak u skladu sa zakonom.

(2) Dosadašnji stavovi (2) i (3) postaju (4) i (5)”.

STAV PREDLAGAČA

Prijedlozi se ne prihvataju.

Obrazloženje:

Prijedlozi od I do V ne prihvataju, jer se odnose na članove koji nisu predmet Nacrta zakona o izmjenama i dopunama Zakona o turizmu koji je Skupština Kantona Sarajevo utvrdila Zaključkom broj: 01-02-34356/25 od 16.06.2025. godine na 23. Radnoj sjednici održanoj dana 16.06.2025. godine. Pored navedenog, a obzirom da se prijedlozi od I do VI odnose na pitanja turističkih vodiča, predlagač napominje da su pitanja u vezi sa radom turističkih vodiča regulisana Zakonom o turističkoj djelatnosti (“Službene novine Federacije BiH”, broj 32/09). Zakonom o turizmu (“Službene novine Kantona Sarajevo”, broj: 19/16, 31/17, 34/17 - Ispravka i 13/21) preuzete su odredbe koje se odnose na rad turističkih vodiča iz navedenog Zakona o turističkoj djelatnosti. Kantonalnim propisom se ne mogu na drugi način regulisati pitanja koja su već regulisana federalnim zakonom. Shodno navedenom, mijenjanje odredbi koje se odnose na turističke vodiče ili eventualno drugačije regulisanje rada turističkih vodiča i drugih pitanja koja se odnose na turističke vodiče, su u nadležnosti Federacije BiH. Napominjemo da je postupanje u slučajevima koji se odnose na Prijedlog VI član 28. st. (2) i (3) Nacrta zakona već propisano u odredbama Zakona o prekršajima (“Službene novine Federacije BiH”, broj: 63/14 i 19/25).

5. UDRUŽENJE VELEPROMETNIKA LIJEKOVIMA I MEDICINSKIM SREDSTVIMA U BIH (UVLMS BIH)

Udruženje veleprometnika lijekovima i medicinskim sredstvima u BiH (UVLMS BIH) predlaže izmjene koje se odnose na član 63. stav (3) Nacrta zakona:

Djelatnosti iz stava (2) ovog člana po grupama, kao i pripadajući koeficijenti za obračun obaveza plaćanja članarine Turističkoj zajednici, navode se u pravilniku kojeg donosi ministar uz saglasnost Vlade, u skladu sa Zakonom o klasifikaciji djelatnosti u Bosni i Hercegovini i Odlukom o klasifikaciji djelatnosti Bosne i Hercegovine, uz prethodno konsultovanje Agencije za statistiku BiH o povezanosti određene djelatnosti sa turizmom.

Alternativno predlažemo da član 63. glasi:

(2) Obavezni članovi Turističke zajednice su pravna i fizička lica koja na području Kantona Sarajevo obavljaju djelatnosti neposredno povezane sa pružanjem turističkih usluga, utvrđene u konsultaciji sa Agencijom za statistiku BiH u skladu sa Klasifikacijom djelatnosti BiH 2010 i to: (pobrojati te djelatnosti).

(3) Pri utvrđivanju i tumačenju djelatnosti iz Priloga 1 nadležni organ je dužan pribaviti prethodno mišljenje Agencije za statistiku BiH.

(4) Ministar uz saglasnost Vlade pravilnikom uređuje tehnička pitanja obračuna članarina za djelatnosti iz Priloga 1.

U suprotnom je i dalje ostavljena mogućnost da Ministarstvo pravilnikom proizvoljno određuje djelatnosti koje imaju neposrednu ili posrednu vezu sa turizmom, bez obaveze konsultiranja Agencije za statistiku BiH i važeće klasifikacije djelatnosti, što je suprotno Zakonu o standardnoj

klasifikaciji djelatnosti u BiH ali i Zakonu o turizmu, odnosno ostavlja dojam da je motivisano isključivo manipulisanjem prihodima Turističke zajednice a ne stvarnom povezanošću sa turizmom. Smatramo da obavezno članstvo u Turističkoj zajednici ne donosi nikakvu protuuslugu, te je stoga ovakvo regulisanje članstva neustavno jer predstavlja “Neopravdan upliv države u pravo na imovinu obveznika takvog davanja”.

U odnosu na član 82. stavovi 1. i 2. Nacrta zakona:

(1) Osnovica za obračun članarine pravnom licu je ukupan prihod sjedišta i/ili poslovnih jedinica na području Kantona koji, shodno obavještenju o razvrstavanju prema klasifikaciji djelatnosti nadležnog organa za statistiku, obavljaju djelatnosti utvrđene Pravilnikom iz člana 63. stav 3. ovog zakona.

(2) Za pravna lica iz stava 1. ovog člana, u smislu ovog zakona, čine svi prihodi koje je pravno lice dužno prezentovati u svojim računovodstvenim iskazima, u skladu sa pozitivnim propisima o računovodstvu.

Primjećujemo da osnovicu za plaćanje članarine čine i prihodi ostvareni na teritoriji drugih kantona ili entiteta Republika Srpska, što nema nikakve veze sa turizmom u Kantonu Sarajevo.

Predloženi normativni tekst (amandman):

“(1) Osnovicu za obračun članarine čine prihodi bez PDV-a, ostvareni na teritoriji Kantona Sarajevo iz djelatnosti iz člana 63. stav (2), koje su neposredno namijenjene turistima/posjetiocima.

(2) U osnovicu se ne uračunavaju prihodi ostvareni od drugih pravnih subjekata u BiH, uključujući i državne institucije.

(3) Članarina se obračunava samo jednom i to kod subjekta koji neporedno pruža turističku uslugu krajnjem korisniku - fizičkom licu.

(4) Koeficijenti i metodologija obračuna utvrđuju se prilogom uz ovaj zakon ili pravilnikom donesenim uz obavezno prethodno mišljenje Agencije za statistiku BiH, u skladu sa KD BiH 2010, bez mogućnosti proširenja osnovice iz stava (1)”.

STAV PREDLAGAČA

Prijedlozi se ne prihvataju.

Obrazloženje:

Svi prijedlozi dostavljeni od strane UVLMS-a BiH tiču se plaćanja članarine Turističkoj zajednici. Članom 10. Nacrta zakona izmijenjeni su st. (1), (2) (3) i (6) člana 63. važećeg Zakona o turizmu, odnosno definisano je da su obavezni članovi Turističke zajednice sva pravna lica i fizička lica koja obavljaju registrovanu poslovnu djelatnost koja na području Kantona Sarajevo imaju sjedište ili organizacioni dio i koja shodno obavještenju o razvrstavanju prema klasifikaciji djelatnosti izdatom od nadležne službe za statistiku obavljaju djelatnost posredno ili neposredno povezanu sa turizmom. Navedene djelatnosti po grupama, kao i pripadajući koeficijenti za obračun obaveze plaćanja članarine Turističkoj zajednici, propisat će se u pravilniku kojeg donosi ministar, uz saglasnost Vlade, u skladu sa Odlukom o klasifikaciji djelatnosti Bosne i Hercegovine 2010 (“Službeni glasnik BiH”, broj 47/10). Dakle ovim pravilnikom detaljno će se odrediti način obračuna članarine, te grupe i procenti po kojima će se obračunavati članarina, zavisno od toga koliko je djelatnost koju obavlja pravno ili fizičko lice povezana sa turizmom. Nacrtom zakona jasno je naglašeno da se radi o obračunu članarine na području Kantona Sarajevo, te da u isto ne ulaze prihodi iz drugih kantona ili entiteta, kako to UVLMS BiH pogrešno navodi. Što se tiče prijedloga da se propiše uključivanje Agencije za statistiku BiH u izradu predmetnog pravilnika isto se ne može regulisati Nacrtom zakona, obzirom da se ne radi o

istom nivou vlasti te se ne mogu kantonalnim propisom nametati obaveze institucijama drugog nivoa vlasti.

6. UDRUŽENJE TURISTIČKIH AGENCIJA (UTA BiH)

1. Zadržati postojeću odredbu ovjere Općih uslova putovanja od strane UTA BiH pri dobivanju licence za rad, bez obaveze članstva u UTA BiH.
2. Utvrditi poseban član zakona koji obavezuje Aerodrom Sarajevo da uspostavi posebnu službu za zaštitu prava putnika na osnovu općih ugovora sa avio-kompanijama i pravnog okvira EU.
3. Praksa također nalaže potrebu da zakonodavac u preambuli Zakona o turizmu KS utvrđuje da su članovi Kodeksa prakse IH&RA I UFTAA u skladu sa navedenim Zakonom, a u drugom stavu da zakonodavac prihvata i Opšti etički kodeks u turizmu UNWTO.

STAV PREDLAGAČA

Prijedlozi se ne prihvataju.

Obrazloženje:

Postojeća odredba obaveze ovjere Općih uslova putovanja od strane UTA BiH i samo članstvo u istom, je negativno ocijenjena od strane turističkih djelatnika. Imajući u vidu odredbe Nacrta zakona svaka turistička agencija će preuzimati odgovornost što se tiče ovjere njenih Općih uslova putovanja, a uzimajući u obzir činjenicu da će Opći uslovi putovanja biti uručeni svakom putniku prilikom sklapanja putničkog aranžmana.

Vezano za prijedlog 2. predlagač Nacrta zakona je stava da se privrednom društvu Aerodrom Sarajevo, kao federalnom javnom preduzeću, ne mogu kantonalnim propisom propisivati obaveze kao što je uspostava posebne službe u okviru ovog javnog preduzeća.

Što se tiče prijedloga 3. da se mijenja preambula Zakona o turizmu stav predlagača je da Kodeks prakse IH&RA I UFTAA i Opšti etički kodeks u turizmu UNWTO nije potrebno navoditi u preambuli odnosno pravnom osnovu ovog zakona, jer se radi o svjetskim kodeksima prakse a ne o propisima. Odredbe Kodeksa prakse IH&RA I UFTAA inkorporirane su u Nacrtu zakona kroz pravne definicije pojmova u turizmu, dok se ostatak odredbi odnosi na globalni turizam koji ne može biti predmetom ovog Nacrta zakona, kao kantonalnog propisa.

7. MINISTARSTVO PRIVREDE KANTONA SARAJEVO

Ministarstvo privrede Kantona Sarajevo, kao resorno ministarstvo i kao nosilac izrade Nacrta zakona, je u toku javne rasprave uočilo potrebe za određenim korekcijama u Nacrtu zakona koje predlaže u cilju poboljšanja teksta pojedinih odredbi i detaljnijeg regulisanja određenih pitanja, i to:

1. U članu 10. Nacrta zakona (Izmjene člana 63.) u stavu (3) riječi: “navode se” zamjenjuju se riječima: “propisuju se”. Također, u članu 10. Nacrta zakona dodaje se i izmjena stava (6) koji glasi:

“(6) Obavezno članstvo u Turističkoj zajednici prestaje:

- a) prestankom rada Turističke zajednice,
- b) prestankom pravnog lica,
- c) smrću fizičkog lica,
- d) djelimičnim ili potpunim gubitkom poslovne sposobnosti fizičkog lica,
- e) prestankom organizacionog dijela, odnosno poslovne jedinice,
- f) promjenom sjedišta,
- g) prestankom obavljanja djelatnosti iz stava (2) ovog člana.”.

Obrazloženje:

Riječi: “navode se” zamjenjuju se riječima: “propisuju se” jer je terminološki ispravnije i u skladu sa Pravilima i postupcima za izradu zakona i drugih propisa Federacije Bosne i Hercegovine (“Službene novine Federacije BiH”, broj 71/14). Dodavanjem izmjene stava (6) u članu 10. Nacrta zakona preciziraju se slučajevi u kojima prestaje obavezno članstvo u Turističkoj zajednici.

2. U članu 13. Nacrta zakona kojim se mijenja član 68. Zakona o turizmu (Nadzorni odbor Turističke zajednice) u stavu (7) iza tačke l) dodaje se nova tačka m) koja glasi: “m) daje upute predsjedniku Turističke zajednice za provođenje preporuka u vezi sa uočenim nepravilnostima,” a dosadašnje tač. m) i n) postaju tač. n) i o).

Obrazloženje:

Dodavanjem ove nove tačke m) u stavu (7) povećava se nadležnost nadzornog odbora Turističke zajednice.

3. U članu 19. Nacrta zakona, kojim se mijenja član 82a. (Članarina), mijenja se stav (4) koji sada glasi: “(4) Turističko vijeće, na prijedlog predsjednika i uz saglasnost Ministarstva, donosi akt o uspostavi, sadržaju i načinu vođenja Registra iz stava (3) ovog člana u roku od 30 dana od dana stupanja na snagu pravilnika iz člana 63. stav (3) ovog zakona.”.

Obrazloženje:

U članu 19. Nacrta zakona stav (4) je glasi: “(4) Turističko vijeće, na prijedlog predsjednika, donosi akt o uspostavi, sadržaju i načinu vođenja Registra iz stava (3) ovog člana, uz saglasnost Ministarstva, u roku od 30 dana od dana stupanja na snagu ovog zakona.”. U Prijedlogu zakona u ovom članu u stavu (4) riječi: “ovog zakona” zamjenjuju se riječima: “pravilnika iz člana 63. stav (3) ovog zakona.”. Navedena izmjena je neophodna jer je regulisanje uspostave, sadržaja i načina vođenja Registra iz stava (3) ovog člana vezano za sadržaj pravilnika iz člana 63. stav (3) ovog zakona.

4. Član 22. Nacrta zakona mijenja se i glasi:

“Član 22.

(Novi član 82e.)

Iza člana 82d. dodaje se novi član 82e. koji glasi:

Član 82e.

(Način utroška sredstava za razvoj i unapređenje turističkog proizvoda)

(1) Način utroška sredstava iz člana 82. stav (3) i člana 82a. stav (2) ovog zakona uređuje se uredbom koju, na prijedlog Ministarstva, donosi Vlada u roku od 120 dana od dana stupanja na snagu ovog zakona.

(2) Uredbu iz stava (1) ovog člana priprema stručno radno tijelo koje rješenjem imenuje ministar i koje čini sedam članova, od čega tri predstavnika Ministarstva, dva predstavnika Turističke zajednice i dva lica iz reda istaknutih stručnjaka iz oblasti turizma.”.

Obrazloženje:

U članu 22. Nacrta zakona stav (1) glasi: “(1) Način utroška sredstava iz člana 82. stav (3) i člana 82a. stav (2) ovog zakona uređuje se uredbom koju, na prijedlog Ministarstva, donosi Vlada.”, a predlaže se da u Prijedlogu zakona glasi: “(1) Način utroška sredstava iz člana 82. stav (3) i člana 82a. stav (2) ovog zakona uređuje se uredbom koju, na prijedlog Ministarstva, donosi Vlada u roku od 120 dana od dana stupanja na snagu ovog zakona.”. Predlaže se brisanje stava (3) ovog člana, jer se dosadašnji tekst stava (3) premješta u stav (1) ovog člana, s tim što se broj: “90” zamjenjuje brojem: ”120”, odnosno rok za donošenje uredbe povećava se sa 90 na 120 dana od dana stupanja na snagu ovog zakona. Navedeno povećanje roka je potrebno radi kompleksnosti

sadržaja ove uredbe, jer je intencija da se što detaljnije reguliše način utroška sredstava za razvoj i unapređenje turističkog proizvoda, a to su sredstva iz člana 82. stav (3) i člana 82a. stav (2) ovog zakona odnosno najmanje 70% ostvarenih sredstava od boravišne takse i najmanje 20% prikupljenih sredstava od članarine.

5. Korekcije članova Nacrta zakona i to člana 26. (Izmjene člana 99.), člana 27. (Izmjene člana 100.) i člana 28. (Izmjene i dopuna člana 101.) koje se odnose na kaznene odredbe i dodavanje novih članova u Prijedlog zakona i to člana 27. (Novi član 99a.), člana 29. (Novi član 100a.) i člana 31. (Novi član 101a.), kako slijedi:

“Član 26.
(Izmjena člana 99.)

U članu 99. stav (1) tač. c) i f) se brišu.

Član 27.
(Novi član 99a.)

Iza člana 99. dodaje se novi član 99a. koji glasi:

“Član 99a.

(1) Novčanom kaznom u iznosu od 3.000,00 KM do 20.000,00 KM kaznit će se za prekršaj pravno lice ako:

- a) pruža usluge protivno članu 17. ovog zakona,
- b) organizira turističko putovanje prije nego što je pribavilo licencu (član 24.).

(2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 500,00 KM do 5.000,00 KM.

(3) Za prekršaje iz stava (1) ovog člana kaznit će se i voditelj poslovnice novčanom kaznom od 1.500,00 KM do 3.000,00 KM.”.

Član 28.
(Izmjena člana 100.)

U članu 100. stav (1) tač. d), e), f), g), h) i i) se brišu.”.

Član 29.
(Novi član 100a.)

Iza člana 100. dodaje se novi član 100a., koji glasi:

Član 100a.

(1) Novčanom kaznom od 1.500,00 KM do 10.000,00 KM kaznit će se za prekršaj pravno lice ako:

a) pruža usluge u kongresnom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 52. stav (1));

b) pruža usluge u zdravstvenom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 55. stav (1));

c) pruža usluge u avanturističkom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga izdatog od strane nadležnog organa (član 59. stav (1));

d) za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.), organizator i/ili lica koja ih izvode ne izvrše procjenu rizika i nemaju donesen elaborat spašavanja (član 57. stav (4));

e) pruža usluge u avanturističkom turizmu, a ne ispunjava propisane obaveze (član 58. stav (1));

f) pruža usluge u avanturističkom turizmu licima mlađim od 18 godina bez pismene saglasnosti roditelja odnosno staratelja, ukoliko roditelj, odnosno staratelj nije prisutan (član 58. stav (2)).

(2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 500,00 KM do 3.000,00 KM.

(3) Za prekršaje iz stava (1) ovog člana kaznit će se i voditelj poslovnice novčanom kaznom od 700,00 KM do 2.000,00 KM.”.

Član 30.
(Izmjena člana 101.)

U članu 101. tač. f) i g) se brišu.

Član 31.
(Novi član 101a.)

Iza člana 101. dodaje se novi član 101a., koji glasi:

“Član 101a.

(1) Novčanom kaznom u iznosu od 500,00 KM do 3.000,00 KM kaznit će se za prekršaj fizičko lice ako:

- a) pruža usluge protivno članu 17. ovog zakona,
- b) pruža usluge u zdravstvenom turizmu iz člana 53. ovog zakona, bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 55. stav (1));
- c) pruža usluge iz člana 57. stav (1) ovog zakona (treneri, instruktori, učitelji, voditelji, vodiči i sl.), bez odgovarajuće licence/dozvole nadležnih institucija ili udruženja, kojim se utvrđuje sposobnost i nivo vještine obavljanja aktivnosti (član 57. stav (3)).”.

Obrazloženje:

Nakon dodatnih analiza i konsultacija Ministarstvo privrede Kantona Sarajevo je stava da se koriguju članovi Nacrta zakona koji se odnose na kaznene odredbe na način da se ne propisuje povećanje iznosa novčanih kazni za prekršaje koji su već propisani Zakonom o turističkoj djelatnosti (“Službene novine Federacije BiH”, broj 32/09), nego da se propiše povećanje iznosa novčanih kazni samo za prekršaje koji su propisani Zakonom o turizmu (“Službene novine Kantona Sarajevo”, br. 19/16, 31/17, 34/17 - Ispravka i 13/21). Navedene korekcije je potrebno izvršiti kako ne bi došlo do neusklađenosti Zakona o turizmu sa Zakonom o turističkoj djelatnosti (“Službene novine Federacije BiH”, broj 32/09). Korigovanjem članova Nacrta zakona i to člana 26. (Izmjene člana 90.), člana 27. (Izmjene člana 100.) i člana 28. (Izmjene i dopuna člana 101.), koji se odnose na prekršajne odredbe mijenjaju se čl. 99., 100. i 101. ovog zakona, a u Prijedlogu zakona se dodaju nova tri člana i to član 27. (Novi član 99a.), član 29. (Novi član 100a.) i član 31. (Novi član 101a.), te se tako broj članova sa 36 članova u Nacrtu zakona povećava na 40 članova u Prijedlogu zakona. Naime, odredbe koje se brišu u čl. 26., 27. i 28. Nacrta zakona (čl. 99., 100. i 101.), u Prijedlogu zakona se premještaju odnosno propisuju u novim članovima i to u članu 27. (Novi član 99a.), članu 29. (Novi član 100a.) i članu 31. (Novi član 101a.).

6. U članu 32. Nacrta zakona (Izmjene i dopuna člana 105a.), koji je sada član 35. u Prijedlogu zakon, u stavu (3) tačka b) riječi: “(član 82d. st. (4) i (5))” zamjenjuju se riječima: “(član 82d. stav (4))”, odnosno radi se o ispravci tehničke greške.

7. U članu 34. Nacrt zakona, koji je sada član 37. u Prijedlogu zakona, naziv člana “(Rješavanje ranijih zahtjeva)” zamijeniti nazivom “(Pokrenuti postupci)”, a tekst člana preformulisati adekvatno nazivu člana tako da član 37. Prijedloga zakona glasi:

“Član 37.
(Pokrenuti postupci)

Svi postupci koji su pokrenuti prije stupanja na snagu ovog zakona završit će se po odredbama zakona koji je važio u trenutku pokretanja postupka.”.

Obrazloženje:

Naziv člana 34. Nacrt zakona, koji je sada član 37. u Prijedlogu zakona “(Rješavanje ranijih zahtjeva)” zamjenjuje se nazivom “(Pokrenuti postupci)” jer je ovaj naziv prikladniji, te je shodno tome tekst ovog člana samo preformulisan.

8. U članu 35. Nacrta zakona (Rokovi) koji je sada član 38. u Prijedlogu zakona mijenja se naziv člana koji sada glasi: “(Prelazne odredbe)” i dodaje se novi stav (4) koji glasi: “ (4) Odredbe čl. 82a., 82b. i 82c. ovog zakona kojima se uređuje članarina, visina članarine i osnovica za obračun članarine primjenjivat će se danom stupanja na snagu pravilnika iz člana 63. stav (3) ovog zakona.”.

Obrazloženje:

U članu 35. Nacrta zakona (Rokovi) koji je sada član 38. u Prijedlogu zakona mijenja se naziv člana koji sada glasi: “(Prelazne odredbe)” jer je ovaj naziv adekvatniji sadržaju ovog člana. Također, zbog pravne sigurnosti i detaljnijeg regulisanja neophodno je dodavanje novog stava (4) kojim se propisuje da će se odredbe čl. 82a., 82b. i 82c. ovog zakona kojima se uređuje članarina, visina članarine i osnovica za obračun članarine primjenjivati danom stupanja na snagu pravilnika iz člana 63. stav (3) ovog zakona.

9. Iza člana 38. u Prijedlogu zakona dodaje se novi član 39. (Ograničavajuća primjena) koji glasi:

“Član 39.
(Ograničavajuća primjena)

Do stupanja na snagu pravilnika iz člana 63. stav (3) ovog zakona primjenjivat će se Pravilnik o djelatnostima obaveznih članova Turističke zajednice Kantona Sarajevo (“Službene novine Kantona Sarajevo”, br. 44/16, 2/18, 12/18 i 16/21).”.

Obrazloženje:

Dodaje se novi član 39. (Ograničavajuća primjena) zbog toga da ne bi došlo do pravnog vakuma odnosno pravne praznine vezano za plaćanje članarine. Naime, u novom članu 39. (Ograničavajuća primjena) propisuje se da će se do stupanja na snagu pravilnika iz člana 63. stav (3) ovog zakona primjenjivati Pravilnik o djelatnostima obaveznih članova Turističke zajednice Kantona Sarajevo (“Službene novine Kantona Sarajevo”, br. 44/16, 2/18, 12/18 i 16/21).

STAV PREDLAGAČA

Prijedlozi se prihvataju.

IZVOD IZ STENOGRAMA sa 23. Radne sjednice Skupštine Kantona Sarajevo održane dana 16.06.2025. godine, u kojem su sadržane primjedbe, prijedlozi i mišljenja zastupnika u Skupštini Kantona Sarajevo o Nacrtu zakona o izmjenama i dopunama Zakona o turizmu.

1. MERSIHA MEHMEDAGIĆ, zastupnica u Skupštini Kantona Sarajevo

“Ovaj zakon će također unaprijediti i prohodnost agencijama kod procedure dobivanja licenci zato što više neće biti uslovljene članstvom u UTI. Međutim ovdje se nameće jedna obaveza

Turističkoj zajednici, za koju smatram da neće biti u stanju da je iznese sama ukoliko se Ministarstvo aktivno ne uključi zajedno sa Vladom, a radi se o sljedećem: uspostavljanje baze članova obveznika plaćanja članarine Turističkoj zajednici je jedan izuzetno veliki pothvat zato što Turistička zajednica po službenoj dužnosti ne dobiva informacije ko su njeni članovi. Znači vama na kraju poslovne godine neko treba poslati jedan KOČ obrazac, konačan obračun članarine gdje će vam se prijaviti koliki su njegovi prihodi i kolika je njegova obaveza? Ukoliko neko izvrgava tu obavezu, ukoliko vam on sam ne pošalje taj KOČ obrazac, vi i ne znate da vam je on član dok FIA ne obradi podatke i Turistička zajednica te podatke ne kupi, apostrofiram, ne kupi, zato što nemamo razrađen mehanizam da Turistička zajednica Kantona Sarajevo po službenoj dužnosti dobije po šiframa djelatnosti svoje obavezne članove, da zna ko su joj obavezni članovi, da shodno toj bazi može, da planira svoj godišnji prihod, da shodno tom godišnjem prihodu na koncu može i da planira razvoj, promociju i unapređenje turizma u i van Kantona Sarajevo. Znači ovdje se mora uključiti Vlada kako bi Turističkoj zajednici omogućila mehanizam da pravovremeno dobijemo podatke ko su obveznici plaćanja članarine”.

STAV PREDLAGAČA

Primjedbe se ne prihvataju.

Obrazloženje:

Članom 10. Nacrta zakona mijenjaju se st. (1), (2), (3) i (6) člana 63. Zakona o turizmu, odnosno propisuje se, između ostalog, ko su obveznici plaćanja članarine. Naime, propisuje se da su obavezni članovi Turističke zajednice sva pravna lica i fizička lica koja obavljaju registrovanu poslovnu djelatnost, koja na području Kantona imaju sjedište ili organizacioni dio i koja shodno obavještenju o razvrstavanju prema klasifikaciji djelatnosti izdatom od nadležne službe za statistiku obavljaju djelatnost posredno ili neposredno povezanu sa turizmom. Djelatnosti po grupama, kao i pripadajući koeficijenti za obračun obaveze plaćanja članarine Turističkoj zajednici propisuju se pravilnikom kojeg donosi ministar, uz saglasnost Vlade, u skladu sa Odlukom o klasifikaciji djelatnosti Bosne i Hercegovine 2010 (“Službeni glasnik BiH”, broj 47/10). Vlada će na ovaj način biti uključena u donošenje navedenog pravilnika, a što prema važećem Zakonu o turizmu to nije slučaj, jer je u istom propisano da ovaj pravilnik donosi ministar.

Vezano za uspostavljanje baze članova obveznika plaćanja članarine Turističkoj zajednici, predlaže stava koji propisuje član 19. Nacrta zakona (Izmjena člana 82a.), a to je da je Turistička zajednica dužna uspostaviti Registar obveznika obračuna i plaćanja članarine u roku od 90 dana od dana donošenja akta o uspostavi, sadržaju i načinu vođenja Registra kojeg na prijedlog predsjednika Turističke zajednice i uz saglasnost Ministarstva donosi Turističko vijeće Turističke zajednice u roku od 30 dana od dana stupanja na snagu naprijed navedenog pravilnika kojeg donosi ministar, uz saglasnost Vlade, a kojim se propisuju djelatnosti po grupama, kao i pripadajući koeficijenti za obračun obaveze plaćanja članarine Turističkoj zajednici.

2. DANIJELA KRISTIĆ, dopredsjedavajuća Skupštine Kantona Sarajevo

“Dio koji ovim izmjenama nije obuhvaćen je problem vodiča u Kantonu Sarajevo. Kanton Sarajevo susreće se sa određenim izazovima kada su u pitanju vodiči. Trenutno su pravila za vodiče nedovoljno jasna, neusklađena i zastarjela. Veliki broj vodiča radi bez licenci, posebno tokom turističke sezone, što direktno narušava kvalitet turističke ponude i stvara nelojalnu konkurenciju licenciranim vodičima. Inostrani vodiči radi ture po Sarajevu bez lokalnih licenci i smatram da bi se i ovaj dio trebao urediti na neki način. Pravilnik o stručnom ispitu i licenciranju vodiča nije usklađen sa savremenim praksama i nema obaveznog kontinuiranog usavršavanja. Turistički vodiči nisu sistemski prepoznati kao ključni dio turističke ponude. Turistička zajednica Kantona Sarajevo ne uključuje vodiče u strategiji promocije, tako da ja predlažem da se u ovim

izmjenama definiše i uloga Turističke zajednice u promociji turističkih vodiča kroz institucionalnu podršku gdje bi Turistička zajednica u okviru svojih promotivnih aktivnosti uključila licencirane vodiče u javne kampanje i promotivne aktivnosti, omogućila pristup vodičima na sajmovima i prezentacijama koje organizuje ili sufinancira Turistička zajednica, kreirati javno dostupne on line baze licenciranih vodiča sa osnovnim kontakt podacima, da Turistička zajednica obezbijedi dio sredstava svog budžeta za edukaciju i promociju, podršku domaćim vodičima, kroz promociju i zajedničke kampanje, vodiči bi dobili status kojim pripada u lancu turističke ponude. Jedna od inicijativa koje sam podnosila je inicijativa za izmjenu Pravilnika o djelatnostima obaveznih članova Turističke zajednice Kantona Sarajevo, u dijelu koji se odnosi na pravna i fizička lica koja nisu direktno ni indirektno vezana za turizam, to jeste čija djelatnost ne ostvaruje prihod pružanjem ugostiteljskih ili drugih turističkih usluga i ne obavljaju s turizmom neposredno povezane djelatnosti. U odgovoru je navedeno da će izmjenama i dopunama Zakona o turizmu doći do izmjena ovog pravilnika. Trenutno postoji nelogičnosti u ovom pravilniku za pravna lica koji su obavezni članovi Turističke zajednice, kao npr. Održavanje i popravak motornih vozila, trgovina na veliko dijelovima i priborom za motorna vozila, trgovina na veliko, informacijsko-komunikacijskom opremom, fondovi, poslovanje nekretninama, fitnes centri itd. U zakonu treba izričito definisati prema šifri djelatnosti prema klasifikaciji poslovnog subjekta, to jeste obuhvatiti subjekte koji ostvaruju prihode iz turizma, izuzeće trebaju imati subjekti čija djelatnost nije direktno vezana za turizam, zato predlažem preciznu listu djelatnosti da treba utvrditi Ministarstvo u roku od 60 dana od dana stupanja na snagu ovog Zakona putem pravilnika donesenog uz konzultacije sa Turističkom zajednicom i svim drugim relevantnim akterima. Izmjenom ovog pravilnika će biti zaštićeni oni koji ne pripadaju turizmu, a neopravdano su opterećeni i obavezama koje proizilaze iz važećeg pravilnika. Turistička zajednica će dobiti transparentniji i realniji prihod bez pravnih sporova i prituzbi”.

STAV PREDLAGAČA

Primjedbe se djelimično prihvataju.

Obrazloženje:

Primjedbe vezane za turističke vodiče se ne prihvataju, jer se prije svega odnose na članove koji nisu predmet Nacrta zakona o izmjenama i dopunama Zakona o turizmu koji je Skupština Kantona Sarajevo utvrdila Zaključkom broj: 01-02-34356/25 od 16.06.2025. godine na 23. Radnoj sjednici održanoj dana 16.06.2025. godine. Podsjećanja radi, napominjemo da je odredbama Zakona o turističkoj djelatnosti (“Službene novine Federacije BiH”, broj 32/09) definisan pojam turističkog vodiča, propisani su uslovi koji moraju biti ispunjeni da bi turistički vodič dobio odobrenje za rad, propisan je način rada i propisano je da turistički vodič pri obavljanu poslova mora imati iskaznicu turističkog vodiča kojom se utvrđuje njegovo svojstvo. Na osnovu Zakona o turističkoj djelatnosti (“Službene novine Federacije BiH”, broj 32/09) doneseni su podzakonski akti koji su na snazi, i to Pravilnik o iskaznici turističkog vodiča (“Službene novine Federacije BiH”, broj 30/10) i Pravilnik o stručnom ispitu za turističke vodiče (“Službene novine Federacije BiH”, broj 46/20). Pravilnikom o iskaznici turističkog vodiča propisuje se obrazac i izgled iskaznice turističkog vodiča, te način njezinog izdavanja i upotrebe, te da iskaznicu turističkog vodiča na njegov zahtjev izdaje kantonalni organ nadležan za poslove turizma na čijem području turistički vodič pruža uslugu. Pravilnikom o stručnom ispitu za turističke vodiče (“Službene novine Federacije BiH”, broj 46/20) utvrđuju se uslovi, način i metode polaganja, program stručnog ispita za turističke vodiče, sastav ispitne komisije i izdavanje sertifikata o položenom stručnom ispitu, te je danom stupanja na snagu ovog Pravilnika prestao da važi Pravilnik o stručnom ispitu za turističke vodiče (“Službene novine Federacije BiH”, br. 30/10 i 93/15). Obzirom da su sva pitanja vezana za turističke vodiče regulisana

navedenim federalnim propisima, osim izrade iskaznice turističkog vodiča i vođenja evidencije o izdatim iskaznicama turističkih vodiča koji su u nadležnosti kantona, kantoni nemaju propisanu nadležnost za regulisanje drugih pitanja vezanih za turističke vodiče.

Primjedbe koje se odnose se na izmjene Pravilnika o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", broj: 44/16, 2/18, 12/18 i 16/21) i na uvođenje šifri djelatnosti obaveznih članova Turističke zajednice Kantona Sarajevo u tekst Nacrta zakona se djelimično prihvataju. Ne prihvata se primjedba da se u ovom zakonu trebaju definisati šifre djelatnosti obaveznih članova Turističke zajednice Kantona Sarajevo. Trenutno stanje je da su šifre djelatnosti propisane u Pravilniku o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", broj: 44/16, 2/18, 12/18 i 16/21). Vezano za primjedbu koja ukazuje na potrebu za izmjenama navedenog Pravilnika, napominjemo da se članom 10. Nacrta zakona mijenjaju st. (1), (2), (3) i (6) člana 63. Zakona o turizmu, odnosno propisuje se, između ostalog, ko su obveznici plaćanja članarine. Naime, propisuje se da su obavezni članovi Turističke zajednice sva pravna lica i fizička lica koja obavljaju registrovanu poslovnu djelatnost, koja na području Kantona imaju sjedište ili organizacioni dio i koja shodno obavještenju o razvrstavanju prema klasifikaciji djelatnosti izdatom od nadležne službe za statistiku obavljaju djelatnost posredno ili neposredno povezanu sa turizmom. Djelatnosti po grupama, kao i pripadajući koeficijenti za obračun obaveze plaćanja članarine Turističkoj zajednici propisuju se pravilnikom kojeg donosi ministar, uz saglasnost Vlade, u skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10). Vlada će na ovaj način biti uključena u donošenje navedenog pravilnika, a što prema važećem Zakonu o turizmu to nije slučaj, jer je u istom propisano da ovaj pravilnik donosi ministar.

Sarajevo, 28.11.2025. godine

IZVOD IZ STENOGRAMA
SA 23. SJEDNICE SKUPŠTINE KANTONA SARAJEVO
ODRŽANE 16.06.2025.GODINE

Elvedin Okerić (predsjedavajući)

AD-5.

Nacrt Zakona o izmjenama i dopunama Zakona o turizmu

Materijal ste dobili uz poziv za sjednicu. Zamolio bi predstavnika predlagača, ministra Mijatovića, da podnese uvodne napomene. Izvolite, imate riječ.

Zlatko Mijatović (ministar)

Hvala predsjedavajući. Evo, nastavljamo ovu sesiju u režiji Ministarstva privrede. Treći zakon, Nacrt Zakona o izmjenama i dopunama Zakona o turizmu, Nacrt zakona u kojem smo zaista aktivno radili zadnjih godinu dana u Ministarstvu privrede, jedna vrijedna ekipa, jedna stručna ekipa. Zbog čega smo radili to? Trenutno važeći Zakon je donesen 2016 godine pod određenim okolnostima, određenim okruženjem koji je bio tada aktuelan. Dvije izmjene su bile odmah 2017. godine i jedna ispravka 2021. godine. Tako da smatramo da je krajnje vrijeme da se određene stvari niveliraju, da se urede malo drugačije, da idemo jednostavno u korak s vremenom i da određene stvari promijenimo, uskladimo jednostavno, da bude efikasnije, pravedniji, provodljiviji. Vi znate da na zadnjoj sjednici Skupštine Kantona Sarajevo, da je usvojen jednoglasno usvojeni, ovom prilikom se i zahvaljujem svim zastupnicima Kantonalne skupštine u Kantonu Sarajevo da je usvojena Strategija razvoja turizma, ovaj Zakon upravo je paralelno rađen sa Strategijom razvoja turizma do 2030-te godine i prati određena rješenja koje treba ta Strategija da propiše, odnosno koja će propisati ista ta Strategija i Akcioni plan. Važeći Zakon o turizmu, uspostavio je pravni okvir za razvoj turizma, međutim kroz višegodišnju saradnju naročito sa Turističkom zajednicom u Kantonu Sarajevo, sa Kantonalnom upravom za inspeksijske poslove, sa našim agencijama, operatorima itd smo utvrdili određene manjkavosti, određeni prostor koji se može doraditi, unaprijediti, poboljšati jednostavno trenutno važeći okvir. Glavni ciljevi izmjena i dopuna su pojednostavljenje administrativnih procedura, racionalizacija strukture Turističke zajednice i uspostava pravednijeg sistema obračuna članarine zasnovan na proporcionalnosti koristi od turizma te normiranje utroška prihoda od članarine i boravišne takse u svrhu razvoja turističkog proizvoda. Ja ću sada proći kroz nekoliko tačaka. Evo, vi ste vidjeli da ima, ja mislim, malo više od 30 članova izmjena i dopuna ovaj zakona, sve su manje-više bitne po nama. Ali evo, ja sam u svrhu kraćeg nekog izlaganja izdvojio nekih 16 tačaka koji su po nama ključne i temeljne u ovom dokumentu. Pod broj 1. ukinuta je obaveza članstva UTA BiH i ovjera općih uslova putovanja. Znači, putničke agencije organizator turističkih putovanja više neće biti dužni dostavljati dokaz o članstvu Udruženju turističkih agencija BiH, UTA BiH, niti ovjeravati opće uslove putovanja kod strukovnog udruženja. Prvenstveni razlog jeste da smo imali više takvih zahtjeva, prvenstveno više takvih zahtjeva organizatora putovanja, a s druge strane nije ni logično da budete zakonom obavezani da budete dio nekog udruženja koji treba da bude na nekoj dobrovoljnoj osnovi. Prema tome, skidamo taj teret sa ovih pravnih lica. Pod broj 2. produžava se rok za izdavanje i važenje licenci, rok za izdavanje licenci putničke agencije se produžava sa 15 na 30 dana, kao jedan opći upravni postupak i taj rok, dok se period važenja izdate licence produžava sa 3 na 5 godina. Ova izmjena doprinosi administrativnom rasterećenju i većoj

pravne sigurnosti poslovnih subjekata. Pod 3. Reorganizacija organa Turističke zajednice. Broj organa Turističke zajednice se smanjuje sa 5 na 4. Ukida se Ured za podršku turizmu koji nikada nije ni bio uspostavljen. Također, broj članova Skupštine smanjuje se sa 5 na 3, a broj članova Turističkog vijeća sa 7 na 3, čime se ostvaruje budžetske uštede i povećava operativna efikasnost. Pod 4. Preciziranje i imenovanja, razrješenja, nadležnost načina rada i odgovornosti rada Turističke zajednice Kantona Sarajevo. Detaljnije se uređuju načini imenovanja i razrješenja članova Skupštine, Nadzornog odbora, Turističkog vijeća i predsjednika Turističke zajednice, kao i njihove nadležnosti, odgovornosti trajanja mandata. Imenovanje se provodi u skladu, imenovanje će provoditi u skladu sa Zakonom o ministarskim, Vladinim i drugim imenovanjem Federacije Bosne i Hercegovine. Pod broj 5 po tačkom 5 ukidanje Turističkog ureda i pozicije direktora. Ukida se Turistički ured koji nije organ upravljanja, kao i pozicija njegovog direktora, budući da ured nikada nije bio uspostavljen, a njegova je funkcija već obavlja, pošto su to administrativne funkcije, te funkcije već obavljaju zaposlenici, odnosno radnici u TZ KS. Tačkom 6. Proširuje se nadležnost Nadzornog odbora u smislu da će biti nadležan kao drugostepeni organ u radno pravnim odnosima, odnosno rješavanja po prigovorima, u kontekstu rješavanja njihovih radnih prava i u postupcima javnih nabavki, propisano je da te ovlasti ne mogu biti prenesene na druge organe, čime se jača interna kontrola i odgovornost. Pod tačkom 7 ukida se povjerenstvo Turističke zajednice kao privremeni organ, budući da se u praksi pokazalo kao neefikasno i prepreka za blagovremeno imenovanje redovnih organa Turističke zajednice. Ova izmjena otklanja institucionalne zastoje i osigurava stabilnost u radu Turističke zajednice. Povjerenstvo se pokazalo kao neefikasan organ jer se u periodu djelovanja povjerenstva mnogi poslovi koji su u nadležnosti organa Turističke zajednice često prenosili, odnosno davali na saglasnost Vlade, što usporava generalno rad ovog tijela, odnosno Turističke zajednice, generalno. Pod tačkom 8. Obaveza dostavlja godišnjih izvještaja Skupštini Kantona Sarajevo. Sada je tačno propisano u kojem roku na koji način da se dostavlja Skupštini Kantona Sarajevo. Do sada je to bio slučaj da se to dostavljalo Vladi Kantona Sarajevo. Tako da i taj iskorak pravimo i tačno su propisani koji set dokumenata mora da bude dio tog izvještaja. Pod tačkom 9. Redefinisano obavezno članstvo u Turističkoj zajednici, obavezni članovi Turističke zajednice, sada su pravna i fizička lica koja prema obavještenju o razvrstavanju djelatnosti obavljaju djelatnost posredno ili neposredno povezane sa turizmom. Za razliku od prethodnog rješenja članstvo se veže isključivo za osnovnu djelatnost, čime se sužava obuhvat obveznika i povećava preciznost u primjeni. Tačka 10. Novi način utvrđivanja djelatnosti obaveznih članova i koeficijenata za obračun članarine. Umjesto općeg pristupa djelatnosti obaveznih članova obaveznih članova, razvrstava se u grupe prema intenzitetu utjecaja turizma na njihove prihode. Svakoj grupi se dodjeljuju pripadajući koeficijenti za obračun članarine koji se definišu pravilnikom ministra uz suglasnost Vlade. Time se uvodi pravedniji i diferenciran model obračuna, što je po meni ovdje sigurno i najbitniji dio ovog zakona, bar po mom ličnom shvatanju. Tačka je 11. Uspostava registra obveznika članarine, što je novina. Turistička zajednica je obavezna uspostaviti registar obveznika obračuna i plaćan članarine na osnovu akta koji donosi predsjednik Turističke zajednice uz saglasnost Ministarstva. Registar omogućava transparentan i tačan obračun članarine te efikasniju naplatu prihoda. Registar će biti kreirana na osnovu službenih podataka Federalnog zavoda za statistiku, odnosno na osnovu podataka o osnovnoj djelatnosti sjedišta i poslovnih jedinica koji su registrovani na području Kantona Sarajevo. Tačka 12. Precizirana osnovica za obračun članarine. Osnovica za obračun članarine definirana je kao ukupan prihod sjedišta i/ili poslovne jedinice na području Kantona Sarajeva sa osnovnom djelatnošću obaveznih članova Turističke zajednice. Ostvaren je na području Kantona Sarajevo od strane pravni i fizičkih lica koja obavljaju osnovnu djelatnost, posredno ili neposredno povezan sa turizmom prema obavještenju o razvrstavanju nadležne statističke službe. Na taj način otklanja se problem nemogućnosti utvrđivanja prihoda po svakoj pojedinačnoj djelatnosti za koji je

subjekt registrovan, a što je bio problem u praksi. Novi model obračuna visine članarine umjesto jedinstvene stope za sve članove visina članarine se utvrđuje kao proizvod osnovice i koeficijenta koji održava intenzitet utjecaja turizma na prihode određene djelatnosti. Ovim se uvodi diferencirani, pravedniji sistem kojim se finansijsko opterećuje i usklađuje sa realnim koristima koje subjekt ima od turističke aktivnosti. Uvođenje minimalne obaveze ulaganja u razvoj turističkog proizvoda propisuje se obaveza Turistička zajednica najmanje 20 % sredstava prikupljene članarine usmjeri na razvoj turističkog proizvoda Kantona, time se osigurava da dio prihoda bude usmjeren direktno na unapređenje turističke ponude, normiranje načina utroška sredstava od članarine i boravišne takse, način korištenja sredstava prikupljene od članarine i boravišne takse i najmanje 70 % boravišne takse uređuje se posebnom uredbom koja donosi Vlada na prijedlog ministarstva. Uredbu priprema stručno tijelo sastavljeno od 3 predstavnika ministarstva, 2 predstavnika Turističke zajednice, 2 stručnjaka iz oblasti turizma, čime se osigurava transparentno i plansko upravljanje javnim prihodima u svrhu razvoja i unapređenja turističkog proizvoda i turističke ponude. Povećanje novčane kazne. Izmijenjene su kaznene odredbe Zakona, pri čemu su iznos novčanih kazni značajno povećani u odnosu na prethodni zakon iz 2016. godine. Cilj je jačanje mehanizma sankcionisanja i osiguranje efikasnijeg provođenja zakonskih obaveza. Znači, evo, ja sam taksativno naveo ove glavne značajke. Evo par samo još rečenica. Nacrt Zakona o izmjeni i dopunama Zakona omogućava administrativno poboljšanje koje dodatno rasterećuje turistički sektor. Putničke agencije više ne moraju dokazivati članstvo u UTI Bosne i Hercegovine. Rok za izdavanje licence se produžava na 30 dana, a važenje licence na 5 godina, što olakšava pristup tržištu i smanjenje birokratskih troškova. Reorganizacija turističke zajednice. Kao što sam rekao, smanjujemo broj organa, smanjujemo broj članova u tim organima, što će dovesti i do smanjenja opterećenja za samu Turističku zajednicu i puno efikasniji rad. Predložene izmjene i dopune zakona uvode pravedniji model obračuna članarine zasnovan na principu srazmjernosti između koristi koje pojedina djelatnosti ostvaruju od turizma i njihovo finansijske obaveze prema Turističkoj zajednici. Umjesto jedinstvene stope za sve subjekte, visina članarine se utvrđuje kao proizvod jasno diferencirane osnovice i koeficijenta koji održava intenzitet uticaja turizma na prihode određene djelatnosti. Time se izbjegava dosadašnja neujednačenost i uspostavlja sistem koji je transparentniji, ekonomski racionalniji. Istovremeno, normiranje utroška sredstava kroz obaveze da se najmanje 20 % članarine usmjeri na razvoj turističkog proizvoda, donošenje uredbe kojom se uređuje način korištenja tih sredstava i sredstava prikupljenih od boravišne takse osigurava se strateško, planirano i kontrolisano investiranje u razvoj turizma. Ova rješenja doprinose efikasnijem korištenju javnih prihoda i postavljaju temelj za održivi, konkurentan turistički sektor Kantona Sarajevo. Evo, možda sam malo ubrzo predsjedavajući u određenim stavkama, ali mislim da ste dobili ideju o čemu se generalno ovdje radi, mislim da pravimo jedan veliki, ogroman iskorak u turističkom sektoru u Kantonu Sarajevu, što i to i zaslužuje. Turizam kao grana privrede je najpotentnija u Kantonu Sarajevu, imamo najveće generatorske sposobnosti u turizmu i moramo adekvatno tome i pristupiti. Kada kažem pristupiti, mislimo organizacijsko uređenje, birokratsko, administrativno uređenje, a ono što je meni posebno bitno jer sam imao, evo koliko sam na funkciji ministra imao bezbroj, bezbroj sastanaka sa Udruženjem poslodavaca po ovom pitanju i gdje ja nisam htio da otvaram određena pitanja na nesistemski način. Ovo je sada sistemsko rješenje koje će dati adekvatne odgovore na pitanja koja su, odnosno na izazove i problematike koje su trenutno na snazi u Kantonu Sarajevo, a to jeste linearna naplata turističke članarine u smislu da je to 0,05 od ukupnog prihoda, odnosno prometa određenih pravnih osoba 0,025 za fizičke osobe. Ovim zakonom, izmjenama i dopunama, kad dođe na red prijedlog, ovaj zakon predviđat će, predviđat će diferenciranu stopu, gdje ćemo jasno podijeliti u grupe, imati ćemo posredne i neposredno povezane poslovne subjekte, odnosno djelatnost koji će biti povezani, ostvarivati određenu korist od turizma i slijedom toga će i biti takva, jednostavno pravednija, pravednija i

racionalnija naplata, tako da kažem turističke članarine. Također, još jednom napominjem, uredba kojom se jasno definiše kako i na koji način, i za šta će se koristiti ova sredstva i posebno ovaj dio da 20 % sada, što do sada nije bio slučaj, 20 % od turističke članarine se mora vraćati u investiranje određenih projekata, odnosno razvoj turističke ponude u Kantonu Sarajevo. Evo, to je bilo to.

Elvedin Okerić (predsjedavajući)

Zahvaljujemo se uvaženom ministru Mijatoviću. Zamolim, zamolio bih vas da se vratite na svoje mjesto.

Otvaram raspravu po ovoj tački dnevnog reda. Zastupnik Davor Čičić se javio za riječ. Poslovnička zastupnik.

Davor Čičić (zastupnik)

Obzirom da je dosta bitna tačka, imamo dosta diskusija da prvo napravimo pauzu za ručak, pa da onda ako to nije neki problem.

Elvedin Okerić (predsjedavajući)

Evo, ne znam jel nam dovoljno 45 minuta, sat.

Davor Čičić (zastupnik)

Pa dobro, a kad ćemo planirati ono mislim pauzu? Pa, hajd eto.

Elvedin Okerić (predsjedavajući)

Dobro. Zastupnica Mersiha Mehmedagić se javila za riječ. Izvolite.

Mersiha Mehmedagić (zastupnica)

Zahvaljujem predsjedavajući, pozdravljam donošenje ovog zakona, odnosno ovih izmjena zato što su one kako dobre i prema onima koji su obveznici plaćanja i boravišne takse i članarine, tako su dijelom i rasteretile Turističku zajednicu jednog balasta, ogromnog broja članova u upravljačkim organima, gdje u jednom trenutku bilo više članova u tim upravljačkim organima nego li onaj uposlenika, međutim, s poslom, sa povećanjem obima posla, rasla je potreba i za povećanjem broja uposlenika, tako da, eto, sad je ipak taj omjer nekako više u korist uposlenika, ali bilo je nefunkcionalno i sazvati i organizirati sastanke za toliki broj učesnika po organima, tako da ova optimizacija će u svakom slučaju unaprijediti i rad i prohodnost dokumenata kroz ove organe. Ono što želim naglasiti, a evo da ne ponavljam, ministar je zaista bio izuzetno detaljan i proveo kroz sve izmjene koje ovaj zakon tretira, ali želim da istaknem par stvari. Ovim zakonom će se s jedne strane smanjiti priliv sredstava Turističkoj zajednici, ali će s druge strane, ukoliko se Ministarstvo i Vlada uključe, stabilizirati njen prihod, posebno kad je članarina u pitanju, ali ne bih zaista zanemarila ni disciplinu po pitanju izmirivanja obaveza boravišne takse. Ovaj zakon će unaprijediti i način rukovođenja ovom institucijom način unaprijediti će i transparentnost njenog poslovanja kroz dodatno izvještavanje prema Skupštini Kantona Sarajevo, što do sada nije bio slučaj. Ovaj zakon će također unaprijediti i prohodnost agencijama kod procedure dobivanja licenci zato što više neće biti uslovljene članstvom u UTI. Međutim ovdje se nameće jedna obaveza Turističkoj zajednici, za koju smatram da neće biti u stanju da je iznese sama ukoliko se Ministarstvo aktivno ne uključi zajedno sa Vladom, a radi se o sljedećem: uspostavljanje baze članova obveznika plaćanja članarine Turističkoj zajednici je jedan izuzetno veliki pothvat zato što Turistička zajednica po službenoj dužnosti ne dobiva informacije ko su njeni članovi. Znači vama na kraju poslovn

godine neko treba poslati jedan KOČ obrazac, konačan obračun članarine gdje će vam se prijaviti koliki su njegovi prihodi i kolika je njegova obaveza? Ukoliko neko izvrgava tu obavezu, ukoliko vam on sam ne pošalje taj KOČ obrazac, vi i ne znate da vam je on član dok FIA ne obradi podatke i Turistička zajednica te podatke ne kupi, apostrofiram, ne kupi, zato što nemamo razrađen mehanizam da Turistička zajednica Kantona Sarajevo po službenoj dužnosti dobije po šiframa djelatnosti svoje, onaj obavezne članove, da zna ko su joj obavezni članovi, da shodno toj bazi može, da planira svoj godišnji prihod, da shodno tom godišnjem prihodu na koncu može i da planira razvoj, promociju i unapređenje turizma u i van Kantona Sarajevo. Znači ovdje se mora uključiti Vlada kako bi Turističkoj zajednici omogućila mehanizam da pravovremeno dobijemo podatke ko su obveznici plaćanja članarine. Tu moram napomenuti da znači morate čekati jednu cijelu fiskalnu godinu da neko podnese svoj izvještaj da bi vi na kraju mogli i kupiti te podatke. S druge strane, ne možete uopće računati na FIU ako pričamo o fizičkim licima i obrtima, jer oni nisu dužni da dostavljaju onaj konačan obračun, odnosno finansijski izvještaj Finansijskoj informatičkoj agenciji i onda vi to morate tražiti od Porezne uprave, znači ovdje ćemo morati napraviti neki sporazumi sa Poreznom upravom, da ne kažem da ćemo morati unaprijediti nekako sistemski, da li podzakonskim aktima, ali evo, ministarstvo će naći već neki način, vjerujem, da unaprijedimo komunikaciju sa jedinicama lokalne uprave zato što oni izdaju, odnosno njihove službe privrede izdaju fizičkim licima rješenja o obavljanju određene djelatnosti, odnosno da bi oni mogli da, na primjer se registruju kao pružaoci smještaja, usluga smještaja u domaćinstvu. Znači, njih apsolutno nemate nikako na neku evidenciju ukoliko vam se oni sami ne prijave i ukoliko nemate razmjenu podataka sa općinama, a to je sve ono što Turistička zajednica u ovom trenutku nema i na tome se zaista mora raditi, da ne kažem da će se morati još više raditi na disciplini naplate boravišne takse, jer bez obzira i na, pardon, inspekcijske nadzore, vi nikad ne možete sa sigurnošću utvrditi koliko zaista u jednom pravnom licu je prijavljeno korisnika usluga noćenja u odnosu na stvarni broj, koliko njih zaista i u određenom periodu bilo, da ne kažem da i dalje ima jako veliki prostor za manipulacije, zato što je propis koji definiše obavezu prijavljivanja boravka turista u subjektima nije baš najbolje definisan za i ne ide na ruku, uduplava, da ne kažem, utrostruči obaveze onima koji pružaju te usluge zato što moraju podatke slati na različite strane i bez ovog nekog sveobuhvatnog sistema, pojednostavljene prijave boravka i povećane kontrole te neke sive zone koja pruža usluge u turizmu mi nećemo imati efekat koji će zagarantovati nastavak rasta turizma u Kantonu Sarajevo, jer nas sve više guši ovaj siv sektor, ova siva zona koja je velika nelojalna konkurencija, tako da kažem, ovom regularnom turističkom sektoru, koji nas prezentuje na najbolji mogući način i vuče još niz povezanih djelatnosti sa turizmom i sve nam na kraju, svima nama na kraju donosi više prihoda i pomaže i fizičkim licima da ostvare dodatnu zaradu, ali naravno i ovim velikim subjektima da imamo, znači lanac reprezentativnih hotela. Ukoliko se, ponavljam, Vlada i resor ne uključe da pravovremeno dobiva Turistička zajednica ove podatke, ova dobra namjera bi mogla ostati onaj više na papiru, odnosno Turističkoj zajednici bi i dalje mogla produžiti agoniju da se mora pribjegavati utuženju i iscrpljivanju dodatnih kapaciteta ionako oskudnih Kantonalne uprave za inspekcijske posve da bi se utvrdilo ko su sve obveznici i da bi se naplatio javni prihod. A govorim i naglašavam radi se isključivo o javnom prihodu, prihodu Budžeta Kantona Sarajevo. Mislim da će ovaj Zakon u svakom slučaju donijeti jako bitno osvježanje i turističkom sektoru i turističkoj zajednici, svim akterima kojih se ovaj zakon tiče, tako da, evo, nadam se da ćemo ga ovim podzakonskim aktima dodatno kapacitirati i unaprijediti sve ono gdje se do sada ovim zakonom nije moglo napraviti poboljšanje. U svakom slučaju se zahvaljujem Ministarstvu na izuzetnom trudu jer je krajnje vrijeme bilo da se ovaj zakon donese i ono što je vrlo važno. Povećale su se i kaznene odredbe jer je zaista do sada bilo isplativije raditi na crno, pružati usluge na crno. Platite neku manju kaznu i to je to. Ovim se zakonom to mijenja i naravno, novi izazov koji nas sve čeka, pa možda i neke nove izmjene ovog zakona, to je i ova procedura donošenja federalnog Zakona

o turizmu, gdje će nas opet čekati neka usuglašavanja, ali evo, Bože moj, pred nama je, a mi u svakom slučaju ovim zakonom omogućavamo turizmu u Kantonu Sarajevo da se bolje i brže razvija. Hvala.

Elvedin Okerić (predsjedavajući)

Zahvaljujemo se zastupnici Mehmedagić. Dopredsjedavajuća Danijela Kristić se javila za raspravu izvolite, imate riječ.

Danijela Kristić (dopredsjedavajuća)

Zahvaljujem predsjedavajući. Kanton Sarajevo je donio vlastiti Zakon o turizmu iz nužnosti da popuni pravnu prazninu nastalu nakon što je Ustavni sud Federacije Bosne i Hercegovine proglasio je federalni Zakon o turističkim zajednicama i promicanju turizma neustavnim. Zakon je proglašen neustavnim jer pri donošenju tog zakona nije bilo adekvatnog međusobnog dogovaranja između federalne i Kantonalnih vlasti. Obzirom da se federalni zakon nije mogao primjenjivati kantoni su ostali bez odgovarajuće regulative u oblasti turizma, što je direktno utjecalo na rad turističkih zajednica i promociju turizma. Kanton Sarajevo je iskoristilo svoje ustavno pravo i donijelo zakon koji će urediti oblast turizma na teritoriji Kantona Sarajeva. Time je osigurana funkcionalnost turističke zajednice i kontinuitet u promociji turističkih potencijala. Zakon će važiti dok se ne donese novi federalni zakon koji će biti u skladu sa Ustavom. Ja ću se u ovom Nacrtu Zakona o izmjenama i dopunama Zakona o turizmu osvrnuti na nekoliko stvari. Uklanjanje obaveznog članstva u udruženju turističkih agencija u Bosni i Hercegovini. Po trenutnom Zakonu o turističkim agencijama koje nisu željele da budu članovi Udruženja turističkih agencija onemogućeno izdavanje licenci. Ova izmjena će omogućiti slobodan pristup tržištu, povećat će se broj registrovanih turističkih agencija i olakšati poslovanje onim agencijama koji ne želi biti članice udruženja. Produženje roka, važenje licenci će smanjiti administrativni pritisak na privredne subjekte i dovesti će do stabilnijeg poslovanja. Redefinisani ciljevi struktura turističke zajednice, ukidanje turističkog ureda i povjereništva, uvođenje registra obveznika članarina će unaprijediti poslovanje, smanjiti troškove, učiniti organizaciju efikasnijom, omogućiti brzu realizaciju aktivnosti i racionalnije upravljanje sredstvima. Jačanje nadzora će nam omogućiti veći uvid u rad Turističke zajednice i veću transparentnost. Dio koji ovim izmjenama nije obuhvaćen je problem vodiča u Kantonu Sarajevo. Kanton Sarajevo susreće se sa određenim izazovima kada su u pitanju vodiči. Trenutno su pravila za vodiče nedovoljno jasna, neusklađena i zastarjela. Veliki broj vodiča radi bez licenci, posebno tokom turističke sezone, što direktno narušava kvalitet turističke ponude i stvara nelojalnu konkurenciju licenciranim vodičima. Inostrani vodiči radi ture po Sarajevu bez lokalnih licenci i smatram da bi se i ovaj dio trebao urediti na neki način. Pravilnik o stručnom ispitu i licenciranje vodiča nije usklađen sa savremenim praksama i nema obaveznog kontinuiranog usavršavanja. Turistički vodiči nisu sistemski prepoznati kao ključni dio turističke ponude. Turistička zajednica Kantona Sarajevo ne uključuje vodiče u strategiji promocije, tako da ja predlažem da se u ovim izmjenama definiše i uloga Turističke zajednice u promociji turističkih vodiča kroz institucionalnu podršku gdje bi Turistička zajednica u okviru svojih promotivnih aktivnosti uključila licencirane vodiče u javne kampanje i promotivne aktivnosti, omogućila pristup vodičima na sajmovima i prezentacijama koje organizuje ili sufinansira Turistička zajednica, kreirati javno dostupne on line baze licenciranih vodiča sa osnovnim kontakt podacima, da Turistička zajednica obezbijedi dio sredstava svog budžeta za edukaciju i promociju, podršku domaćim vodičima, kroz promociju i zajedničke kampanje, vodiči bi dobili status kojim pripada u lancu turističke ponude. Jedna od inicijativa koje sam podnosila je inicijativa za izmjenu Pravilnika o djelatnostima obaveznih članova Turističke zajednice Kantona Sarajevo, u dijelu koji se odnosi na pravna i fizička lica koja nisu

direktno ni indirektno vezana za turizam, to jeste čija djelatnost ne ostvaruje prihod pružanjem ugostiteljskih ili drugih turističkih usluga i ne obavljaju s turizmom neposredno povezane djelatnosti. U odgovoru je navedeno da će izmjenama i dopunama Zakona o turizmu doći do izmjena ovog pravilnika. Trenutno postoji nelogičnosti u ovom pravilniku za pravna lica koji su obavezni članovi Turističke zajednice, kao npr. Održavanje i popravak motornih vozila, trgovina na veliko dijelovima i priborom za motorna vozila, trgovina na veliko, informacijsko-komunikacijskom opremom, fondovi, poslovanje nekretninama, fitnes centri itd. U zakonu treba izričito definisati prema šifri djelatnosti prema klasifikaciji poslovnog subjekta, to jeste obuhvatiti subjekte koji ostvaruju prihode iz turizma, izuzeće trebaju imati subjekti čija djelatnost nije direktno vezana za turizam, zato predlažem preciznu listu djelatnosti da treba utvrditi Ministarstvo u roku od 60 dana od dana stupanja na snagu ovog Zakona putem pravilnika donesenu u budu konzultacije sa Turističkom zajednicom i svim drugim relevantnim akterima. Izmjenom ovog pravilnika će biti zaštićeni oni koji ne pripadaju turizmu, a neopravdano su opterećeni i obavezama koje proizilaze iz važećeg pravilnika. Turistička zajednica će dobiti transparentniji i realniji prihod bez pravnih sporova i pritužbi. Hvala.

Elvedin Okerić (predsjedavajući)

Zahvaljujemo se dopredsjedavajućoj Kristić.

Prije nego što dam pauzu koju je kolega Davor Čičić tražio, imam potrebu da zbog javnosti kažem da je propao današnji pokušaj opstrukcije opozicije u radu Skupštine Kantona Sarajevo, prije svega zastupnika Mahira Devića, zatim zastupnika Faruka Kapidžića i zastupnika Muamera Bandića. Današnja predstava opstrukcije ogledala se u problematiziranju kvoruma koji je utvrđen na samom početku današnje sjednice Skupštine Kantona Sarajevo, kako je i kako i predviđa Poslovnik Skupštine Kantona Sarajevo u članu 83. Ponašanje opozicije govori najviše o njima samima, da u redovnoj proceduri nisu dostali niti jedan jedini amandman niti primjedbu na dostavljene materijale Ministarstva privrede, zatim, sva mišljenja od nadležnih institucija koja su dostavljena su pozitivna i na kraju odu sa sjednici na takav način da ne žele da učestvuju u raspravi, a pozovu građane Kantona Sarajevo da nastave i da građani gledaju današnju cijelu Skupštinu Kantona Sarajevo, a ne oni da učestvuju u raspravi u Skupštini Kantona Sarajevo, koji su plaćeni da rade ovaj posao. Zbog istinitog informisanja javnosti, ovo je važno da kažemo da današnja sjednica Skupštine Kantona Sarajevo se nastavlja nakon pauze od sat i po vremena. Pauza, sat i po.

Prije ove pauze 15 minuta pauzu tražio je Elvis Vreto, šef Kluba. Kolega Vreto samo zbog stenograma tražili ste riječ. Želite prvo pauzu, pa 15 minuta. Prije nego što damo ovu veliku pauzu šef Kluba Elvis Vreto tražio je pauzu u ime Kluba 15 minuta, da prvo vidimo da li će doći do ove pauze. Ok, znači pauza 15 minuta.

NASTAVAK NAKON PAUZE

Elvedin Okerić (predsjedavajući)

Mi smo trenutno na tački pet.

AD-5.

Nacrta Zakona o izmjenama i dopunama Zakona o turizmu

Otvorena je rasprava. Idemo sa prijavom, mi ćemo krenuti a vi se uključujte.

Nakon pauze koju je tražio zastupnik Elvis Vreto u ime Kluba Naroda i Pravde nastavljamo sa sjednicom Skupštine Kantona Sarajevo. Ministar Mijatović je podnio uvodne napomene. Zastupnik Elvis Vreto se javio za raspravu. Izvolite, imate riječ.

Elvis Vreto (zastupnik)

Hvala predsjedavajući. Pa prije svega moje kolegice iz Kluba, kolegica Mehmedagić i kolegica Kristić su se već su osvrnuli na dobar dio ovog Nacrta zakona, odnosno Nacrta Zakona o izmjenama i dopunama Zakona o turizmu. Ono što je važno naglasiti da su one u konkretnom dijelu ukazale upravo na neophodnost donošenja i, naravno, neke osnovne odredbe koje smatraju da treba možda kroz javnu raspravu, odnosno do prijedloga zakona, pokušati dopuniti. Ja želim da istaknem nekoliko ključnih stvari i mislim da ovo Ministarstvo privrede na čelu sa ministrom Zlatkom Mijatovićem zaista i kompletna naravno, Vlada ima zaista sistemski pristup kada je ova oblast u pitanju. Na prošloj sjednici smo usvajali Nacrt Zakona o strategiji turizma u Kantonu Sarajevo, koji je prva strategija takve vrste. Danas raspravljamo o izmjenama i dopunama Zakona o turizmu, sigurno da je slijed naredna faza jeste, nakon javne rasprave je donošenje prije svega Strategija o razvoju turizma, a nakon toga, naravno i izmjene i dopune ovog zakona. Zaista jedan pozitivan pristup i mislim da je ovo trend kojim trebamo onaj generalno ići i siguran sam da Vlada i svi će pratiti, odnosno i ostala ministarstva će pratiti ovakav trend i način funkcionisanja. Ono što ja želim još da istaknem jeste da je turizam svakako najviše rastuća grana, možda u Bosni i Hercegovini što se tiče oblasti privrede. Ono što je bitno naglasiti jeste da u 2024. godini Kanton Sarajevo bilježi rekorde, da smo imali 1,7 milijuna noćenja, odnosno nešto više od 800 000 dolazaka i gostiju. Ono što bih ja, naravno, htio da ukažem jeste da se vodi računa, obzirom da je planirano da se u ovom Nacrtu zakona da se određenim uredbama i o pravilnicima definiše i raspodjela sredstava prikupljenih od strane prihoda koji su planirani, da se vodi računa o mjestima i lokacijama, općinama koje zaista imaju ogroman potencijal i razvoj u ovom periodu, ne samo u posljednje 2 godine, već generalno. Ja ću navesti da od ovih podataka općina Ilidža je u 2023. godini imala 283 000 dolazaka, a u 2024. je taj broj 388 000. Znači on je blizu 50 %, odnosno preko 40 % ukupnih dolazaka u Kantonu Sarajevo. Očekujem, naravno, da će kroz te pravilnike i uredbе koje će definisati podršku i povrat određenih sredstava koji se prikupljaju biti usmjerene na dalji razvoj i napredak jer to ove opštine, naravno, ne samo Ilidža koje su naslonjene, naslanjaju na turistički potencijal zaslužuju. Što se tiče ostalih stvari, jedino što mogu da pozovem, obzirom da se radi o Nacrtu, da pozovem sve učesnike da učestvuju u javnoj raspravi, da sa svojim konkretnim i što je moguće, boljim prijedlozima pokušaju unaprijediti još dodatno ovo zakonsko rješenje do prijedloga i u što kraćem roku, naravno, poslije završene javne rasprave nakon Strategije razvoja turizma, da imamo i ove izmjene Zakona o turizmu. Eto toliko, hvala predsjedavajući.

Elvedin Okerić (predsjedavajući)

Zahvaljujemo se zastupniku Vreti na diskusiji. Zastupnica Vedrana Vikić Musić se javila za riječ.

Vedrana Vikić Musić

Hvala vam i evo, s obzirom da se prvi put javljam, pozdravljam sve naše gledateljke i gledaoce putem malih ekrana. Pa zaista, ne bi se ponavljala, ali imam potrebu da istaknem sve ono što je pozitivno, a sasvim sigurno da ministar Mijatović i Vlada Kantona Sarajevo u stvari ovakvim pristupom i donošenjem zakona koji će sistemski urediti bilo koju oblast, evo konkretnom slučaju, sada i oblast turizma zaista potvrđuju da imaju pravu stratešku orijentaciju. I evo kako je rekao i ministar, izrada ovoga Zakona je pratila i Strategiju za razvoj turizma u Kantonu Sarajevo ima za cilj da se ova oblast sistemski uredi, da i Turistička zajednica bude efikasnija, bolje organizovanija i da može na što efikasniji način da procesuirati sve aktivnosti u cilju daljnjeg unapređenja turizma. Ovo je po meni iznimno bitno, već smo jel govorili i kad smo usvajali strategiju, koliko je turizam kao grana industrije bitna i koliko doprinosi, dakle,

kompletnom ekonomskom sistemu jedne države. Bilježimo odlične rezultate, ali naravno, svaki rast, pogotovo ovako značajan i vrlo i izazovan u periodu koji je pred nama i sasvim sigurno da je usvajanje Zakona o turizmu, odnosno izmjenama i dopunama Zakona jedan od bitnih stavki koji trebamo ispoštovati kako bismo stvorili potrebne preduvjete za daljnji rast i unapređenje turizma. Evo, samo vrlo znači kratko. Zaista nemam šta reći, nego sve pohvale i ministru Mijatoviću, kompletnoj Vladi i evo, nadamo se, kako je rekao i kolega Vreto, da će, evo sad i u javnoj raspravi svi subjekti i ključni akteri i iz ove industrije imati priliku da i oni dadnu određene preporuke. Evo, ministar je vrlo onako koncizno i kratko rekao koje su to sve izmjene i koja su unapređenja planirana da evo nekako i u ovoj oblasti budemo što efikasniji. Hvala.

Elvedin Okerić (predsjedavajući)

Zahvaljujemo se zastupnici Vikić Musić, za riječ se javio zastupnik Davor Čičić.

Davor Čičić (zastupnik)

Zahvaljujem predsjedavajući, pa evo, u svakom slučaju, evo, kao prethodni kolege pozdravljamo donošenje ovog nasilja. Izmjena i dopuna Zakona o turizmu. Ovaj zakon generalno već dugi niz godina postoji, ali je, s obzirom na sva dešavanja, kao i neki drugi i u drugim sferama života, postao dosta zastario, da tako kažem, i u svakom slučaju je pozitivno da se priča o njemu, da se raspravlja i evo, ja vjerujem da će, s obzirom da je ovo Nacrt zakona, da će javna rasprava, iznjedriti dobra rješenja i da će ovaj zakon u svakom slučaju biti unaprijeđen, jer, evo, kao što i vidimo, turizam postaje možda jedna od najznačajnijih privrednih grana u Kantona Sarajevo i mnoge stvari u okviru turizma moramo adekvatno riješiti kako bi ovaj porast broja turista, koji smo svi svjedoci proteklih par godina nastavio tim trendom, ali da bi i mi, kao da tako kaže organ, uprave omogućili turističkim radnicima da rade svoj posao, da poboljšavaju svoju ponudu, čime bi privukli, na kraju krajeva, sve te turiste da dođu u Sarajevo, posebno nakon i uvođenja ovih velikog broja, da tako kažem, jeftinih linija sa raznih destinacija u Europi i svijetu. I u svakom slučaju, znači, mi ćemo kao Klub podržati ovaj Nacrt zakona, pokušat ćemo aktivno da sudjelujemo u javnoj raspravi, a posebno pozdravljamo u čitavom ovom zakonu i intenciju da se neke procedure, da tako kažem i u okviru Turističke zajednice, na neki način naprave efikasnijim, da se sve moguće opstrukcije na neki način obustave i da se organi, broj organa smanjuje sa 5 na 4 u Turističkoj zajednici: da se Nadzorni odbor smanjuje sa 5 članova na 3 člana, da se Turističko vijeće smanjuje sa 7 na 3 člana. I još isto tako i da se finansijski izvještaj Turističke zajednice dolazi kroz ovaj Nacrt je predviđeno da dolazi na Skupštinu Kantona Sarajevo, što je u svakom slučaju pozitivno jer do sada taj izvještaj nije dolazio, na skupštine ga je usvajala samo Vlada, tako da ima po nama dosta pozitivnih stvari koje će utjecati na transparentnost, a koji će na kraju krajeva utjecati na efikasnost, a i na smanjenje troškova svih organa koji učestvuju u radu Turističke zajednice. Kolege su diskutovale i u drugim segmentima ovog zakona, ali evo, ja pozivam sve da učestvuju u javnoj raspravi koja, koliko vidim, predviđena 30, čini mi se 30 dana, a da svi daju svoj doprinos i da dobijemo jedan moderan Zakon o turizmu u Kantonu Sarajevu koji će pratiti sve ove trendove koji se dešavaju ne samo u Kantonu Sarajevo, nego i u Europi, općenito. Hvala.

Elvedin Okerić (predsjedavajući)

Zahvaljujemo se na konstruktivnoj raspravi zastupnica i zastupnika. Zaključujem raspravu.

Prelazimo na tačku broj šest.

AD-6.

Nacrt Zakona o izmjenama i dopunama Zakona o poticaju razvoja male privrede

Materijal ste dobili uz poziv za sjednicu. Zamolio bih predstavnika predlagača, ministra Mijatovića, da podnese uvodne napomene izvolite imate riječ.

Zlatko Mijatović (ministar)

Hvala predsjedavajući, ponovo, sve vas srdačno pozdravljam. Evo, nadam se da ćemo i ovaj zakon, odnosno Nacrt ovog zakona, nastaviti u ovom dugu, kao što smo za dosadašnje, ove zakone. Evo, kao što sam rekao u uvodnom izlaganju povodom prije prvog zakona, prijedloga Zakona o Zakonu o izmjenama i dopunama o rudarstvu Kantona Sarajeva, najavio sam zaista ovakve propise koji su afirmativni, pozitivni, idu u pravcu unapređenja određene oblasti i Ministarstvo privrede ide u tom pravcu. Evo pored ovih zakona koje danas imate priliku o kojim raspravljate i glasate, nadam se kasnije mi trenutno radimo na pripremi još 4 zakona u ovoj godini, tako da će ti zakoni uskoro doći ona je pred vas o kojima ćemo raspravljati.

Dobro. Sljedeća tačka, odnosno trenutna tačka, Nacrt Zakona o izmjenama i dopunama Zakona o poticaju razvoja male privrede. Zakon donesen 2015. godine, od 2016 godine se aktivno primjenjuje. U to vrijeme kada je donesen zaista jedan da kažem, bio onaj bum. Neke nove stvari su se uvele, drugačije se počelo pristupati određenim problematikama i mi smo se godinama razvijali u određenim okvirima koji taj zakon dozvoljava, međutim došli smo u neku fazu sada gdje nas taj Zakon malo i sužava, ne da nam neki prostor za fleksibilnost, inovativnost, kreativnost, pa imamo potrebu da evo kroz ovaj Nacrt određene tačke, određene tačke drugačije reguliramo. Ali evo, cilj Nacrta Zakona o izmjenama i dopunama zakona razvoja male privrede je unapređenje zakonodavnog okvira za planiranje, provođenje i koordinaciju mjera podrške razvoja male privrede na području Kantona Sarajevo. Stvara se efikasniji, inovativniji, transparentniji sistem za podršku razvoja male privrede koji ide u korak s vremenom, potrebama tržišta i makroekonomskim kretanjima na području Kantona Sarajevo i Federacije Bosne i Hercegovine. Ključni razlog za donošenje Nacrta zakona su poboljšanje koordinacije i stvaranje sistemskog okvira za sinergijsko djelovanje Ministarstva privrede i jedinica lokalne samouprave na području Kantona Sarajevo u procesma kreiranja i implementacije mjera poticaja razvoja male privrede. Šta tzn. Do sada smo imali jedinice lokalne samouprave, grad, općine koje svaka ponaosob za sebe određivala određeni program, neko je donosio četverogodišnji program, neko je dvogodišnji program, neko je godišnji plan donosio. Ovim zakonom želimo da napravimo to jedno sistemski jedan okvir, ne želimo mi da propisujemo kakav će taj biti četverogodišnji ili godišnji plan djelovanja jedinica lokalne samouprave, štiteći njihovu samostalnost i autonomiju u tom dijelu, ali želimo da imamo sinhrozovano djelovanje po tom okviru. Znači obavezivati će se općinski načelnici, gradonačelnici da donose četverogodišnji program razvoja male privrede na njihovoj lokalnoj zajednici, a također godišnji plan provođenja tih program razvoja male privrede donosit će se, odnosno bit će obavezni da donesu provedbeni akt, podzakonski akt, na koji način će se ti postupci provoditi, kao što mi imamo sada u ministarstvu privrede, opet, ne ulazeći u njihovu autonomiju, to će biti njima na volji, na koji način, kako će, koje će principe primijeniti, kriterije pri tome, ali želimo da ima jedan provedbeni propis, da se tačno znaju pravila. Igri. Također, pored toga, nakon što se usvoje na jedinicama na nivou jedinice lokalne samouprave, ti četverogodišnji godišnji program ili planovi rada, odnosno poticaja razvoja male privrede bit će u obavezi da dostave iste Ministarstvu privrede i Ministarstvo privrede će biti onda također u obavezi da to objavi na jednom centralnom mjestu, znači imat ćemo jedno centralno mjesto u Kantonu Sarajevo, gdje će svi programi, strategije razvoja male privrede biti na jednom mjestu, tako da ćemo razviti jedan nivo transparentnosti, uključenosti, javnost, upoznatost, jer

evo, mi dan danas imamo situaciju da, doduše, ne toliki broj, taj broj se svake godine smanjuje je manji i manji, ali imamo još uvijek broj određenih ljudi, poduzetnika koji ne znaju da postoji program i razvoja male privrede, koje poticaje nudimo, a nudimo ih jako, jako mnogo u Kantonu. Dobro, tu je, znači i ta prva tačka koja je jako bitna u ovom Nacrtu zakona. Druga je usklađivanje odredaba Zakona o poticaju razvoja male privrede sa preporukama Europske komisije 2003/361 EC. Radi se o redefinisanoj kriterija za svrstavanje poslovnih subjekata u kategoriji subjekata male privrede te kriterija za kategorizaciju ovih subjekata na mikro, male i srednje subjekte male privrede, čime se uspostavlja pravna usklađenost sa EU standardima. To su tehnički detalji, ali ipak želimo da idemo u tom kontekstu. Radi se o prihodima i prihodima i poslovnoj imovini te broju zaposlenih, generalno, kategorizacija i usklađivanje tih propisa sa preporukama Europske komisije. Dalje, proširenje, proširenje obuhvata poticajnih mjera i omogućavanje potrebne inovativnosti prilagodbe ovih mjera tržišnim potrebama. Član 12 koji je ključan u ovom čitavom evo Nacrtu zakona, po nama u Ministarstvu privrede dodaje se jedan novi stav jel koji kaže: "Druge aktivnost od značaja za ostvarenja ciljeva razvoja male privrede", jest široko, ali baš ta širina nam daje prostora da budemo kreativni, inovativni, da pratimo trendove kako tržišta, tako i makroekonomske trendove i da adekvatno tome i pravovremeno planiramo, programiramo, provodimo, implementiramo ove programe koje imamo. Ja ću evo nekoliko samo primjera. Ukoliko se usvoji ovakav jedan prijedlog, koje ćemo mogućnosti imati u budućnosti. To su sada samo neke naše ideje, ne mora značiti da će doći zaista do toga, a evo, ja ću nabrojati 5 primjera; financijskih poticaj s inkubacijom za osnivače, fizička lica koja nemaju status mladih osoba u skladu sa Zakonom o mladima. Vi znate da mi imamo poticaje za osnivače sa inkubacijom na Mašinskom fakultetu, gdje smo osnovali Centar za razvoj poduzetništva kao organizacionu jedinicu Centra za napredne tehnologije i da od prošle godine uspješno imamo taj Program gdje 23, 24 mlada subjekta poslovna subjekta su počeli svoj poduzetnički put. Ovom izmjenom nam otvara mogućnost da ne budemo samo fokusirani na mlade. Naravno, mladi će nam biti fokus i dalje, ako ne i najveći fokus, sigurno, ali ako vidimo jednu dobru poslovnu ideju, mogućnost, zašto ne podržati kroz ovakve programe i ovakvu širinu programa i poslovne ideje gdje postoji neki poduzetnički kapital, kapacitet i da je to na kraju krajeva i provodivo. To je jedan primjer. Drugi primjer financiranja angažmana određenih mentora, stručnjaka iz oblasti, tehnologije, marketinga, financija. Vaučeri koji se mogu koristiti u okviru inkubacijskog perioda, a mentori se akredituju kroz javni poziv. To je isto jedan primjer. Treći primjer, poticaj za otkup, zakup i revitalizaciju poslovnog prostora. Mnogi mali privrednici ne mogu sebi priuštiti odgovarajući poslovni prostor, što ih limitira u rastu. Ovim izmjenama zakona bi bili mogućnosti da ovakav jedan program sačinimo i da na taj način pomognemo našim poduzetnicima. Poticaj za razvoj vlastitih robnih marki industrijskog, industrijskog dizajna. Naime, većina malih proizvođača radi kao podizvođač, bez vidljivosti na tržištu. Može se obezbijediti grant za dizajn ambalaže, brendiranja, industrijskog dizajna, zaštitu intelektualne svojine. I korisnici ove mjere bi bili subjekti iz prerađivačke industrije, obrta, tekstila i hrane. I zadnji primjer o kojem razmišljamo nova mjera „afterkear“ Grand program sa ciljem pružanja Grand podrške već osnovanim pravnim licima sa stranim osnivačem za dodatna ulaganja u mašine, standarde, izvoznu opremu i druge potrebne troškove. Znači, to su par nekih primjera o kojem bi volio evo da i vi razmislite prilikom rasprave o ovom Nacrtu, a i da imate to u vidu ukoliko dođe do usvajanja ovog zakona. Sljedeća tačka koja je novina u ovom Nacrtu zakona je racionalizacija obaveza korisnika. Ja ne znam koliko ste upoznati, ali evo, pokušati ću vam približiti. Ikoliko dobije nekog grant sredstva putem programa raznih on ima trenutno u zakonskom okviru je propisano da ima rok od 6 mjeseci da ih namjenski utroši, namjenski utroši ta sredstva. Taj rok od 6 mjeseci zna često da bude kratak i da predstavlja našim korisnicima problem. Problemi, odnosno izazovi na tržištu se promijene, okolnost se promijene, postane sve to jedna velika komplikacija, a mi kao Ministarstvo privrede nemamo mogućnost izaći van okvira zakona koji kaže 6 mjeseci vam

je rok i onda zaista gdje su objektivni razlozi ne možeš, vezane su ti ruke, moramo na taj način da postupimo. Mi sada ovdje predlažemo da to se poveća sa 6 na 12 mjeseci. Smatramo to opravdanim, objektivnim u cilju racionalizacije i racionalne upotrebe tih namjenskih sredstava. Preciznije definiranje uloga. Ovim nacrtom zakona će se definiše se, da jedina nadležnost prilikom kreiranja programa razvoja četverogodišnjeg i planova godišnjeg ima Vlada, Ministarstvo privrede Kantona Sarajeva, jedinica lokalne samouprave, znači svi oni koji zaista raspolazu finansijskim sredstvima u tom smislu, dok akademska zajednica, razvojne agencije i komore zadržavaju konzultativni savjetodavnu ulogu. I finansijski aspekt, zakon ne nameće dodatna opterećenja. Ostajemo u granicama onoga što je trenutno na snazi, tj. 0,5 do 2 % vrijednost budžeta u prethodnoj godini, dok jedinice lokalne samouprave samostalno odlučuju o alokaciji sredstava u skladu sa njihovim mogućnostima. Znači, ni tu ne stavljamo nikakvu obavezu i teret jedinicama lokalne samouprave i mislim da je to zadovoljavajuće i s njihovog aspekta. Mi smo u cilju sveobuhvatne pripreme. Za ovaj sam nacrt imali nekoliko konsultacija sa općinskim službama koji rade na provođenju ovoga i oni zaista i pozitivno gledaju na ovu situaciju i da se u cilju ujednačavanja određenih programskih mjera, programskih mjera, da se ne duplamo u određenim situacijama i stvarima, da se donese ovakav jedan zakon gdje će se znati prvo na jednom mjestu, da imamo koje programe, šta ko podržava, na koji način se to podržava, a s druge strane da se i prošire određeni propisi, odnosno određene norme koje će dati određenu slobodu i fleksibilnost u kreiranju novih poticajnih mjera u cilju razvoja i rasta. Evo, ovim izmjenama i dopunama stvara se efikasniji, inovativniji, transparentniji sistem za podršku razvoja male privrede. I evo ja, ja vas još jednom sa ove pozornice zahvaljujem na svim ovim diskusijama koje ste imali danas povodom svih ovih zakona, zaista korektno, zaista profesionalno, odgovorno. Mislim da ste i vi zadovoljni sa Ministarstvom privrede u tom smislu šta vam je pripremio za danas, koje materijale, a u narednom periodu će toga biti još. Hvala vam puno.

Elvedin Okerić (predsjedavajući)

Zahvaljujemo se uvaženom ministru Mijatoviću. Otvaram raspravu, zastupnik Davor Čičić se javio za riječ. Izvolite, imate riječ.

Davor Čičić (zastupnik)

Zahvaljujem predsjedavajući. Pa evo i ovo je jedan iznimno bitan po meni Zakon i zahvaljujem se ministru što je, evo, i taj Zakon donio na dnevni red. Naravno, ovo je Nacrt i evo koliko vidim, javna rasprava će trajati 60 dana po pitanju ovoga Zakona o poticaju razvoja male privrede i sigurno će biti značajno da se svi subjekti, kako lokalne samouprave po općinama, koji isto tako izdvajaju određena sredstva za poticaj male privrede, tako i Ministarstvo i svi zainteresovani sudionici uključe u ovu javnu raspravu i da ju što više, da tako kažem, prijedloga kako ovo unaprijediti. Koliko sam shvatio ministra, većina ovih stvari koje se na neki način mijenjaju kroz ovaj Nacrt, dolaze iz iskustva rada u Ministarstvu, iskustva svega onoga što se dešavalo kroz poticaje iz prethodnih godina, koji opet moram reći da je Kanton Sarajevo u tom, u odnosu na ostale Kantone, napravio značajan iskorak u poticaju male privrede i da se sredstva koja se odvajaju kroz ovo Ministarstvo u Kantonu Sarajevo već zadnjih nekoliko godina značajna. I u svakom slučaju pozitivno je to da su u Ministarstvu uvidjeli pozitivna i negativna iskustva na osnovu prethodnog zakona koji je bio i da s ovim novim zakonom pokušavaju unaprijediti sve ono što je po njima bilo teže provodivo, neprovedivo ili na neki način nije bilo dobro formulirano. Dosta toga je evo, ministar obrazložio, sve te stvari koje je obrazložio po meni su jako pozitivne i afirmativne i u svakom slučaju treba ići u tom smjeru. Treba se napraviti neka, da tako kažem, i zajednička strategija ulaganja u malu privredu, ne samo Kantona, nego da je on uvezan i sa jedinicama lokalne samouprave, jer dosta često smo

svjedoci toga da ti programi na nivou Kantona ili na nivou općina nisu baš usklađeni, ne idu u istom smjeru, a ovim bi se to na neki način korigovalo i pravilo bi se četverogodišnji da tako četverogodišnji plan razvoja male privrede, što je u svakom slučaju pozitivno i da čitav Kanton ide, da tako kažem, u istom smjeru, jer kao što ste vidjeli, znalo se često dešavati da određeni subjekti na svim tim nivoima dobivaju određene poticaje za različite stvari, a u biti za različite javne pozive, u biti su dobivali poticaje za istu stvar, odnosno za isti, da tako kažem, aktivnost koju su se prijavljivali na različitim, da tako kažem, javnim pozivima, što u općinama, što u Kantonu, što u gradu i u svakom slučaju treba to na neki način sinkronizirati, na neki način objediniti i podržati tu malu privredu, možda u više programa, a ne da se oni konkurišu za isti program na različite, da tako kažem, nivoe vlasti. U svakom slučaju podrška. Smatramo da ovo ide u pravom smjeru i sigurno ima još dosta stvari koje ćemo i mi, eto, pokušati kroz javnu raspravu da evidentiramo i na neki način dostavimo kao naše prijedloge prema Ministarstvu i naravno, onome kada onome ko bude provodio javnu raspravu. Zahvaljujem.

Elvedin Okerić (predsjedavajući)

Zahvaljujem se zastupniku Čičiću. Za riječ se javio zastupnik Rusmir Pobrić.

Rusmir Pobrić (zastupnik)

Hvala predsjedavajući. Pa nakon 10 godina od donošenja Zakona i 9 godina njegove implementacije, mislim i da je vrijeme da se otvori jedna institucionalna diskusija o njegovoj primjeni. Istina i postojeći zakon je davao dobar okvir za izradu i prilagodbu programa podrške maloj privredi u određenim intervalima, pa smo mogli vidjeti na početku da je bilo i veći broj programa i nešto manje sredstava, kasnije se reducirao broj programa, čini mi se, u zadnjoj godini implementacije 2024. na 11 programa, ali je implementacija bila najbolja u smislu implementiranih sredstava. Ovaj zakon postojeći je osigurao da se u ovom desetogodišnjem ili devetogodišnjem periodu implementacije u malu privredu plasira gotovo 48 miliona maraka. Toliko je implementirano u 9 godina provedbe Zakona o poticaju razvoja male privrede u Kantonu Sarajevo. Često u diskusijama i opozicije ovdje u Skupštini Kantona čujemo gdje su sve sredstva otišla, milijarde su bile na raspolaganju, evo u nekoj od prethodnih tačaka, smo spominjali da je za utopljanje otišlo preko 25 miliona maraka, evo sada govorimo o gotovo 50 miliona maraka koji su implementirani za poticaje maloj privredi. Samo u posljednje 4 godine podržano je više od 1000 malih firmi. Dakle 1049 tačno subjekata male privrede, dakle mikro, malih i srednjih preduzeća. Također, ovaj poticaj maloj privredi i razvoj subjekata male privrede je pratio i rast broja zaposlenih u Kantonu Sarajevo. Ako pogledamo ovaj period, u 10 godina gotovo za 30 000 je povećan broj zaposlenih u Kantonu Sarajevo. Ne kažem da je to rezultat samo ovih poticaja. Tu je, naravno, najvažnija vitalnost i privredna aktivnost, ali zasigurno i poticaj maloj privredi i programi zapošljavanja koje Služba za zapošljavanje Kantona Sarajevo radila su dali doprinos u ovom smjeru da se stvara ambijent razvoja male privrede u Kantonu Sarajevo. dvije su stvari po meni najznačajnije jel u ovom Nacrtu u predloženim izmjenama to je ta koordinacija sa jedinicama lokalne samouprave sa lokalnim nivoom koja će doprinijeti boljoj usklađenosti, ali i boljoj transparentnosti i boljoj promociji svih programa koje imamo na kantonalnom i lokalnom nivou. I druga stvar, a to je ova dodatna fleksibilnost Ministarstvu pri kreiranju programa, evo ministar je u uvodnom izlaganju spominjao i neke programe koji su isključivo namijenjeni populaciji mladih do 35 godina, da će se ostavljati mogućnost i u tim programima, da i oni koji ne spadaju u kategoriju mladih imaju dobre poslovne ideje, budu podržani. Ja bih tu samo jednu napomenu naveo da se zadrže postojeće prakse podrške mladim ljudima i da ne bismo u toj širini otvaranja, dakle te dobne granice i za stariju populaciju, da tako kažem, koja je konkurentnija i iskustvom i kapitalom, itd. uradili nešto nauštrb prilika i mogućnosti za mlade ljude. Tako da li precizirati zakonom ili

ovaj kroz praksu ministarstvo, evo kako je ministar najavio da će se zadržati postojeći programi, ali o tome treba voditi računa. Jel ono što nije normirano, najčešće se na nekoj slaboj karici odrazi. To vidimo i prilikom usvajanja budžeta da, nekada, je li, prioriteti se drugačije raspoređuju. Podsjetit ću u ovom kontekstu, dakle, da je od 2019. do 2024. godine podržano 236 omladinskih firmi. Zanimljivo je, također, da je posljednja godina bila najbolja. Ja sam spomenuo iako se reducirao broj programa, implementacija je bila preko 11 miliona, a na početku implementacije ovog Zakona ti su iznosi bili 3 pa 2 000 000 itd. od 2021. i, čini mi se, imamo tek veći skok sredstava, ali rekordna je bila 2024. godina, dakle više od 11 miliona za više od 420 subjekata male privrede. I to bih želio uputiti za to čestitke ministru Mijatoviću i njegovim kolegama u Ministarstvu. Također, podržano je 270 firmi kroz programe podrške ženskom preduzetništvu. Dakle firme u vlasništvu ili većinskom vlasništvu žena. Dakle, kroz javnu raspravu evo ova je napomene s moje strane ili doprinos javnoj diskusiji, da kažem u kontekstu zaštite programa podrške razvoju preduzetništva mladih, da se na određen način probaju osigurati, da li kroz zakonske norme ili određeni podzakonski akt nakon provedene javne diskusije i kreiranja finalnog prijedloga koji vjerujem da će nam uskoro doći u skupštinske klupe.

Elvedin Okerić (predsjedavajući)

Zahvaljujemo se zastupniku Pobriću. Za riječ se javio zastupnik Elvis Vreto.

Elvis Vreto (zastupnik)

Hvala predsjedavajući. Pa evo kao i kod izmjena i dopuna Zakona o turizmu, i ovdje se radi zaista o jednom sistemskom pristupu, kako Ministarstva, tako i kompletne Vlade. Ono što je jako važno naglasiti da poticaj razvoju male privrede nije nikakav trošak. To je investicija koja se višestruko vraća godinama. Evo, to su statistički podaci pokazuju koje je iznio kolega Pobrić. Ono što želim da naglasim, drago mi je da je ministarstvo na ovaj način želi da obaveže na jedan način lokalne zajednice, da donose četverogodišnje planove i jednogodišnje planove za poticaj razvoja male privrede. I s druge strane, i drago mi je što nisu ušli i ispoštovali su u potpunosti i Zakon o principima lokalne samouprave gdje je lokalnim zajednicama ostavljena mogućnost i to pravo im ostaje da oni kreiraju programe, da definišu sredstva obzirom da različite lokalne zajednice svakako imaju različite probleme i potrebe da podstiču određene djelatnosti na svom lokalitetu. Puna podrška svakako ovom Nacrtu zakona. Nadam se, također, da će kroz javnu raspravu on dobiti još dodatnih prijedloga koji će biti ugrađeni i poboljšani sam i ovaj Nacrt. Mislim da jedan podatak, kolega Pobrić je već to iznio, da u prošloj godini implementirano oko 11 000 000 za poticaj razvoja male privredi, iako je budžetom planirano nešto manje od 9 000 000 za ove svrhe. Želim zaista da čestitam i da pokušaju nastaviti u tom trendu i Ministarstvu i Vladi, koji su iznašli načini i preraspodijelili, preraspodijelili sredstva koja su bila neophodna da bi se implementacija ovog dijela izvršila u nikad većem nivou, u budžetu Kantona Sarajevo. Eto, toliko. Hvala predsjedavajući.

Elvedin Okerić (predsjedavajući)

Zahvaljujem se zastupniku Vreti. Zastupnicama Mersiha Mehmedagić se javila za riječ.

Mersiha Mehmedagić (zastupnica)

Hvala predsjedavajući. Pa ako se javnost pitala šta vlast radi da pomogne razvoju i njegovanju preduzetničke kulture u Kantona Sarajevo onda je Zakon o preduzetništvu i evo sad ove njegove izmjene pravi odgovor da vlast kontinuirano, predano i vrlo analitički radi na njegovanju preduzetničke kulture i zakoni koji izniknu kao rezultat samosvijesti i praćenja i analize i implementacije nečega na čemu već radite su zasigurno garant da ćete u narednom

periodu biti još precizniji, još bolji i efikasniji. I brojke koje je iznio kolega Pobrić najbolje pokazuju da se ovim zakonom i ovim putem, kojim je krenula Vlada Kantona Sarajevo vraća vjera u preduzetničku kulturu naše nacije i to je nešto što trebamo da njegujemo kako bi naše i tržište rada bilo što bogatije i što manje ranjivo na neke veće tektonske poremećaje. Ono što je izuzetno važno jeste da nismo bogato društvo da rasipamo resurse i intencija ovog zakona, jedna od intencija ovog zakona jeste upravo i optimizacija resursa na način da se jasno zna šta, koji nivo vlasti podstiče, kao što će se jasno znati koliko ko podstiče lokalne zajednice shodno njihovim budžetskim mogućnostima, a Budžet Kantona Sarajevo od 0,5 do 2 % od vrijednosti godišnjeg budžeta što jeste jedna od najznačajnijih poruka možda ovog zakona da će oni koji se odluče i ohrabre krenuti putem preduzetništva malog preduzetništva, znači da kreiraju vlastita radna mjesta i radna mjesta za druge ljude, razvoj njihovih biznisa, da će imati sigurnu poticajnu liniju, da će imati mentorstvo, što je ključ opstanka malih biznisa i da će se te mjere prilagođavati kako se budu kretale i njihove potrebe i potrebe tržišta i kakvi uslovi na tržištu budu. Izuzetno je važno kada imamo 1 zakon koji garantuje fleksibilnost, kada to nije zakon koji vreba onoga na koga se odnosi i kako će da pogriješi i da ne opravda sredstva, da ne može povući sredstva. Upravo ovom mjerom, da se prolongira korištenje sredstava sa šest na 12 mjeseci se i pokazuje ta namjera da Vlada zaista ta sredstva koja izdvoji želi da i plasira onako kako je i namjera ovog zakona, a to je da se osnaži poduzetnička kultura i da se kroz razvoj malih i srednjih biznisa razvija ta mala privreda, kao možda i jedan najstabilniji temelj zapošljivosti u Kantonu Sarajevo. U svakom slučaju, smatram da ćemo na ovaj način još više utvrditi povjerenje onih koji žele da krenu ovim putem poduzetništva, da će imati sigurnu podršku u Vladi Kantona Sarajevo i da će u svakom trenutku znati koliko sredstava mogu povući, na koga se mogu osloniti, u kojoj fazi svog poslovanja i da će njihovo poslovanje na taj način biti manje neizvjesno, uz se podrške od jedinice lokalne samouprave do na kraju državnog nivoa. Hvala.

Elvedin Okerić (predsjedavajući)

Zahvaljujem se zastupnici Mehmedagić. Nema više prijavljenih za raspravu. Zaključujem raspravu na ovoj tački dnevnog reda, prelazimo na tačku sedam.

AD- 7.

Prijedlog Odluke o davanju saglasnosti za zaključivanje Ugovora o zasnivanju prava služnosti


Ministar Mijatović se javio. Izvolite.

Zlatko Mijatović (ministar)

Hvala predsjedavajući. Iz tehničkih razloga, molim vas da povučemo ovu tačku pa ćemo na narednoj nekoj sjednici. Hvala.

Elvedin Okerić (predsjedavajući)

OK. Iz tehničkih razloga ova tačka se povlači.



EKONOMSKO - SOCIJALNO VIJEĆE ZA PODRUČJE KANTONA SARAJEVO S A R A J E V O

Broj: 13-04-54746-5/25
Sarajevo, 29.01.2026. godine

U skladu sa članom 3. Sporazuma o osnivanju Ekonomsko - socijalnog vijeća za područje Kantona Sarajevo br. 02-05-33200-19.1/05 od 03.02.2006. godine, 02-05-21020-16.1/11 od 30.06.2011. godine i 02-05-23316-25/16 od 14.07.2016. godine i članom 23. Poslovnika o radu Ekonomsko - socijalnog vijeća za područje Kantona Sarajevo br. 01-69-4-50/18 od 17.07.2018. godine, 01-73-6-29-1/19 od 15.05.2019. godine, 13-01/2-04-4222-5/21 od 23.02.2021. godine i 13-05/1-02-25346/23 od 06.06.2023. godine, Ekonomsko - socijalno vijeće za područje Kantona Sarajevo je donijelo sljedeći:

ZAKLJUČAK

1. Ekonomsko - socijalno vijeće za područje Kantona Sarajevo podržava aktivnosti na donošenju Zakona o izmjenama i dopunama Zakona o turizmu.
2. Svaki od socijalnih partnera unutar Ekonomsko - socijalnog vijeća za područje Kantona Sarajevo eventualne primjedbe ili dopune može dostaviti predlagачu Zakona u narednih 15 dana.



Dostaviti:

1. Premijer Kantona Sarajevo,
2. Predsjednik ESV KS,
3. Potpredsjednici ESV KS (X2),
4. Savez samostalnih sindikata BiH - Kantonalni odbor Kanton Sarajevo,
5. Udruženje poslodavaca Kantona Sarajevo,
6. Ministarstvo za rad, socijalnu politiku, raseljena lica i izbjeglice Kantona Sarajevo,
7. Ministarstvo privrede Kantona Sarajevo,
8. A/a.



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/2-02-56620/25
Sarajevo, 16.12.2025. godine

MINISTARSTVO PRIVREDE
gosp. Zlatko Mijatović, ministar

PREDMET: Prijedlog Zakona o izmjenama i dopunama Zakona o turizmu,
mišljenje -

VEZA: Vaš akt, broj: 07-08-11-28395/24 od 04.12.2025. godine

Postupajući po Vašem aktu, broj i datum veze, na osnovu člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6: Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 -- Drugi novi prečišćeni tekst, 2/18 -- Ispravka i 32/22), Ministarstvo pravde i uprave razmotrilo je dostavljeni prijedlog Zakona i daje slijedeće

MIŠLJENJE

Prijedlog Zakona o izmjenama i dopunama Zakona o turizmu je propis kojim se ne povrjeđuju prava i slobode zaštićene odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.

MINISTARICA

Đarja Softić Kadenić



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08/03-02-56604/25 MD
Sarajevo, 12.12.2025. godine

KANTON SARAJEVO
MINISTARSTVO PRIVREDE

Predmet: Mišljenje na Prijedlog zakona o izmjenama i dopunama zakona o turizmu;
Veza: Vaš dopis br.: 07-08-11-28395/24 od 04.12.2025. godine;

Vezano za vaš zahtjev za mišljenje na Prijedlog zakona o izmjenama i dopunama zakona o turizmu, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo privrede Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona, dostavilo na mišljenje popunjen i potpisan obrazac IFP-NE u kojem je data sljedeća izjava: „Za realizaciju ovog Zakona nisu potrebna dodatna sredstva iz Budžeta Kantona Sarajevo“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama i dopunama zakona o turizmu, Ministarstvo finansija, sa aspekta fiskalnog učinka na Budžet, nema primjedbi. Budžetski korisnici mogu preuzimati obaveze najviše do visine sredstava odobrenih operativnim budžetom, u skladu s članom 53. Zakona o budžetima Federacije BiH. Prema članu 46. stav (4) istog Zakona, budžetski korisnici odgovorni su za zakonito, namjensko, efikasno i ekonomično raspolaganje budžetskim sredstvima.

Ovo mišljenje je dato u skladu sa odredbama Prijedloga zakona koji se obrađuju i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

MINISTAR

Dr. Afan Kalamujić

Dostaviti:


1. Naslovu
2. MF – Sektor za budžet i fiskalni sistem
3. a/a

Pripremila:

Kontrolisali:



Bosnia and Herzegovina
Federation of Bosnia and Herzegovina
CANTON SARAJEVO
Public Defender's Office of Sarajevo Canton



Broj: M-279/2025
Sarajevo, 24.12.2025. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede

Veza: Akt Ministarstva privrede br: 07-08-11-28395/24 od 04.12.2025. godine

Aktom broj i datum veze, koji je zaprimljen od strane ovoga Pravobranilaštva dana 11.12.2025. godine, Ministarstvo privrede Kantona Sarajevo traži mišljenje Pravobranilaštva u postupku donošenja „Zakona o izmjenama i dopunama Zakona o turizmu“ (u daljem tekstu: Zakon) sve u skladu sa Uredbom o postupku i načinu pripremanja, izrade i dostavljanja propisa („Sl. novine Kantona Sarajevo“, 50/2017 - prečišćen tekst, 2/2018 - ispr. i 32/2022).

Postupajući u skladu sa odredbama člana 14. Zakona o pravobranilaštvu („Sl. novine Kantona Sarajevo“ br. 33/2008, 7/2012, 44/2016 i 45/2021), a u vezi sa članom 4. Uredbe o postupku i načinu pripremanja, izrade i dostavljanja propisa („Sl. novine Kantona Sarajevo“, 50/2017 - prečišćen tekst, 2/2018 - ispr. i 32/2022), Pravobranilaštvo je izvršilo uvid u dostavljeni prijedlog Zakona, te isti dalje sljedeće:

MIŠLENJE

Uvidom u dostavljeni prijedlog Zakona utvrđeno je da se odredbama dostavljenog prijedloga Zakona ne uređuju imovinsko-pravni odnosi, prava i obaveze prema stvarima u vlasništvu Kantona, kao ni imovinski interesi Kantona Sarajevo, na direktan i neposredan način.

Članom 22. prijedloga Zakona propisan je način utroška sredstava za razvoj i unapređenje turističkog proizvoda, kojim je propisano da će se način utroška novčanih sredstava iz člana 82. stav (3) i člana 82a. stav (2) Zakona urediti putem uredbe, koju će donijeti Vlada na prijedlog Ministarstva, a kojom će se na direktan i neposredan način urediti pitanja utroška novčanih sredstava, odnosno istim će se na direktan i neposredan način urediti pitanje potencijalnih imovinsko-pravnih odnosa, prava i obaveze prema stvarima u vlasništvu Kantona, kao i imovinskih interesa Kantona Sarajevo.

Dakle, kako se dostavljenim prijedlogom Zakona ne uređuju imovinsko-pravni odnosi i imovinski interesi Kantona Sarajevo, na direktan i neposredan način, jer će se isti urediti posebnom uredbom na prijedlog Ministarstva, to Pravobranilaštvo nema primjedbi niti sugestija na dostavljeni prijedlog „Zakona o izmjenama i dopunama Zakona o turizmu“.

S poštovanjem,

ZAMJENIK PRAVOBRANIOCA
Elmir Bajrić



Broj: 09-02-56586/25
Sarajevo, 14.01.2026. godine

KANTON SARAJEVO
MINISTARSTVO PRIVREDE

**PREDMET: Mišljenje na prijedlog Zakona o izmjenama i dopunama
Zakona o turizmu.-**

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Oblast turizma i turističke djelatnosti spada u zajedničku nadležnost Federacije i kantona shodno odredbama člana III 2. Ustava Federacije Bosne i Hercegovine, a način ostvarivanja ovih zajedničkih nadležnosti propisan je odredbama člana III 3. Ustava Federacije Bosne i Hercegovine i odredbama člana 13. Ustava Kantona Sarajevo. Ova nadležnost se prema Ustavu Federacije Bosne i Hercegovine, može ostvariti zajednički ili odvojeno ili od strane kantona koordinirano od federalne vlasti. Isto tako, u skladu sa članom III 4. stav (1) k) Ustava Federacije Bosne i Hercegovine, kantonima pripadaju sve ovlasti koje nisu izričito dodijeljene federalnoj vlasti, a posebno su mjerodavni za stvaranje i provedbu politike kantonalnog turizma i razvoja turističkih resursa, dok federalna vlast ima pravo utvrđivati politiku i donositi zakone, koji se tiču ove nadležnosti.

Odredbama člana 12. stav (1) tačka k) Ustava Kantona Sarajevo propisana je isključiva nadležnost kantona vezano za stvaranje i primjenu politike turizma i razvoja turističkih resursa.

Cijeneći naprijed navedene odredbe Ustava Federacije Bosne i Hercegovine u oblasti turizma doneseni su federalni Zakon o turističkim zajednicama i promicanju turizma u Federaciji Bosne i Hercegovine ("Službene novine Federacije Bosne i Hercegovine", br. 19/96 i 28/03), kao i Zakon o turističkoj djelatnosti ("Službene novine Federacije Bosne i Hercegovine" broj: 32/09).

Presudom Ustavnog suda Federacije Bosne i Hercegovine ("Službene novine Federacije Bosne i Hercegovine", broj: 61/14), federalni Zakon o turističkim zajednicama i promicanju turizma u Federaciji Bosne i Hercegovine proglašen je neustavnim, iz razloga što u postupku njegovog donošenja nije adekvatno primijenjen institut međusobnog dogovaranja federalnih vlasti i kantona, čime su povrijeđene odredbe člana III 3. (1), (2), (3) i (4) Ustava Federacije Bosne i Hercegovine.

Ovom presudom Ustavni sud je odredio prijelaznu mjeru kojom se daje mogućnost Parlamentu Federacije Bosne i Hercegovine da u roku od šest mjeseci od dana objavljivanja ove Presude u "Službenim novinama Federacije Bosne i Hercegovine" uredi materiju koja je regulisana osporenim zakonom. Nakon isteka ovog roka osporeni federalni zakon, kao i na osnovu njega doneseni podzakonski akti, ne mogu se dalje primjenjivati. Do danas, federalne vlasti nisu pravno regulisali materiju koja je bila predmetom osporenog federalnog zakona. Na ovaj način stvorena je pravna praznina, čime se u značajnoj mjeri ugrožavaju interesi kantona po pitanju rada i djelovanja kantonalne turističke zajednice, a samim tim i provedbe politike turizma i razvoja turističkih resursa na području Kantona Sarajevo, a što je obaveza propisana odredbama Ustava Federacije Bosne i Hercegovine i Ustava Kantona Sarajevo.

Iz tih razloga, Kanton Sarajevo je donio Zakon o turizmu ("Službene novine Kantona Sarajevo", br. 19/16, 31/17 i 34/17 – Ispravka i 31/21), kojim su se zaštitili interesi kantona u ovoj oblasti, a vezano za pravno regulisanje pitanja koja se odnose na osnivanje, djelatnost, finansiranje, unutrašnju organizaciju kantonalne turističke zajednice, kao i druga pitanja koja su bila regulisana osporenim federalnim zakonom i na osnovu njega donesenih podzakonskih akata. Osim navedenih odredbi Ustava Federacije Bosne i Hercegovine, pravni osnov za ovakvo postupanje sadržan je i u članu 14. stav (2) Ustava Kantona, kojim je propisano da zajedničke nadležnosti sa Federacijom, Kanton vrši u obimu dogovorenom sa federalnim vlastima.

Kako se Zakon o turizmu primjenjuje do donošenja gore navedenog federalnog zakona, a čijim donošenjem bi se obezbjedila saradnja, dogovor i koordinacija između kantonalnih i federalnih organa vlasti u skladu sa stavom i mišljenjem Ustavnog suda Federacije Bosne i Hercegovine, kao i odredbama Ustava Federacije Bosne i Hercegovine i Ustava Kantona Sarajevo, osim ako se federalnim zakonom drugačije ne propiše, istim su uređena gore navedena pravna pitanja.

Shodno navedenom, mišljenja smo da pravno regulisanje pitanja licence, detaljnijeg regulisanja pojedinih vrsta i oblika turizma, inspeksijskog nadzora i kaznene politike, trebaju biti predmetom regulisanja novog federalnog zakona, koji će se donijeti u koordinaciji i dogovoru sa kantonalnim organima vlasti, a u cilju uvažavanja potreba i pravne zaštite interesa kantona u oblasti turizma, a što je Ured za zakonodavstvo Kantona Sarajevo (u daljem tekstu: Ured) naveo u svom Mišljenju, broj: 09-02-9860/16 od 07.04.2016. godine.

2. Što se tiče dostavljenog prijedloga Zakona o izmjenama i dopunama Zakona o turizmu (u daljem tekstu: Zakon) u članu 1. nosilac pripreme predmetnog materijala uređuje značenje pojmova destinacijski menadžment i turistički proizvod, u članu 3. pitanje strategije razvoja turizma jedinice lokalne samouprave, u članu 4. kategorizaciju turističkih mjesta, te u čl. 5., 6. i 7. pitanje licence, izdavanje licence i oduzimanje licence, a koja su pitanja stručne prirode u nadležnosti nosioca pripreme predmetnog materijala, dok se u članu 2. uređuje pitanje tehničke prirode.

U odredbama čl. 8. do 17. dostavljenog prijedloga Zakona nosilac pripreme predmetnog materijala uređuje unutrašnju organizaciju kantonalne turističke zajednice, te u članu 18. pitanje dnevne boravišne takse, koja su također pitanja stručne prirode u nadležnosti nosioca pripreme predmetnog materijala.

Odredbe čl. 19. do 23. dostavljenog prijedloga Zakona sadrže pitanja finansijske prirode kojim nosilac pripreme predmetnog materijala uređuje članarinu, visinu članarine, osnovicu za

obračun članarine, način utroška sredstava za razvoj i unapređenje turističkog proizvoda, te izradu godišnjeg finansijskog izvještaja.

Odredbom člana 24. dostavljenog prijedloga Zakona brišu se čl. 87. do 91. Zakona o turizmu koji uređuju pitanje nadzora od strane nosioca pripreme predmetnog materijala, provedbu nadzora, mjere za otklanjanje uočenih nepravilnosti, raspuštanje skupštine i način imenovanja povjerenstva u Turističkoj zajednici Kantona Sarajevo.

Odredbom člana 25. dostavljenog prijedloga Zakona uređuje se pitanje nadzora nad primjenom ovog zakona.

U odredbama čl. 26. do 35. dostavljenog prijedloga Zakona uređuju se prekršajne kazne za pravna i fizička lica, koja su u nadležnosti nosioca pripreme predmetnog materijala.

3. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



ŠEF UREDA

Elma Bećirović